

NONGWA YA FÍKI USWE

TUKÁYA KIPĀNGA-KIPĀGÚKE?

 Twebalusako ukuya tugomokile apa pa kigemo kangi, ukufuma ukufwana, une ngusakikisia, kifuki imyesi mitatu ukusōkapo. A bālukótí bāli na kabalilo akakafu, momumo nīne. O, ukwene kwihobwile, palema, lilino, kangi umwe mukwipilikila fiyopu ngati mukwingila ndukomano kangi. Kangi ukugūlila lilino ukwanda indungu gukwisa ugu, i Kitatu kikwisa iki nkilo, ku lu—lu sasanio mulamula mula mu kitembe. Kangi linga Kyala ikwitikisia, une mu luko lumo... U Ntwa afingile kwa une u luko lwa butumigwe ubukindane kangi ubupya. Kangi linga Umwene ahobwike ukubomba bo ulo, une ngusubila ukwanda lula—lula u luko ulupya lwa bubombelo u ndungu ugu gukwisa ugu, apa pa kitembe, ukuya buyo bwākwānda.

² Kangi polelo, une ngaya nasyo nasimo i ngomano imbatikīgwe, loli itolo Australia na New Zealand, ku Januari uyu ikwisa uyu. Kangi polelo Nkundwe Osborn ikuköléla ku lukomano ulwapalikimo ulu une nduko lumo nālifingile umwene apa pakabalilo aka kakindilepo, mu Tulsa, loli kunkyenipanandi, loli uswe tukaya basisimikisyi isya ikyo tāsi.

³ Ikyene kyāli naloliloli kinunu, Nkundwe Jeffreys, ukufika ukukuponia ikiboko kyāko kunyuma apa, kangi kópe ukupilika u ndumiana gwáko ikwimba ulwimbo lula, kangi nukukuba. Une nduko lumo nkiganile kila, tāta nu mwanundumiana. Ngimba umwe mukakigana kila? "Nswila u mwāna mu njila iyi akene kabagile ukubükámo." Uko ko kutalusya, Tata. Guenther, umwe—umwe mumenye ukuti ikyo kyo kutalusya, mwesa-babili ba umwe. "Swilaga u mwāna mu njila iyi akene kabagile ukubukamo, kangi akabalilo kāko umwene ikuya nkusi akene katisakusōkapo." Kangi ikyo kyo kyabwanaloli. Tubagile ukuyapo lumo utubalilo tumo utu umwene abagile ukusōkapo pa yene, loli iyene yitisakusōkapo ukufuma ku mwene. Muketile? Iyene yisa—iyene yisa bwila yisakwitugasya nu mwene. Ubumanyisi ubwakwandana bula kangi kali kyo kiliku umwene aswiligwe ukubomba, ikyene kisa—ikyene naloliloli kisakwitugasyaga nu mwene. Lilino, iki kyo...

⁴ Une nālyagéne nu Nkundwe Jeffreys panja pala, kangi une ndinkuti, "Nkundwe Jeffreys..." Une nālinogwíne, une ne akabalilo kosa nguhoboka ukukéta aligwesa gwa bakundwe bangu abakutuyātila bikwisa, loli u luko lwa kilo ku nkundwe unjāti ukwisa! Iki kyo kilo ikya itolo abandu aba bikwisa ku kitembe, itolo bo ulusasanio lukīsa. Iki kyo kilo... Uswe tukulonda ukwega ikilo iki, kangi kilabo kulubunju, kangi

kilabo nkilo, itolo pa ifi uswe tukwitika apa pa kipanga, uku—ukwändisyा ikyene kangi na kangi. Uswe tuli ni nyitiko simo inswigisye, inhesya fiyo, loli mu njila yimo pamo iyingi uswe tukusyaga isyene mu li Bangeli. Isyene sikufwana sikuya mula mosa ndalusye.

⁵ Kangi lilino, linga abagile ukuyapo u nkundwe unhesya, pamo kalumbu muno, uyu ikufuma ku kipanga-kipágúke kimo, pamo—pamo ikukanikana, itolo itugesyemo muno pa iki ikilo iki, uswe tukulonda umwe ukumanya ukuti umwe nubupelelesye mukwambililigwa. Muketile, umwe mwe itolo mukwambililigwa bo umwe mubagilile. Loli lilino une ngusubila...Kangi uswe tukupela iki naloliloli kikafu. Polelo linga ikyene kikufwana ukuti ugwe utikwitikisania ni kyene, ena, lilino, ugwe bombaga mumo une ngubombela akabalilo kāko une ngulya ikisyesye kya kipaso kya cheri. Kangi akabalilo une ngulya ikisyesye kya kipaso kya cheri, iki kyo kiganigwa kyangu, une akabalilo kōsa, akabalilo kāko une ne...Akabalilo kāko une ngulya ikisyesye, linga une ngufika pa luseke, une ndikusōpámo ikisyesye ukukitaga mma. Une—une ngutaga itolo uluseke nukumilisya ukulya i kisyesye. Polelo, pamo ukufwana ukulya inguku. Lilino, mwesa ba umwe mwesa muyiganile inguku, muketile. Kangi akabalilo kako umwe mukutika ikifupa, umwe mutikuleka mma, umwe mukusyungutila itolo ikifupa nukumilisya ukulya inguku. Ena, iyo yo njila iyi mubombege ikilo iki, iki une nguyobaga apa, umwe itolo...akabalilo kāko umwe mukutika ikindukimo, umwe muyobege, “Lilino, une—une itolo nga...Une ne itolo nitugesye mu iki, ukuya Fimanyisyo finini fyakipanga, muno mu ngomano sitatu isi sikukonga. Abene itolo bikwandisyा iki abene—iki abene bikwitika, kangi bikwandisyamo mu kyene.”

⁶ Kangi injila yene iyi ugwe ubagile kifuke ukumpela u mundu ukwitika Ikyene, ko kwingisya ku kāya nubukafu fiyo mpaka abene bafimbilisgwége ukumanya ukuti Kila kyo kindu iki kyo kitalusye. Iyo yo njila yene ugwe ubagile ukupela ikyene kyikolelele. Itolo bo yu mwinanga, Tāta. Wood une nāli nu mwene; linga ugwe kwingisya u nsumali mwāsinda, kangi ikitapwa kili mosa kyābwíke, u mbelo gwisakupúga ikyene pási lululu ulu. Loli ugwe kufimbilisigwa ukwingisya nkati fiyo, kipelaga ikyene kyikolelege nubukafu. Polelo lilino linga une itolo ngupela iki naloli kyāmatíngó pa mabuyo gamo aga, kangi kwa umwe bayāti ikilo iki umwe mwe mwītugésye, Une ndiku—une ndikugela ukubataga umwene panja. Une itolo ngugela ukwingisya kukaya ku kipanga iki kikyo uswe tukwitika. Mwesa mwe mukupilikisyá ikyo lilino nubununu bwanaloli, mukuyoba, “Ameni.” [Ikilundilo kikuyoba, “Ameni.”—Nsimbi.] Umma ndaga. Ikyo kyo—ikyo kyo kili kanunu. Kangi lilino ega iki ukufuma mmaboko gangu. Kangi polelo—polelo iki...Abene bikwegelela ikyene, ni fyosa bo ifyo, ukuti kilabo, linga abene bālondaga ukusyágánia pala iki uswe tukwimapo, kangi iki ifundo iyi uswe tukwimapo, ifyákwegeléla ifi fisakuyoba ikyene.

Kangi polelo uswe tukubomba iki akabalilo aka na ako, 'nongwa yakuti balipo abantu abapya aba bïkwïsa muno kangi—kangi uswe tukukïndilila nkyeni. Kangi lilino uswe tutisakwandisyaga mosa mu Fimanyisyo fya kipanga, loli itolo fimo mwa ifyene ifi uswe tukulonda u—u kuyobapo. Kangi lilino, ikilo kya Kitatu, palema, kikwanda . . .

⁷ Lilino, Kilembelo na Kibili, une ngusôkapo, ukwakwïpúta, ukwîtëndekésya kuli bumbombelo bwa lubumbulusyo. Kangi umwe mubagile ukubuka pa foni, pamo kulikosa kûku umwe mukulonda, nukuntwala mula aligwesa uyu umwe mwiganíle, kuli lusasanio ulu lukwisa. Kangi babûla abene komma ukwisa nukwibopelabopela lilino, komma ukwisa, ukuyoba, "Ena, lilino une ngubopelaga mula nukwiputilîgwa, ikilo iki. Kangi kilabo nkilo, ikyene kyo môsa . . ." Ugwe utikubomba ikyo mma. Ugwe kwisa muno kangi kupilikisyâ pa kabalilo, 'nongwa yakuti uswe tukulonda ukwega akabalilo kitu nukwâla i Lisyu lila nukulibâtika kifuki, mpaka u möhési atisa nukuya nako na kamokene akayabo ka fwasi akakwendalamo siku. Kangi polelo akabalilo kâko ugwe kululeka u lwitiko lwako ukubopa panja ku bumalikisyô lwâke, mpaka ugwe kwanda ukwitika, polelo leka kunyuma kwa minogono gâko kubukége ukubombela, polelo u lwitiko lwa Kyala lwisakukitûlágâ ikyene. Polelo ugwe gwisakukindililágâ itolo panja. Muketile?

Nongwa yakuti, u lwitiko lwâko lutisakubomba finge fiyo mma. Kunyuma kwa minogono gâko kukufimbilisigwa ukwendela mu latalulo ulu u lwitiko lwâko lukwendela, kangi polelo u lwitiko lwa Kyala lukwendelaga mula kunyuma nukusisimikisyâ ikyene kyosa. Muketile? Loli, linga ulwene lo lwitiko lwâko, "O, ena, une ndinalo ulwene lilino!" Kangi kope kunyuma kwa minogono gako, kukufugila kunyuma apa, kukuyoba, "Une nguswiga linga ikyene kissakubomba imbonbo pa une." Ikyene kissakubomba ikyene, palapala polelo. Muketile? Polelo uswe tukulonda iki ukuya ububombela bwa lubumbulusyo ubwanaloliloli. Kangi bo une ngâli ukubika aligwesa mfyumba, na fyosa bo ifyo, kuli bubumbulusyo, pamo kububombelo ubupya ubu, une ngulonda abene ukupilikisyâ naloliloli iki abene bïkwïsila mula. Polelo itolo kumbukilágâ, kangi isaga nukutuyâtila uswe, kangi uswe twisakuhobokaga ukuya na umwe.

⁸ Lilino kumbukilágâ, lilino, ndubunju, uswe twisakukindililágâ ni Kimanyisyo kya kipanga. Kangi kilabo nkilo i njila yilayila. Lilino umwe mukwambiligwa ukwisa, kangi aligwesa abagile ukwisa. Uswe twe akabalilo kosa tukwikyéla ukukéta aligwesa. Loli lilino iki, ikilo iki, kyo itolo kitalulile ku kâka ku bandu aba bo ba kitembe apa, aba—aba bo bakusígwe mu Kimanyisyo iki. Kabuno, panja mmigunda, mmigunda gya bubangeli, uswe itolo tukwega ifyâlwalo, i Fimanyisyo fyâbubangeli ifya Masimbo. Loli apa

pa kitembe, uswe tuli na minogono gitu twibene kangi inyitiko syitu twibwene, ukuya ki—ukuya ki—ukuya kipanga, kangi ikyo kyo iki uswe tukwandisya ngamo, ikilo iki.

⁹ Kangi bo uswe tukāli ukwigula i Lisyu Lyáke ilisayigwa, ngimba uswe tukabagila ukwinamisyä imitu gyitu pa kabalilo aka lwípúto?

¹⁰ Mwenemaka kangi Kyala gwamaka, Uyu, bo ikisu kikāli nukwanda ukusyungutila pa atomu yākwānda, Ugwe gwāli Kyala. Ugwe ukusanukamo na panandi. Kangi akabalilo kāko gakayapo pala ama atomu ukukikolelela ikyene mmwanya, kangi kikayapo ni kīsu ikyakukolelela mmwanya, Ugwe pope kwisakuyaga Kyala. Ugwe guli gwa kusitakumalika, kangi ukufuma kubusitakumalika. Ugwe gwe Kyala. Ugwe ukalimo nu bwandilo bwa masiku, pamo ubumalikisyö bwa būmi. Ugwe kwisakuyaga akabalilo kosa. Kangi, Tāta, Ugwe ukuya nsitampaka, kangi uswe twebamipaka, polelo uswe tukusumila ku kisa Kyako i Kyabunyakyala, Kyala, ukusyagania ukuti u mbepo gwitu gwa uswe isakulungansiaga mwa Syepwa, ukufuma mu tumbakasya twa kabalilo utu, ukubuka mwa Syepwa. Polelo, Ntwa, uswe tuli apa ukwikéta pa bupokigwa bwitu, ukukéta mumo uswe twímile mbukētēlo bwa Lisyu Lyāko, kangi ukukéta mumo uswe tubkilígwe-mbuyo pa nyendelémo syitu. Ngimba uswe tukwitugasya kila iki kyo kyakuhobosya kwa Ugwe? Ngimba u mbepo gwitu naloli ikupa ubuketi nu Mbepo Gwāko? Kangi ngimba ukumanyisyä kwitu kukupa ubuketi ni Bāngéli ili? Kangi, Tāta, tuli kētēsyágä fyosa-fibili, kifuki, mu isi sikukōngä ibombelo itatu isi sikhwa. Tupaga ikyene, Ntwa.

¹¹ Nsayaga u ntimi apa, aba diakoni, ubakyunga kyuma, kangi aba lwālo, abandu aba bikwisa ku kipanga iki. Ukufuma amasiku gangu apa, Ntwa, balipo bingi, bingi aba une ndikubamanya ni ngamu syabo, pamo kūko abene bikufumila, loli une nsisimikisyé ukuti Ugwe umenye fyosa ifya bene. Kangi uswe tuli apa pa nongwa yimoyene yila, ikilo iki, Ntwa, ukulilanilana ukusyungutila i Lisyu ilisimbigwe. Kangi tupapo uswe u Mbepo Mwikemo mu bumi gyitu, ukuti uswe tubagile ukwitugasya nulutengano, kangi mminogono manunu, kangi mu kutila kwa Kyala, kangi kētésya u bumi bwitu ukwisila mu Lisyu Lyake. Tupaga ikyene, Ntwa.

¹² Kangi nkiyumba iki, ikilo iki, Ntwa, balipo abakundwe aba bukye ubukindane kindane ubwa—ubwa kipanga. Kangi, Ntwa, une ngupalísyä fiyo ukuti abene bali apa ukulilanilana. Lumo uswe tubagile ukukindana pa bumanyikisyö bwa Fimanyisyö ifinini. Loli mu kila ikimanyikisyö ikikulumba, uswe tukwima ukuya bamobene pa nkyeni. Ukuti, O Kyala, ikyene kili pagamaka ubwuti—ubwitu ubulilanisi, kangi ifyitu... kangi ifilunganisi fya ipyana lya Kyala nu lugano filisengamaga pa uswe nubukabi. Lilino, ukusyagania, Ntwa, ukuti iyi yo mbombo

nyingi fiyo kuli u mundu ukubomba, panongwa yakuti uswe tuli nagyo mukwitikisa, ikilo iki, ubumalikisyø bwa myoyo igi gikubuka kwa Syepwa. Polelo uswe tukusuma ukuti u Mbepo Mwikemo ikubukaga itolo mu Lisyu, nukulyala Ikyene panja nukuliléngánia Ilyene mu njila Yáke Mwene, kwa uswe, i findu ifi Umwene ikulonda uswe tumanye. Tupaga ikyene, Ntwa. Kangi akabalilo kákó itatu... utubalilo twa bubombelo tumalike, tulibukaga uswe ukuti kipanga ikikasigwe, ukuya bamobene palikimo, ukubika indumbula syitu ni fyakulonda fytu fyosa palikimo, na balilanisi binitu aba Kitangalala kya Kyala, nukubuka nkyceni bo mumo sikayilamo pabutasi siku.

¹³ Une ngulonda ukukupálisya Ugwe, Ntwa, apa mu kuyapo kwa kipanga kangi—kangi ikya bându aba bali apa, ukuti Ugwe ūmbéle une lilino imilungu imingipo igya lutusyo ulununu. Une ngwipilika kanunu ikilo iki panongwa ya Kuyapo Kwâko nu lusayo Lwâko. O Kyala, uswe tukusumila kuli bakundwe apa, unkundwe gwitu uyu ikubuka ukukilania inyanja, kubutali kûsi nkati mfyângísi, ifisu ifyabutílisyø, kûko u bumi bulabula ubwâke bukubikigwa ukuya kyakutikapo. O Ntwa, nsaya u Nkundwe Jeffreys akabalilo kákó umwene ikubuka, nu mwana gwake undumiana, nu nkasi gwake, kangi mpapo umwene ukubâla ku kunywamu. Alitobolaga umwene ifibwina ukukînda ingisi mpaka u Lumuli lwa Nongwainunu lwisakumulika kubutali kangi mbweléfu. Tupilikaga uswe, Tâta, kabuno uswe tukulâlúsyø ubusúmo ubu mu Ngamu ya Ntwa Yeso, u Mwanundumiana Gwako. Ameni.

¹⁴ Lilino, ikilo iki, ukubala mu i lyangu i Bângéli lya Scofield. Une ngilenie pa fyinja malongo-mabili-na-fihano mbukusi, lululu ulu. Kangi une pópe mbagile ukubala ilyene, loli ilyene likufika ukuya ngisi fiyo. Polelo une ndinkwiyâgíla nimwene a mândalási agakubalila akabalilo kákó une ngufunda, kangi une ngukêtâga mûmo ikyene kikubombela ikilo iki, ukuya kabalilo kangu akawanda.

Lilino une ndinakyo ikimanyisyo, bo iki, ikyakuti, “Kikufimbilisigwa i Kipanga...” O, ifindu fingi, linga uswe tubagile ukufika ku fyene. Kimo mo fyene, “Nongwa ya fíki uswe tukukôleligwa Kipanga kila? Nongwa ya fíki uswe tukáya kipângâ-kipâgúke? Nongwa ya fíki—nongwa ya fíki uswe tukwitika mu bupone bwa Syepwa ubwa moyo gwa mwitiki? Nongwa ya fíki uswe tukukemela abakikulu-balumbilili? Nongwa ya fíki tukôsyø ukwisila mukwibisyø? Kangi ngimba i Kipanga kila kisakukindamo mu Lukubilo?” Kangi fingi fya fimanyisyo ifyo apa, une ngusakikisyø une ndinago a maminiti kalongo-na-mahano pamô kalongo-na-lwele ga agene, ku kilo isi sikwisa inandi.

¹⁵ Polelo une ngwinogona, ikilo iki, ukwanda ni, ukwandapo ni, ikyene kikufwana ukuya u Ntwa ikwâla pa ndumbula yangu itolo ku kimanyisyo iki, i... *Nongwa Ya Fíki Uswe Tukáya*

Kipānga-kipāgúke? Inongwa yakuti. . . Lilino, uswe tukaya nako nakamo ukulwana na bandu abangi aba bo kipanga-kipaguке. Uswe tukaya nakyo nakimo ikyakulwana nabo abene, loli une ngulonda ukulingania nongwa ya fiki ukuti uswe nasiku tukabukamo nakyo nakimo i kipanga-kipaguке. Une nābikīgwe mu kipanga kinini kyaBaptisti, mumo umwe mumenye. Kangi i Baptisti kikaya kipangu-kipaguке, kikāli, mpaka itolo lululu, kangi lilino ikyene kikwisa ukuya itolo bo fipanga-fisambuke bo ifingi fya fyene. Loli, i nongwa iyi uswe tutisamo ukuya kipanga-kipāgúke. . .

¹⁶ Lilino, uswe twe kipanganio. Uswe twe kipāngánio, tusimbígwe apa mu-mu mbulongela-nongwa, ukuya kipāngánio, ikibugutila kya bāndu aba bipangenie palikimo ukummwiputa Kristi, loli uswe tukaya kipanga-kipaguке. Nayumo atisa kutulagilaga pamwanya pa uswe, umwe muketile. Ikyene kikaya kipanga-kipaguке. Ikyene kyo—ikyene kyo itolo kipanganio, u bwīnītu pakati pa bitiki ba Kikristi. Abandu bīkwīsa apa ku kipanga. Kangi iki kikuya kipanga kyapakaya kyabo linga abene bīganile ukwisa, pene pápe abene būmi.

¹⁷ Kangi abene babāgile ukwisa apa nukukanikana na filifyosa ifi uswe tukulumbilila. Ikyo kyo nubupelelesye kinunu mosa. Ugwe pópe, pene pápo ugwe gwe Nkristi, ugwe gulinabo ubwīnītu, ni kiboko panja itolo ukufwana na ba bangi ba abene. Muketile? Linga une njobile une ngwitika mu kōsya ukwisila mu kuyubika mmisi, kangi ugwe kwitika mu kunyāfila, kangi gwālitugesye palapala pa kyene, uswe pópe tukuyaga itolo ukufwana ngati uswe mumo twayīlile linga uswe babilí twitikisaniga. Uswe lumo tukabigila ukukétana kisige-kukisige, ukufwana. Loli akabalilo kosa ugwe gwe nkundwe gwa kiKristi, ugwe nubupelesye kwambililíwa, muketile, aligwesa.

¹⁸ Polelo uswe tukaya nakyo nakimo i kipanga-kipāgúke, panongwa yakuti une ngwinogona ukuti i kipanga-kipāgúke kikupagulania ubukundwe. Bamo mwa bene bikuyobaga, “Ena, uswe tukaya nakyo nakimo ikyakubomba mu lusasanio lula. Lula lo lusasanio lwa ba kiMethodisti.” “Ena, lula lwa kiBaptisti. Uswe tukaya nakyo. . . Uswe twe ba kiMethodisti. Uswe tukaya nakyo nakimo ikyakubomba na ikyo.” Nkundwe, linga u Kristi ali mu kyēne, uswe tulinakyo—tulinafyo fyosa ifyakubomba ni kyēne. Uswe tukufimbilisigwa ukūbika ifyitu. . . Ugwene—ugwene go Mbili gwa Kristi ugu go—go gukukubilwa. Kangi une ngukéta ikyo kingi fiyo mu fisu umwisyugu, ukubuka mūmo fikuti uswe tuli na. . . Lilino, Kristi akābomblémo siku, akabalilo kamo, siku ukupangania i kipanga kipāgúke. Lilino, unko ikyo itolo kiyenge kisisimikisigwege kanunu.

¹⁹ Lilino, lilino, une nguya pakubalalusya umwe kilabo nkilo, linga fimo mwa findu ifi umwe mukulonda ukumanya, bo simo isyambukulu isi une ngwandisya, pamo ikindukimo ni kingi. Une ngaya nako akabalilo itolo ukukātásya kila ukukindilíla, une

ndisakufika ku kimanyisyo ikingi, 'nongwa yakuti ugwe ubagile ukutaga imilungu pa kimanyisyo kilakila kila. Loli linga umwe linga mukulonda ukumanya u buyo, kalikosa, ndalusya itolo une, kangi kilambalikaga ikyene pamwanya apa pa—pa mësa, kangi une nisakwamulaga ikyene kuli ugwe.

²⁰ Lilino, ikipanga-kipágúke ikikülu fiyo, kangi ikipanga-kipágúke ikyákwanda iki uswe twálimo nakyo siku, kyo kipanga kya Katolika. Kangi ikyene kyápanganisigwe ifyinja abamia batatu nu kongelelápo ukufuma pa bufwe bwa ntümígwa gwa bumalikisyo. Kangi ikyo ko katalusya. Umwe mukukyaga ikyo mu Nicene Fathers abawkanda, kangi umwe mukukyága ikyene mu busimbe bwa Josephus, kangi, o, bingi ba—ba abasyambukúlu. Muketile? Kangi na mumo kuyílile mu i—i... yiliyosa iya ngulilo sya kipanga, ukusuluka ukukinda mpaka u bufwe bwa ntümígwa gwa bumalikisyo, kangi ifyinja bamia batatu ulubafu ulungi ulwa batümígwa, fikáliko nafimo i fipanga-fipágúke. Kangi u Katolika kyo kyáli kipanga-kipágúke ikyákwánda ikye kipanga kimo.

²¹ Kangi i kipanga ikye Protestant iyo fipanga-fipágúke ifi fikwábígwe ukufuma ku kipanga-kipágúke. Untendekesyo gwakwanda gwisile, áli yo Luteri; ukufuma pa Luteri ikwisa Zwingli, ukufuma pa Zwingli ikwisa Calvin, kangi itolo ukusuluka pási bo ulo. Kangi pási ukubuka kwa u Luyigo lwa Wesley, kangi ukubuka pási kwa Alexander Campbell, John Smith, na bangi-bani, muketile, ukukindilila pási. Kangi ikiyigo ikyabumalikisyo iki uswe tuli nakyo lilino kyo bubumbigwe ubungi bwa ngulilo ya kiPentekosti.

²² Kangi une ngwitika ukuti Kyala abombile mu ngulilo yiliyosa. Loli ngimba umwe muketesisyé ukuti, akabalilo kosa i kipanga kigwilémo siku, kangi akabalilo kalakala abene bikupágúka abene bïkwánda ukutoligwa palapala pala? Kangi abalilo kôsa abene bikutoligwa, Kyala atikutupusya kangi i kipanga kila mma. Ikyene kikugomokela kulakula ku mbeyu. Lilino umwe itolo... Linga umwe mukulonda ukumanya isyambukulu pa ikyo, uswe—uswe tubagile ukukitwala ikyene, ukuti—ukuti ni kipanga nakimo, komma mu syambukulu sya fipanga, ukuti i kipanga-kipágúke kimo kigwelemo siku iki kyáfukilémo kangi. Baptisti, Methodisti, baPrebeteri, baLuteri, kilikyosa ikyene kibagile ukuya, akabalilo kâko abene bâgwile, abene bakindile. Lilino, uko ko katalusya. Lilino, iki, une—une mbabulile umwe lilino, fwalaga muyengemo, 'nongwa yakuti uswe tukubukaga ukupela iki ikwímatilila. Muketile? Kakayamo siku, pa kabalilo kamo. Akabalilo kâko unnyambala ikusóka panja ukuya yo yumoywene kangi ukupangania i kipanga, ikye kyályandile.

²³ Kyala ikubombela na bandu yumo nayumo, komma ni kipanga-kipágúke. Kyala mu ngulílo nayimo nasiku ábomilémo ni kipanga-kipágúke. Umwene akabalilo kosa abombile na yumo

pamwene. Mu Lwitikano Ulukūlu, Umwene ābombíle na yumo pamwene. Mu Lwitikano Ulupya, Umwene ābombíle na yumo pamwene. Mu ngulílo yiliyosa, Umwene akabalilo kosa ābombíle na yumo na yumo, kangi komma ni kipanga-kipāgúke. Polelo, popápo, linga Kyala akaya mu kipanga-kipāguke, ngimba yo mbombonki une ukuya nako akandukamo ukubomba ni kyene ukuya kipanga-kipāgúke? Lilino, une ndikuyoba isya bandu mu kipanga-kipāgúke kila, une nguyoba ku kipanga-kipāgúke kyene, 'nongwa yakuti a bandu ba Kyala bali mu fyosa fila i kipanga-kipāgúke.

²⁴ Lilino, Kyala atikwitikisyamo siku a kandu kalikosa ukubombigwa mpaka Umwene ikupa ukusoka ku kyene. Une ndikwitika kalipo kalikosa aka . . .

²⁵ Lilino, bo uswe tulinasyo inongwa isi sikusōka panja, mfipanga, u luko ulu uswe twāli nalo lululu ulu isya lilopa na mafuta, na fyosa bo ifyo. Kangi umwe mumenye u kalata gwa "Gwempala Nkundwe Branham", na fyosa bo ifyo. Loli i nongwa iyi une nīmile ukulwana na iko, panongwa yakuti ikyene kikaya mu Lisyu. Kangi iyo yo nongwa une ngulwana ni kipanga-kipāgúke, panongwa yakuti ikyene kikaya mu Lisyu mma. Kangi ikyene kibagisenie ukuya ni kindukimo uswe tubagile ukwalapo u lwitiko lwitu. Kangi linga uswe tukabagíla ukwāla ikyene pa kipanga-kipāgúke kimo, uswe tukufimbilisigwa ukwāla ikyene pa Lisyu lya Kyala. Kabuno Lila lyo lwalo lwene, lyo Lisyu lya Kyala.

²⁶ Kangi polelo linga i Lisyu lya Kyala litikuyoba isya kipanga-kipāgúke, loli likuyoba ukulwana ni kipanga-kipāgúke, polelo uswe tukufimbilisigwa ukuyoba ni Lisyu. Kisitakupasya isya yo bishopu nki, iki yumo aligwesa ikuyoba, iki yumo aligwesa ikwinogona, iki u mundu unnnu ikuyoba, iki kalikosa kakuyoba, linga ikyene kikaya kyākufwana ni Lisyu lya Kyala, polelo ikyene kyo kisobi. Muketile? Ikyene kibagisenie ukuya, i Lisyu likufimbilisigwa ukuya kindu kyābumalikisyo. I Lisyu lya Kyala likufimbilisigwa ukuya yo ameni gwabumalikisyo.

²⁷ Lilino kumbukilaga, une ndikumbika yumo aligwesa ukuya nsita-nkristi (umwe mukupilikisa ikyo) mu fipanga-fipāguke. Gilimo abākalongo ba maelifu igyāmmyoyo imipala mu fipanga-fipāgúke fyosa fila, aba bo bāna ba Kyala. Loli ukubapagūlánia abene nukubasala abene, une ngulwāna ni kyene. Kangi i Lisyu lya Kyala likulwāna ni kyene.

²⁸ Kangi une ngwitika ukuti yikayapo ni ism nayimo iyi yili nkisu umwisyugu, yikayapo ism iyi yālimo siku nkisu, loli iki fikuti ikyene kyāyobelígwe-ngāníla ukwisa, ni Lisyu lya Kyala. Une ngwitika ukuti i Lisyu lya Kyala likupa kilikyosa iki uswe tukulondigwa, munomomo mu Lisyu. Ukufumu ku . . . kubwandilo bwitu ukubuka ku bumalikisyo, ikyene kikwāgígwa munomuno mu Lisyu lya Kyala. Kangi polelo une—une ngwitika ukuti linga ikyene kili mu Lisyu lya Kyala, polelo uswe

tubagile . . . Ilyene likuyobela-*ngāníla*. Kangi i Lisyu lya Kyala lyo kusoka.

²⁹ Lilino, ugwe utikubala i Lisyu lya Kyala itolo bo ukalatasi gwa nongwa sya nyūzi. Ugwe kubala i Lisyu lya Kyala ukwisila mwa Mbepo Mwikemo, muketile, panongwa yakuti u Mbepo Mwikemo Mwene ikuyoba ukwisila mwa Kristi. Kristi ukupálisya Kyala ukuti Umwene áfisíle i findu ifi ukufuma ku maso ga bāmahala na bākomu, kangi ábagíle ukusetula ifyene ku bāna ukuti abene bo bamanyilege. Polelo, umwe muketile, yikayapo i njila nayimo iya kuyamo siku mmanyili, yikapo i njila nayimo iya kupágúkamo siku. Yilipo i yene njila yimoyene ukuya ntalusye, uko ko, yaga ndongosígwe nu Mbepo gwa Kyāla. Kangi ubwisibile bula ugwe gwāli nalo bukfimbilisigwa ukwisibila ni Lisyu ili. Muketile? Polelo ugwe utalwísyé ikyene. Muketile?

³⁰ Ukufwana akabalilo kāko uswe tukwisa pási kuno mmaminiti manandi lilino, uswe tukubombela na bandu aba bali—bali . . . Bamo mwa bēne bo ba kiCalvinisti abamakamaka, bamo mwa bēne bo ba kiArminia, kangi—kangi injila ingindane. Lilino, pala po akabalilo kōsa, kali bo busekele buki ubu ugwe kukekania ikyene, ikyene kikufimbilisigwa ukuya ni mbafu sibili ku kyene. Ikyo kyo katikati kutalusya. Kangi abene bosababili balinasyo ifundo isyakutatikanapo. Loli, i kindu kya ikyene kyo, ko kugu kūko u Bwanaloli bulambale? Uko ko kūko uswe tufikile, kūko uswe tukwinogona, ukwisila mulípyána lya Kyala, uswe tukukunangisyaga umwene u Bwanaloli bwa ikyene. Lilino unko uswe itolo twége . . . kangi apa po itolo pápo une mfyagíle fimo mwa ifimanyisyo fya kipanga ifi fisimbígwé mosa.

³¹ Unko uswe tusanusyegé mmaBangeli gitu, itolo a maminiti manandi, mwesa ba umwe lilino. Kangi unko uswe tubúke kula ku Busetuli, unto gwa 1; pamo Busetuli, untu gwa 17, ukwandapo. Kangi unko uswe itolo twāndéko ukubala nukusyagania lilino kūko i fipanga fyālyandíle, kangi fiki-fiki fyālyandíle ikyene. Lilino, i Bangeli likusokélá-*ngāníla* kilikyosa. Ilyene likusokélá-*ngāníla* a masiku aga uswe tuliuswe tulimo nu bumi. Kangi lilino, Busetuli, untu gwa 17, linga umwe mubagile. Une njobile ugwa 13, une ngasanusyaga ikyo mma, ikyo kyo pa i . . . Uswe tukukyaga ikyo ukufuma pakabalilo, kyópé, ikyo kyo mbusololi bwa United States. Loli pilikisia naloliloli kifuki lilino.

Kangi pala palinkwisa kwa une yumo mwa bāndúmi bahano-na-babili aba bāli ni ngangabya ihano-na-sibili, kangi áyobaga na une, ikuyoba . . . Isaga kuno; kangi Une ngwisa kukunāngísyá . . . ugwe u bulungi ubwa undogwe unkulumba uyu itugesye pa misi mingi:

³² Lilino kumbukilaga, iki kikupilikigwa kyambutitu. Lilino unkikulu umfumuke-nimbíbi uyu, lilino, linga uswe tukuyaga ukumanyisyá iki, ugwe kufimbilisigwa ukusyagania

ikyākwánda iki ifimanyilo ifi fikusanusya. Lilino, u *nkikulu*, muli Bangeli, ikwimilila i “kipanga.” Balinga bamenye ikyo, ukuti uswe twe Nsīngilígwa? I Kipanga yo Nsīngilígwa.

³³ “Isaga kuno kangi Une ngukunangisyaga ugwe u bulongi.” Lilino, kwisakuyapo u bulongi buyōbígwe pa u ndogwe unkulumba, u nkikulu umbwapufu uyu ikwitugasya pa misi mingi. Lilino, u *nkikulu* ikwimila i “kipanga,” kangi a *misi* kikwimila “bandu.” Lilino, linga ugwe kwisakukëtésya ikyene, kangi, kéta, ilinandi lya 15 akabalilo kāko umwe muli apo, ilinandi lya 15, untu gulagula.

*Kangi umwene āyobíle kwa une, A misi aga ugwe
gwāgabwéne, pápo undogwe ikwitugasya, bo bandu, . . .
ifilundilo, . . . ifikolo, kangi u lulimi. (Muketile?)*

³⁴ Lilino, i kipanga ikikulumba iki, u nkikulu unkulumba, lilino kumbukilaga umwene yo nkikulu umfumuke-nimbíbi. Kangi linga nkikulu ikwimila i kipanga, (kangi i Kipanga kya Kristi yo Nsīngilígwa, u Nsīngilígwa umwikemo), polelo alipo u nkikulu unsitabwíkemo. Polelo ikyene kyābagíle ukuya kisitabwíkemo, ukwisyobegekesya, nsīngilígwa. Muketile? Lilino, kangi ngimba umwene ikubomba fiki? “Umwene ikwitugasya pamwanya,” pamo ukuya *pamwanya*, kukusanusya, “ukuya nako ukulagila pamwanya pa misi mingi.” Mmasuy agangi, umwene ali na maka ukwisila mfisu fyosa ni ndimi na bandu. Umwene yo mundu unkulumba, u nkikulu uyu ali.

*Lilino, yūyo abanyafyale ba kīsu basulilwe
ubulogwe, . . .*

³⁵ “Kabuno abanyafyale ba kīsu basulilwe ubulogwe,” abanyambala abakabi, abanyambala abakulumba babombile. Ngimba ugwe ubagíle bulebule ukusulwa, u mwalafyale abagile bulebule ukusulwa, ubulogwe ni kipanga? Ubwene bo bulogwe bwamwambepo. Bwamwambepo! Ngimba u bulogwe fyo fiki? Ikyene kyo, ena, ikyene kyo kufwana u nkikulu ikwitugasya nu busyobi ku ndume gwāke. Umwene ikwitugasya nu nnyambala uyungi akabalilo kāko umwene alinya u ndume. Kangi i kipanga iki, polelo, kyo—kyo kikwisyobegekesya ukuya Nsīngilígwa gwa Kristi, akabalilo kāko umwene ikusulwa ubulogwe na banyafyale ba kisu, nu bwitugasye bwāke ububwapufu, imbombo imbwapufu. O, Ilyene lyo lisolofu kangi Ilyene lyo likabi. Une ndiganíle itolo i Lisyu. Lilino këtésya.

*. . . yūyo abanyafyale ba kīsu basulilwe ubulogwe,
kangi abitugasyi ba kīsu bapeliqwe ukugála nu bwālwa
bwāke ubwa bulongwe bwāke.*

³⁶ U “bwālwa” bwāke bo bwene ubu umwene āpaga panja, ukupígúla kwāke, “Uswe twe Kipanga! Uswe twe abene aba balinakyo ikyene.” Muketile? Lilino, itolo ngw’ala ikyo mminogono ginu lilino. Umma ndaga. “Polelo umwene iku- . . .”

³⁷ Lilino, u gwāndúmi ālimbulíle Yohani, “Une ngukunangisyaga ugwe ubulongi ubu būbu bukwisa ku kipanga ikikulumba iki.” Lilino kêtésya.

Polelo umwene ālimbimbile une kubutali mwa mbepo ukuya ndulangalanga: kangi une nālimbwéne u nkikulu itugesye pamwanya pa kinyamana ikyalángi ingesefu, . . .

³⁸ *Ubukesefu*, mwi Bangeli, kukwimila “bunyafyale.” I langi *ingesefu* kikusanusya “kikesefu.” Kangi *kinyamana* kikwimila “maka.”

Ngimba umwe mukētesisyé, i *kinyamana* kifyukila mmwanya ukufuma mu nyanja, kila kyâli mu Busetuli, ugwa 13. Kangi akabalilo kâko ugwe kukéta i *kinyamána* kikusôka ukufuma mu nyanja, kikusanusya ukuti a maka aga gâfyukágá mmwanya nkati mbandu.

Loli mu Busetuli 13, akabalilo kâko u *kang’osi* uyu ikufyuka mmwanya, umwene âsôkíle ukufuma pa kîsu, kisita bandu, United States. Loli popápo, ukufuma pala, umwene âli tumbembe utunini tubili, a maka gândyáli na gakipanga. Kangi popápo umwene âlyambilíle a maka, kangi âyobâga bo yu nyifwîla âbombelâga pabutasi bwâke. Popápo umwe itolo mukufimbilisígwa ukukingw’ala ikyene pási, uswe tukwisaga mu kukubilwa kwabwîpúti ni findu filafila ifi abene bâbombole mu Roma nsitakyala ifyinja fingi ifyaiyolo, kabuno ikyene kyo ISI SYO IKUTI U NTWA.

Lilino kêtésya ikyene. “Ukwitugásya pa *kinyamana*, a maka.”

³⁹ Ngimba mwâkêtesisyé Rabeka? Akabalilo kâko Eliezara ālimmwagíle umwene, akene kâli kabalilo ka namayolo, kangí umwene ânwesisye i ngamilá. Nongwa yakuti, Eliezara alinkuti, “Linga u ndindwana uyu ikwîsa nukunwesa i ngamilá yila, iyí yisakuyaga i . . . nukuyipa iyene ukunwa, yula isakuyaga mwene yûyo Úgwe usalíle, Ntwa, ukuya nsîngiligwa gwa gwambombo Gwâko, Isáki.” Kangi umwene bo akâli ndwîpúto, Rabeka ikwîsa kangí ânegíle a mísi kangî nukumpa umwene agakúnwa, nukunwesa i ngamilá. Kêtésya, i ngamilá yo *kinyamana*. Kangi kilakila i *kinyamana* iki umwene anwésyágá, kyâli kyo kyene kyâlimpimbíle umwene ukubuka ku nsîngiligwa gwâke, Isaki.

⁴⁰ Kangi, umwisyugu, a maka ga Mbepo Mwikemo, aga i Kipanga kikunwesa nu kwîpúta, kyo Kindu iki kisakukipanga Ikyene ukufuma ki kîsu, ukwakwâgána nu Nsîngiligwa. Naloli, Isaki âli panja mu ngunda, namayolo. Uswe tutikwana nu Ntwa mmwanya mu Lwimiko. Abaefesi, unto gwa 5, ikuyoba ukuti uswe twisakwagana nu Mwene mu mbepo mmwanya. O, ikyo kikupela aba kiMethodisti ukwitendekesyá ukuywega. Inogona isya ikyene! Muketile? U Ntwa . . .

Ísaki ãsõkile panja ukufuma mu nyumba ya gwise, kangi umwene áli panja mu ngunda akabalilo kako umwene álimbwene u Rabeka ikwisa pa ngamila. Kangi umwene alinkungana umwene, pa kuketana kákhwánda, nukunyela ukusõkapo pa ngamila nukubopa ukwagana nu mwene. Uko ko kutalusya. Kula ko kúko uswe tukwagana nu Ntwa. Kangi i ngamila yilayila iyi umwene ãnwesisye, yâlimpimbíle umwene ukukubuka ku ndume gwâke.

Kangi a Maka galagala aga i Kipanga kikwípúta, iki ikísu kikuköléla bumílisi, iki i Kipanga kikwípúta, kisakuyaga Maka galagala aga gisakwegaga i Kipanga mmwanya mu mbepo, “Ukwakwágána nu Ntwa mmwanya mu mbepo.” U Mbepo Mwikemo! Muketile? Kilipo . . .

Kangi, kéta, Rabeka áli mfunde.

⁴¹ Kangi u nkikulu uyu yo ndógwé, uswe tukuyobápo apa. Lilino, umwe mukupilikisyá iki a maka gali lilino? A—a maka, iki kikusanusya, ukuti, i kinyamana. Umwene áli pa kikesefu. Lilino, luko luki lwa kinyamana ikyene kikuyaga? *Kikesefu*, kila kibagile ukuya “amakabi” maka. Ngimba lo luko luki ulwa kipanga uyu umwene ikuyaga lilino? Umwene yo kipanga unkabi, kangi umwene yo kipanga ikikulumba, kangi umwene yo kipanga ikyamaka, kangi umwene yo luhalo lukupyágíla ifilundilo na bandu. Kangi a banyafyale basulilwe ubulogwe nu mwene, abo bo banyambala abakulumba aba kísu. Lilino uswe tukuya pakusyagánia uyu umwene ali, itolo mu miniti, nukusyágánia ukufwana ni fipanga-fipágúke ifi.

Kangi u nkikulu álabígwe mu bufubifu (nubunyafyale-nyafyale), . . . *álabígwe mu bufubifu nu bukesefu ilangi . . . amogesígwe na golidi nu tubwe utupala . . . inyambo, ali ni kikopo kya golidi nkiboko kyâke kiswile na fya mwiko nu bubwapuþu bwa bulogwe:*

⁴² Ngimba umwene ikuyaga na fiki nkiboko kyâke? Ikimanyisyo kyâke, iki umwene ikukoleléla panja ku bandu, “Uswe twe Kipanga. Uswe twe *iki*.” Kangi umwene yo apélile abanyafyale ba nkísu ukuya bagálé nu mwene, bo lula. “Uswe twe *iki*. Uswe twe maka amakulumba! Uswe tukupyágíla ikísu kyósa. Uswe twe kipanga ikikulumba ukukinda-fyosa ifi filipo. Isaga, nwaga ikyitu . . . Apa, kûsyágá panja akayabo kanini ka ubwene. *Ugwe ega ubwene. Ugwe ega ubwene.*” Apo po ikyene kili, muketile. Kangi umwene áli nkiboko kyâke i kikopo. Kéta.

Kangi u nkikulu álábígwe mu bufubifu nu bukesefu ilangi, . . . amogesígwe na golidi na mabwe amapala ni nyámbo, ali ni kikopo kya golidi nkiboko kyâke kiswile ni fya mwíko nifyakinyanyasi ifya bulogwe bwâke:

⁴³ Lilino, binangu, uswe tutikubala i kalatasi ya nyuzi yalisiku mma. Uswe tukubala ilya Syepwa ilya Kyala kangi Lisyu

ilisayigwa. Kumwanya kosa ni kīsu fisakukindaga, loli i Lisyu lila lisakusyalaga. Uko ko kutalusya.

Kangi pamwanya pa ntu gwāke pasimbígwe i ngamu, yasimbígwe i ngamu, ndigi, GWAMBUTÍTU, BABULONI U NKULUMBA, UNNA GWA BALOGWE, ISYA MWIKO ISYA KÍSU.

⁴⁴ Lilino, apa akabalilo kamo akaiyolopo, une ndikwinogona mu kipanga apa, loli une nälumbilile pa kamanyiso, *Ikisimbeni-kiboko Pa Kibumba*, nukupa ubwime bwasyambukulu bwa Babuloni. Lilino, ism aligwesa uyu atupwikémo siku, ubwípúti bulibosa kangi ism aligwesa uyu aliko nkīsu umwisyugu, ályändile mu Bwandilo. Lilino, linga ugwe kwisakwega gwa Hislop u *Two Babylons*, linga ugwe kulonda ukukilondalonda mu syambukulu, pamo gamo mwa mabuku amanunu gala, ugwe ubagile kópe nukumwaga ism aligwesa uyu ugwe kulonda ukumwaga. Une nguya pakubega umwe kunyuma mu maminiti amanini, pa bakikulu balumbilili, muketile, nukubanangisa umwe itolo kūko ikyene kyályändile kúgu, muketile, kunyuma ku Bwandilo. Kangi pa ifi ifindu ifikindane, itolo mūmo ifyene fyätupwíke ukufuma mu Bwandilo. *Genesis* kikusanusya “u bwändílo.” Ngimba balinga bamenye ukuti ikyo ko kutalusya? Genesis ko kubwandilo. Polelo, kilikyosa iki kili, kyafimbilisigwaga ukuya nu bwandilo.

⁴⁵ Akabalilo kākō une ngukéta ku mpiki...Une nāli mmatengele ku mibili, mitatu, ukufwana i myesi mibili. Une ngugukéta u mpiki, mumo guyilíle ugwene ubumogi. Une ngugubona ugwene, ugwene gukubuka pási; ugungi gukwisa mmwanya mbuyo bwāke, u bumi ubwakukindilila. Kangi une ngwinogona isya ikyo. Loli ku buyo bumuo u mpiki gula gwāli nu bwändílo. Ugwe gukfimbilisigwaga ukuya nu bwändílo. Kangi i njila yene ikwene kyabagile ukubíkíwa ukuya mpiki, pamo ukuya nsyunguti, pamo gwa ndilolo, pamo u mbuyu, pamo gwamabwese, pamo guligosa ugwene gwāli, pafimbilisigwaga ukuyapo a Mahala amafundi kunyuma kwa gwéne. Pamo linga pala itolo gumogwene, gwālipo gumogwene umpiki gwa syunguti, kilikyosa nkīsu ángáli gikuya mipiki gya misyunguti gyosa. Loli i Kindukimo, ikikulumba, Mahala fundi, afumbilisigwaga ukukibika ikyene mu lubâtíko.

Yisayigwege i Ngamu Yake i Nyikemo! Umwene yo Yuyo Uyu ikubika u mwesi ni ndondwa mu lubâtíko lwa lisuba. Umwene ikubika kilikyosa mu lubatiko lwake. Kangi Umwene isakubikaga i Kipanga Kyáke mu lubâtíko. Ikyene kisa kusyumbutukaga itolo mumo Umwene ikulondela Umwene ukusyumbutuka; kubupânde, kubwingililo, kululu, pamo kwitongo, pamo kilikyosa Umwene ali. Akabalilo kākō uswe tubagíle ukwega aminogonelo gafipanga-fipágúke aga ukusösyámo mminogono gitu nukwitaga twibene nabosa mwa Kalvari. Umwene isakubika ikyene mu lubâtíko, linga uswe

tuli itolo bīyípe bo gi mipiki ni fipeligwa Fyāke ifingi. Ugwe utisakugubonámo u mwesi gukuyoba, “Une ndinkumulikaga ikilo iki. Mwe bamo ba ndondwa mulika mbuyo bwangu.” Loli uswe, o, uswe twe tukindéne, umwe muketile.

⁴⁶ Lilino, Babuloni, kētesya mumo Babuloni ikubonekela. Ikyene kikuboneka mbuyo bwakwanda mwi Bangeli. Ikyene kikuboneka pakati pa i Bangeli. Kangi ikyene kikuboneka ku bumalikisyó kwa i Bangeli. Lilino, kilipo kindukimo. Lilino, ikyene kyālyāndíle nu Nimrod. Nimrod ālyālile u Babuloni mu Kikoga kya Shinar, palapala kifuki pakati pa Kisōko Tigris kangi ne Euphrates. Kangi u Euphrates akilaniaga. Kangi—kangi mūmo fikuti u nsebwe guligosa, ukukilania ikīsu kila, gwatalulaga itolo ku Babuloni. Kangi kilikyosa kimo ikya fipata fila fyāli mafiti bamia babili mbupapate, i fipata fila fyatendekígwe ukufuma ku mkuba. Kangi akabalilo kāko ugwe gwālingile nkaya kala ka Babuloni, ulukindi lulilosa lwātalulága ku kikota.

⁴⁷ Lilino, ugwe ubagíle ukubuka ku Roma, umwisyugu, kangi u nsebwe guligósa gukutalula ku Roma. Kangi alipo u nnini umfunde Maria imíle pa nguto yiliyósa, pa busanuke bwa nsebwe, nu mwana Kristi nkiboko kyāke, ukutalusya i njila yila ukuya ku Roma. Muketile? Ikyene kikuboneka mula ikyākwánda, i Bangeli; ikyene kikuboneka pakati pa i Bangeli; kangi apa ikyene kili mu bumalikisyó bwa i Bangeli.

Lolino une ngulonda itolo ukukindilila ukubala, ku maminiti manandi, ukuti umwe mulwágé ulwalo lya iki. Muketile? Umma ndaga. “Kangi une nāketile unkikulu,” lilino ketesyá, “i kipanga.” Akabalilo kako umwe mukuketa *unkikulu*, inogona itolo ifya “kipanga.” Muketile?

... *Une nālimbwene u nkikulu agālile ni lilopa lya bikémo, ...*

⁴⁸ Lilino, ko kūgu kūko i lisyo *mwīkémó* likufumilako? I lisyu *mwīkémó* likufumila ku “yumo umwelusigwe,” pamo “yumo unsukigwe,” unkemesígwe. Umma ndaga.

... *Une nālimbwene umwene agālile ni lilopa lya bikémo, ...*

⁴⁹ Lilino, linga u nkikulu uyu yo kipanga, umwene apyutile a bīkémó. Kangi umwene yo kipanga ikikulumba. Umwene ali na maka nkisu kyosa. Umwene ali pa mwanya pa misi mingi. Kangi umwene yo... A banyafyale ba kīsu bikusulwa ubulogwe na yu mwene. Ena, ngimba yo ywani umwene? Mu luko lomo kyakubutitu. Lilino u Mbepo ikuyaga ku... Umwe mumenye, fibagile ukuyapo ifikungilwa fyamwambepo fihana-na-fina nkipanga; ku mahala, kangi yumo ku kupilikisyá, kangi yumo ku bubumbulusyi, kangi yumo ku fyosa bo ifyo.

... *kangi ni lilopa lya bafwilila ba Yeso: ...*

⁵⁰ Kikuboneka ngati abene bakāpasyága iki Yeso āyobíle. Ikyene kyo iki i kipanga kyāyobíle. Uko ko kutalusya. Kangi ikyo kyo kitalusye, kyópe.

*...kangi akabalilo kāko une nālimbwene umwene,
une ndinkuswiga nu kinyonywo ikikulumba.*

⁵¹ “Une ndinkuswiga ni kinyonywo. Une... Ikyene kyāli ki—ki—kindu kiswigo ukufwana nu mwene, mūmo fikuti une nāswigága mūmo fikuti umwene...” Lilino unko une itolo nege u buyo bwa Yohani nukugela ukwigúla kila mosa akayabo kanini, muketile. Yohani āyobile, “Pala umwene itugesye. Umwene ikufwanikisigwa ukuya kipanga kya Kikristi. Umwene ali nako ukufikila ku hela syōsa isya kīsu. Umwene ali nafyo i findu fya kīsu mmalundi gāke. Umwene yo nkabi kandi kindu ikyalangi, kangi bulebule umwene abagíle ukuya ngále ni lilopa lyā bafwilila ba Yeso? Bulebule abagíle umwene ukupyuta a bīkémo? Bulebule abagíle umwene ukugoga abafwilila ba Kristi? Kangi pópe umwene ikwiköléla ukuya Nkristi, mwene, i kipanga kya Kikristi.” Lilino kētésya.

Kangi u gwāndumi alinkuyoba kya une, Nongwa ya fiki ugwe guswigile? Une ngukubūlāga ikyakubutitu kya nkikulu uyu, kangi ikya kinyamana iki kimpimbíle umwene, kangi iki kyāli... i mitu mihamo-na-mibili kangi imbembe kalongo.

⁵² Lilino, uku ko itolo kubala kwapaliposa apa lilino. Umwe mukôle iki. Iki kikuyaga kipepe fiyo.

Ikinyamana iki ugwe gwākibwene kyāli, kani kikáya; kangi kisa kusuluka panja... ukufyuka ukufuma ku bwina ubusitapási, kangi kisa kubúka mbupyutigwe: kangi abene aba bikwítugasya pa kīsu bisa kuswiga, bala i ngamu syabo sikāsimbígwe mwa Buku gwa Bumi ukufuma ku lwálo lwa kīsu, akabalilo kāko kéta... akabalilo kāko abene—akabalilo kāko abene bākētile i kinyamana iki kyāli, iki kikaya, kangi pópe kili.

⁵³ Lilino, lilino iki kikufimbilisya ukutita, polelo apa ikyene kili. Umwene alinkuti, lilino kētésya, ukuti, “Akabalilo kāko,” komma itolo banandi, loli, “bosa aba bikwitugasya pa kīsu bisakuswiga.” Bosa ba abene bisakuswiga. I kīsu kyosa kisakuswiga isya nkikulu uyu. Kilipo itolo ikibugutila kimokyene iki kisitakuswigaga isya ikyene, kangi abo bo bala aba bāsimbígwe i ngamu syabo mwa Buku gwa Búmi gwa Kang’osi.

⁵⁴ Lilino, une itolo mbagíle itolo ukubindikisyámo iki papapa apa, panongwa yakuti uswe tukwisaga mu kyene mu maminiti manini. Muketile? Ngima kabalilo kaki aka ingamu syabo syābikígwé mwa Buku gwa Búmi gwa Kang’osi? Ukufuma (Akabalilo kaki?) i luyigo ulwabumalilo ulu abene bāliko? ikilo iki abene bābukile ku kigemo? ikilo iki abene bālíngíle

i kipanga? Une ndikugela ukufulasya ubwipilike bwinu. Loli, une ngubabula umwe, i Bangeli lyāyobíle, “I ngamu syabo syābikígwé pa Buku gwa Búmi gwa Kang’osi ukufuma ku lwālo lwa kísu.” Katikati! Akabalilo kāko Kyala, ku bwandilo, āketile ukuti Umwene ikutumaga u Mwanundumiana Gwāké, kangi Umwene ikwegaga u buyo bwa ntulwanongwa, akabalilo kāko i Lilopa lya Mwana gwa Kyala lyālyōnesígwé. Ili Bāngéli lyāyobíle i Lilopa Lyāké lyālyōnesígwé bo lukāli nu lwālo lwa kísu. Ngimba balinga bamenyé i Bāngéli likuyoba ikyo, ukuti, “I Lilipo lya Kristi lyālyōnesígwé bo u lwālo lwa kísu lukālígwa”? Akabalilo kāko i Lilopa lila lyālyōnesígwé, akambakasya kalikosa aka Mbili, aba i ngamu syābo syasimbígwé ni Lilopa, pa Buku gwa Bumi ugwa Kang’osi, ku lwālo lwa kísu. Ngimba ugwe kyo fiki iki kukitila? O, nkundwe! Kila kikufungula ififigo, bule ikyene?

⁵⁵ Ena, lilino unko uswe itolo tubale iki papapa apa, nukukéta linga iki kila kikuyoba kyo kitalusye. Muketile? “Kangi u gwāndúmi alunkuti kwa une, ‘Nongwa ya fiki...’” Une ngusubila ilyene lyo linándi lya 8, “Kangi i kinyamana iki ugwe gwākibwene...” Umma ndaga. Ikyo kyo ikyene.

I kinyamana iki ugwe gwākibwene kili, kangi kikáya; kangi kisakufyukaga ukufuma mu bwina ubusitalwalo,...

Lilino, uswe tukugomokela ku kila, loli une ngulonda ukwega ikingi iki, ’nogwa yakuti uswe tukufikaga pa kyene.

...kangi kisa bukaga mbupyūtígwe: kangi abene aba bikwitugasya pa kísu bisakuswíga, bābo i ngamu syābo sikāsimbígwé mwa buku gwā būmi ukufuma ku lwālo lwa kísu,...

⁵⁶ “Kikuyaga ngapo ikibugutila pa kísu,” mmasyu agangi, “iki kikuyaga pakusybígwá,” kabuno umwene ābasyybíle abene. Kangi kyālipo ikibugutila kimokyene iki kikāsyybígwé mma, kangi kila kyo kimo iki kyāli ni ngamu syābo pa Buku gwa Búmi ukufuma ku lwālo lwa kísu. Uswe tukufikaga umo pitasipo panandi.

⁵⁷ Lilino kētéysa u nkikulu, i kipanga, umwene āli “*Gwakubutítu, Babuloni*.” Uswe tukumbona umwene ikubuneka kifuki nu Nimrod. Ngimba ifundo ya Nimrod yāli fiki? Nimrod alyālile a kāya nukupela utwaya tosa utungi ukuhomba isongo ku kāya aka. Ngimba uswe tubagile ukukibona i kindu bo iki umwisyugu? Ngimba buliko u buyo bo ubo umwisyugu? Ngimba kiliko i kipanga iki kili nu bulagili pa fisu fyosa nkísu? Naloliloli. Ngimba buliko u buyo umwisyugu ubu bukupela ifisu fyosa ukuhomba uluhombo ku kyene? Ngimba buliko ubuyo?

Unko uswe tukindilile nukubala ifinine fya iki, itolo akayabo kanini, ukuti umwe mwega ikyegelelo kyosa ikyo ikyene. Umma ndaga.

...iki kibwene *i kinyamana iki kyāli, . . . kyo kikaya, kangi pōpe kili.*

Kangi apa go minogono uyu ali na mahala.

⁵⁸ Lilino, balinga bamenye ukuti a mahala go kimo kya fikungilwa fya Mbepo? Lilino, ngimba luko luki ulwa kibugutila iki Umwene ikuyobako, polelo? Umwene abagile ukuti ikuyoba ku kibugutila kya bandu aba bali ni—ni fikungilwa fya Mbepo fikubomba mu Kipanga iki.

...*apa galipo ku minogono aga gali na mahala.*

⁵⁹ Lilino, ugwe ima, kyaga kila mosa ukukinda mu ngulilo sya kipanga isi apa. Ukukwabila panja, u Mbepo Mwikemo ikuyoba panja, mumo ifikungilwa fila fikubombelaga mu lisiku lwa bumalikisyo. Lilino, uswe tulinafyo ifikungilwa fya bubumbulusyo fikubomba. O, ikyene kyo—ikyene kyo kikubuka kanunu. Ena, nkundwe, filipo ifikungilwa ifingi. Ikyo kimo mwa fyēne. Ikyo kyo itolo kanini akandu akanandipo. Ena, apa kilipo ikikungilwa ikikulumbapo papapa apa. Kikuya kinunu ukukinda-fyosa kiliku, ikikungilwa ikyo Mbepo Mwikemo kya mahala, ukubika i Lisyu lya Kyala palikimo nukukinangisya i Kipanga pāpo uswe twimile, ukukinda itolo ukuntwala yumo kukubumbulusigwa? Uswe twesa tukulonda ukuya kanunu. Loli une kinunu nje nu mōyo gwāngu ueye kanunu, ukukinda umbili gwānga ueye kanunu, akabalilo kalikosa. O, mwe!

Pilika u Mbepo Mwikemo ikuyoba ukwisila mwa Yohani, pa Patmos, alinkuti, “Apa po ku mahala. Unko umwene apilikisyé Iki.” Lilino uswe tukwégapo ikipicha kisimbígwé mosa apa. “Apo po . . .”

*Kangi apa galipo a minogono aga gali na mahala.
Imitu mihano-na-mibili gyo fyamba fihano-na-fibili,
pāpo u nkikulu ikwitugasya.*

⁶⁰ Kalipo a kāya kamokene, aka une nkamenye, nkīsu kyosa . . . Tulipo u twāya tubili, utu une ntumenye, aka kali ni fyamba fihano-na-fibili pamo ukongelelápó mu kyene. Cincinnati ko kamo mwa twēne, iki kyo kibagile ukuya kapango ka kwāta aka Cincinnati. Akene ko yo mama kāmbwe, umwe mumenye, kila . . . na fyosa bo ifyo. Loli akene kali nafyo ifingipo ukukinda kila mu kyene. Loli kikayapo ni kipanga nakimo iki kikulagila-fyosa mu Cincinnati.

Bulipo u buyu bumobwene nkīsu kyosa, ubu buli ni kipanga kītūgésye pa twāmba tuhano-na-tubili, iki kikulagila iksu kyosa ikyapási. Lilino, une itolo nísíle ukufuma kula. Ifindu fyosa ifyo.

Kangi une ngētīle kula kūko ikyene kyāyobile, “Kangi apa po ku mahala.” Busetuli 13. “Unko umwene uyu ali na mahala abale imbalilo isya kinyamana, kabuno iyene yo mbalilo ya nnyambala.” Komma ikibugutila kya banyambala, ikipámbo kya banyambala, loli “u” nnyambala. “Kangi i mbalilo yake yo bamia bahano-na-yumoywene na malongo-mahano-na-limolyene na fihano-na-kimokyene.”

⁶¹ Une kingikingi mbilike, ukuti, pamwanya pa kikota kya pāpa gwa Roma, ikyene kisimbīgwe, “VICARIVS FILII DEI.” Une kingikingi nguswīga linga ikyo kyo kyābwanalolí. Simba u lukindi, kangi simba ikyene mosa mu mbalilo, mu mbalilo sya kiRoma, kangi kéta linga ikyene kyo kikyo. Ikyene kyo katikati bwanaloli. Une nālimile *bo ulu* kifuki ku ngiga yabutatu iya pāpa, mu lindalasi limo, “Bulagili bwa gehena, kumwanya, kangi purigatori.” Muketile? Polelo, i findu ifyo, une nīsile itolo ukufuma kula, ukwisa itolo ukufuma ku Roma kangi mmenye ikyene kyo bwanaloli. Lilino uswe tumenye ikyene kisimbīgwe mosa.

Kangi apa a banyafyále bahano-na-bibili: bahano bagwile (iki kyo kyāli ku kabalilo kala), *kangi yumoywene yo* (uyo yo yumo ugwk̄wisa lilino, uyu āli Kaisare), *kangi uyungi yumo akāli u kwisa* (uyu yo āli Herodi, uyu yo āli mbibi); . . .

⁶² Lilino kētesya. Kētesya mumo ikyene kiyīlile ubupelelesye.

. . . *kangi akabalilo kāko umwene ikwisa, umwene ikufimbilisīga ukukindilīla ku fwasi imbīmba.*

⁶³ Ngimba yumo amenye kabalilo katali bulebule aka Herodi ālagile? Imyesi mihano-na-gumogwene. Ukunkwaba unna gwāke ukukinda mu lukindi, pa mpiki-gumo ugwe falasi. Kangi ukōkya a kāya; kangi ukukibika ikyene pa Bakristi. Kangi ākubaga ulwimbo pa lubafu lwa kāmba bo abene bāli . . . bo ikōkya a kāya. Imyesi mihano-na-gumo—mihano-na-gumo. Kangi kéta, “Kangi i kinyamana . . .” Lilino kētesya, kéta yo ngogi muki umwene āli. Muketile? Lilino kētesya.

Kangi i kinyamana iki kyāli kangi kikāya, kópe . . . kyo kyālwéle, kangi kyo kya kyabuhano-na-bibili (i kipeligwa kya kihano-na-fibili), *kangi kikubuka mbupyutigwe.*

⁶⁴ Aligwesa amenye iki *bupyutigwe* kikusanusya, yo “gehenा.” Kangi kētesya kūko umwene āfyukile ukufumako, “gehenा.” Ngimba kyo fiki ikyene? Ifibwina ifisita-lwalo. Lukayapo u lwalo kuli kimanyisyo kya Kikatolika. Likayapo i Bangeli kuli kimanyisyo kya Kikatolika. Kikayapo ni kindu nakimo bo i Bangeli lililyosa kuli kimanyisyo kilikyosa ikya Kikatolika, napandi mma. Abene batikwiyoba ukuya. U mputi alitugésye pala, u mputi unnini uyu pamwanya apa pa kipanga kya Sacred Heart īsile kula pala. Umwene alinkuti, “O, umwene . . .” Une

nāmbulaga umwene isya kummōsyia Mary Elisabeth Frazier. Umwene alinkuti, “O, ugwe gwālimmosisyé umwene ukufwana ni njila ya kipanga kya Katolika ikyakubwandilo kyōsyelágá.”

Une ndinkuti, “Ndili kyābombole ikyo?”

Umwene alinkuti, “Mu i Bangeli, i Bangeli lyako.”

⁶⁵ Une ndinkuti, “Ngimba i kipanga kya Katolika kyōsyaga kila? Ngimba ikyo kyo kimanyisyo kya kipanga kya Katolika?”

“Ena.”

⁶⁶ Une ndinkuti, “Mu kusitakutoligwa kwa kipanga kya Katolika, nongwa ya fiki ikyene kisanwike fiyo bo ulu?” Muketile?

⁶⁷ Umwene alinkuti, “Ena, muketile, ugwe kwitika mu i Bangeli. Uswe tukwitika mu kipanga.” Muketile? “Uswe tutikupasya iki i Bangeli likuyoba. Ikyene kyo iki i kipanga kikuyoba.” Uko ko katikati kutalusya. Ugwe kwisamo siku ku kibonekesyo, ku kyene, gela ikyene kamokene, muketile. Abene batikupasya iki i Bangeli likuyoba; ikyo kikaya nakyo nakimo ikyakubomba ni kyene. Abene bikupasya iki ikipanga kikuyoba. Muketile?

⁶⁸ Loli uswe tutikupasya iki i kipanga kikuyoba. Uswe tukwitika iki Kyala ikuyoba. Ameni. Kabuno i Bangeli, ikyene kisimbígwé, “Ndeke i lisyu lya mundu lililyosa liyege butungulu, kangi i Lyangu liyege Bwanaloli.” Iyo yo nongwa uswe tukaya kipanga-kipāgúke.

⁶⁹ Lilino kētésya. Pilikisyia ku iki, itolo i miniti. “A banyafyale bahano aba ikyene kyāli, bagwile, a banyafyale bahano.” Linga ugwe kulonda ikyo ukufuma mu syāmbukúlu, une ngukubonesyaga ikyene kwa ugwe. “Kangi yumoywene alipo, kangi yumo ikwisaga.”

Lilino kētésya, “i kinyamana.” Lilino, i kinyamana akāli mwalafyale mma. Umwene āli “yumoywene uyu alipo, uyu akayapo; kangi pōpe umwene alipo, kangi akayapo; kangi alipo, kangi akayapo.” Ngimba ikyene kyo fiki? Ikilingo kya ba pāpa, a maka, ubulagili bwa kinyamana. Ako ko kabalilo kāko u Roma unsitakyala āpindusígwe ukupela u Roma gwa bupāpa. Roma u nsitakyala āpindusígwe, kangi poleli ikyene kilinkuya bupāpa, iki, abene bāli na pāpa mbuyo bwa mwalafyale, kangi u pāpa yo mwalafyale gwamwambepo. Iyo yo nongwa umwene ikufwikigwa i ngíga, u mwalafyala gwamwambepo, ikwiyobela ukuya gwakilingo gwa Yeso Kristi. Apo umwe muli. Lilino kētésya.

⁷⁰ Kangi uswe tukubukaga ukutwala i kimanyisyo kya Katolika panja pala nukubanangisya umwe mumo ikyene kyōgile mulamula ukusulukila mu fipanga fya Protestant, muketile, mumo umwene akāli alambalele mulamula mu kipanga kya Protestant, kīngi kya ikyene. Ukukanikana,

katikati, ni li Bangeli, naloliloli ukukanikana. Lilino, “I kinyamana iki kyāli, iki kikālipo.” Lilino kumbukilaga, “Bosa abene bikusyobigwaga, pa kisu kya pasi, aba i ngamu syabo sikāsimbīgwe ukufuma ku lwalo lwa kīsu.” Unko uswe tukéte.

*Kangi i kinyamana iki kyāli, kangi kikāyápo, (ilinandi
lya 11) kangi pōpe yo gwālwéle, kangi... gwa ki hanonabili, kangi ikubuka mu bupyūtigwe. (Umwene
isakukindilila nkyeni mpaka umwene ikutika ifibwina
ifisita-lwalo ku bumalikisyo bwa nsebwe.)*

*Kangi i mbēmbe kalongo isi ugwe gwāsibwene syo
banyafyále kalongo, ...*

Lilino kētésya apa. Linga umwe mukulonda ukukéta i kindukimo iki kikutika, kētésya iki.

*...syo banyafyali kalongo, aba bakāmbilila ni
kitangalala nakimo tāsi; loli bikwambilila a maka
ukuya banyafyale isala yimoyene ni kinyamana.*

⁷¹ Abene bakafwikingwa banyafyale; abene balagili-bagāsi. Muketile, abene siku bakāfwikingwémo banyafyale, loli abene bikwambilila a maka ukuya banyafyale, isala yimo, mu bulagili bwa kinyamana. Ikyo kyo itolo nkanini aka akabalilo kansyungúlu papapa lilino kūkō abalagili-bagāsi bikutupuka. Muketile? “Bikwambilila a maka ukuya banyafyále, isala yimoyene ni kinyamana.” Lilino, umma ndaga.

*Aba bali ni linogono limolyene, kangi bisakupaga a
maka gābo nu bwamaka ku kinyamana.*

*Aba bisakupelaga u bwīte nu Kang'osi, kangi
u Kang'osi isakubaponjolaga abene: (Lwimiko!)
kabuno umwene yo Ntwa gwa ntwa, kangi Nnyafyale
gwa banyafyale: kangi abene aba bali nu mwene
bikukōlelígwa, nukusalígwá, kangi basubilígwá.*

⁷² Ngunyonywa une āngali ndumbilile ubulumbilili papapa lilino pa ikyo, “A basaligwa, bo lukāli lukálígwa ulwalo lwa kīsu, kangi bikusyala basubilígwá mu bukólelígwe bwābo.” Aleluya! Ikyo kyo kyene. “Abene bakōlelígwe, basalígwa, kangi basubilígwá.” *Kangi* yo mulungisa, muketile, “A basalígwa, kangi a basubilígwá.” Abene biskumponjolága umwene. Kali abene bikwisa ukuya bakulumba bulebule.

⁷³ *Kangi* i kikomyunisti ikikulumba iki, i ubugúte bwa kikomyunisti ugu uswe tuli nago umwisyugu, komma ukupāsya isya ikyo. Ikyo kikubombela katikati mfiboko fya Kyala. Une mbagíle ukusisimikisyá ikyene ukwisila mu li Bāngéli. Umwene ikumpelaga umwene ukukübílwa kuli gwakufwilà aligwesa umwene angogilémo siku. Ena, nkulumba. Umwe kētēésya abanyafyale aba bikwitikisania palikimo, kangi bisakubenganaga pitási. *Kangi* ikikolo kyosa, i kīsu kyōsa, kikupyāgila ikikomyunisti. Nongwa ya fiki, ikyene kyo kikufimbilisiga ukuya bugúte bwa Kyala, ukukifunda

ikyene. Ugwe kuyoba, “Gūlila i miniti, Nkundwe Branham. Kikomyunisti, u bugúte bwa Kyala?” Naloliloli, loliloli, bo bugúte bwa Kyala. Ili Bangeli lyāybile lúlo. Loli ikyene kikwendela mula ukufumusya u bulongi pa bāndu abasitakyala kangi bakosyasoni basīgwána. Ngimba fiki ifi fisyele nkīsu iki? Ngimba fiki ifi uswe tuli nafyo? Apa i lisiku limo . . .

⁷⁴ Une ngwimaga ba kimanyisyo kyangu ku miniti itolo, linga ikyene kyakubombigwa. Une nābalaga nkayabo ka Lisimbo kūko fikuti u mwāna unsīgwána atisakwingila nkilundilo kya Ntwa ukwegela i ngulilo kalonga na sina. Balinga bamenye ikyo? Uko ko kutalusya, Kukūmbúsya 23; u mwāna u nsīgwána. Linga u nkikulu akōligwe mu ngunda, kula ko, kubutali ukufuma kubuponekesyo bwa mundu, kangi u nnyambala ikumponjola u nkikulu yula, u nnyambala yula ikufimbilisigwa ukummwega unkikulu. Kangi kisitakupásya linga unkikulu ikwisa ukuya ndogwe, unnyambala ikufimbilisigwa ukwitugasya nu nkikulu yula mpaka unnyambala ikufwa. Kangi linga u nkikulu uyu ikwegana nu mwene unnyambala, ukwibikámó ukuti umwene yo mfündé, kangi umwene unkikulu akaya, polelo umwene abagíle ukugogígwa panongwa ya kyène. Kangi linga u nnyambala nu nkikulu aba bali mbwégi, kangi abene bikutwala u mwāna u nsīgwána, ukuti, ikilundilo kya Ntwa umwene atisakwingila, mpaka ku ngulilo kalongo na sina. Kangi i fyinya malongo mana yo ngulilo yimo. Ikyene kissakuyaga fyinja ba mia bana bo bukálí ubutulwanongwa bula ukusökámó mu Israeli.

⁷⁵ Kyala abēngéne nu butulwanongwa! Ngimba ugwe kugūlila ukunyéla bulebule ukukilania i Lilopa i Likemo ilya Ntwa Yeso, itolo panongwa yakuti ugwe gwéngile i kipanga-kipágúke kimo, ukugūlila ukwingila? Ugwe kwisaga pa lwālo lwa Kyala kisita apo ugwe utikwisaga na panandi mma. Kutalusya. Diakon, ndumbili, kilikyosa uswe tubágile ukuya, kikaya nakimo ikyakubomba ni kyene. Ugwe kwisa pa nyitikano sya Kyala.

⁷⁶ Ingulili kalongo na sina. U mundu itugesye alipo lilino uyu ãyobesaniága na une. Alinkuti, “Ngimba uswe tukumanyaga bulebule uyu isakupokigwa ngamo siku lelo?”

⁷⁷ Une ndinkuti, “Apo po pāpo ugwe kufimbilisigwa ukuya gwa kiCalvinisti unnunu.” Ingamu yāko yābikígwe mwa Buku bo lukálí u lwālo lwa kīsu. Kyala ikwega ukwendeléla kwa lilopa lila. Ikyo kili ku Mwene. Muketile?

“Loli fiki ikyo kilinakyo . . .”

⁷⁸ Pilikisia. Umwe mwe bandu, umwisyugu, Une ngamanya ukuti kali ugwe kwisa ku kipānga iki, pamo kūko ugwe kufumila, umwe mwe balumiana na balindwana abakeke. Ngimba umwe mukusyágánia, i findu ifi umwe mukubomba, linga yilipo i ngulilo iyengi, a bāna binu bisakulongígwa panongwa ya ifi umwen mwābomble? Ngimba umwe mukaya nu luyindiko lwa bwifýúsi? Umwe balindwana mwe muli panja apa

mukufwala utubundu utunini utwaiyolo ni findu ukusyungutila, umwe mumenye, ikyo kikubonesígwa pa mwanundindwana gwinu. Ngimba ugwe umenye umbuya gwāko āli yo—yo ndindwana-nsambuke, kangi unnago āli yo mmoga-nkilundilo, kangi iyo yo nongwa ugwe gwe mfula-myenda umwisyugu? Naloliloli. Ngimba a bāna bāko bisakuyaga fiki? Ena, nkulumba. Kyala ātile Umwene isakuyātīla ukusitakulōngíwa kwa bapāpi pa bāna na bāna bābo, ukubuka ku ngulilo sitatu pamo sina.

⁷⁹ Kangi ngimba ugwe kusyagánia, nkundwe gwāngu, akabalilo kosa ugwe kubomba kila iki kyo kitalusye, kila kisakuyātilígwa pa bāna bāko?

⁸⁰ Keta kuno, unko uswe tukwegaga Bahiburi, untu gwa 7. Ili Bāngéli lyāyobíle, akabalilo kāko—akabalilo kāko Melkizedeki ālyagéne na Abraham ikugomokela ukufuma ku bupyuto bwa mwalafyále, nukunsaya umwene, kangi Ilyene lyāyobile, lilino, “Levi...” Umwene ikuyoba isya kuhomba ifyākalóngo. Alinkuti, “Levi āli nu lulagilo ukufuma kwa Ntwa ukwambilila ifyākalóngo ukufuma ku bakundwe bāke. Kangi Levi uyu āmbililága ifyākalóngo, āhombíle ifyākalóngo, kabuno umwene akāli āli mündä mwa Abraham akabalilo kāko umwene āgānége na Melkizedeki.” Kangi Abraham āli yo mbuya-gwa-mbuya gwāke. Abraham ākabíle Ísáki, Ísáki ākabíle Yākóbo, Yākóbo ākabíle Lēvi; Lēvi, tāta, mbūya, mbūya-gwa-mbūya. “Kangi akabalilo kāko Lēvi āli munda mwa Abraham,” ili Bāngéli lyāyobile, “umwene āhombíle ifyākalóngo kwa Melekizedeki.” Aleluya!

⁸¹ Komma ukundeka nayumo ukubabūla umwe u luko lulilosu ulwa nkīsu lubāgíle ukufufania na makina amakulumba ga Kyāla. Umwene ikukindililága nkyeni mula! Ikyene kyābātikíwe kunyuma kula mbwandilo. Gikayapo nagimo imisyétano pamo imisyétano gwakufwana gibāgíle ukufubánia nu lubatiko lwa Kyala.

⁸² Lilino, ili Bāngéli likāyobíle “nukwitendekesyá” umwene āhombíle ikyene. Ili Bangeli lyāyobíle, “Umwene āhombíle ifyākalóngo,” akabalilo kāko umwene āli munda mwa mbūya-gwa-mbūya gwāke. Lwimiko! Uyo yo Ntwa gwāngu. O, Umwene āmenye ikyene, napāpo, bo i kísu kikāli kikabumbigwámó siku. Umwene āmenye kilikyosa. Kangi mwa Abraham, umwene āhombíle ifyākalóngo.

⁸³ Kangi kalumbu, nkundwe, ngimba ubāgíle ukubopabopa panja apa bulebule, kangi abandu bikwitugasya nukubopabopa na bakasi ba banyambala, kangi abakasi ba banyambala ukubongotola utwaya, kangi ukwitugasya mu njila iyi umwe mukubomba, ngimba fiki umwe mukugüllila ingulilo iyungi ukuya? Apa po iki ikyene kili. Ikyene kyo kísile lilino ukubuka ku nakimo loli itolo ikipambo kya bakisigwana, bapapigwa nubufubanisígwe, i kipambo kya bùbóle. Kangi kilipo i kindu kimokyene kisyele ku kyene, kangi ikyo kyo lisiku lya atomu ili

uswe tukwitugasyamo. Uko ko katikati kutalusya. Uswe tuli ku kabalilo ka bumalikisyo.

⁸⁴ Nítugésye u lubunju ulu, kubutali kwisilya mu twāmba twa Kentucky, unnini ugwaiyolo u ndumiana, ugwe ukābagíle ukwisa mula amafiti kalongo ga umwene, ukufuma ukutendeka isukali ya mapemba. Lumo akāménye nukuti kokuki kukilílo pamo kukímáma. Akabalilo kákó umwene āpilíke... Une nāmalisísyé ni físu fyáli na masimbo. Une ngāmenye kūko une nālī. Une nālī itolo mu fibwina fimo. Kangi une nābukágá mmwanya mula ukubuka ukufwima abalukoti. Kangi akabalilo kákó une nítugésye pási pala, ndinkufika ukuyoba nu mwene. Kangi u ndumiana uyu átile umwene ikubukaga ku busikali. Kangi ukwisa ukusyagánia, uswe tulinkufika ukuyoba isya Ntwa, kangi umwene alinkuti, “Ndumbilili, ngimba ugwe utikwitika ukuti uswe tuli nkabalilo ka bumalikisyo?” Kubutali kunyuma mmwanya mula mu fila i kyāmba.

⁸⁵ Une ndinkuti, “Naloli, uswe tuli. Naloli, mwanangu, uswe tuli ku kabalilo ka bumalikisyo.”

⁸⁶ Apa uswe tuli. Iyi yo sala iyi uswe tukwitugasyamo, nkundwe. Uswe tuli mu buyo. Ngimba umwe mukagágíla ukukéta abamáma yula kunyuma, na bātāta, mūmo abene bitugasilaga, nu mwisukulu na mbūya? Ngimba umwe mukabágíla ukukéta mūmo bāba na yūba bítugasyile? Kusita kuswiga uswe tili mu būbóle umwisyugu. Kisita kuswiga, ugwe ubágíle ukulumbilila untu gwáko ukusōpóka; abene bikufwalaga ibundi itolo lulalula, nukufunyla nkisyo kyāko. Abene bisakukwesa i ngambo nukupútila iyene kulakula kwa ugwe, nukuyoba, “Pakikisyaga ku mbombo yako gwimwene.” Nongwa ya fiki? Panongwa ya kuti ulo lu luko lwa bandu abene bafumiléko. Une ngubukaga ukufika ku ikyo, nukutalula, *U Luyungu Lwa Liyoka*. Uswe twisakusyaganiaga kūko umwene ikwingila, ukuketa nongwa ya fiki abene bikubombela bo lula. Abene bo bāna ba mōhési ukufuma ku lwālo lwa kīsu. Uko ko kutalusya. Kangi uswe tukaya nakimo mula, kisyele ku kyene, polelo bwene bu bulóngi bo kindu kyène kisyéle. Tukabagíla ukuya ni kindu nakimo loli u bulongi. Kyala itolo isakukikomaga ikindu kyosa mosa. Kangi u mundu abombíle ikyene bene. Kyala akálondilémó ikyene ukuya i njila yila, lōli Umwene āmenye ikyene kikuyaga i njila yila. Iyo yo nongwa Umwene āyobíle umwene ikubombaga, “Ukusyoba bosa aba bitugasyaga pa kisyo kya kīsu, ukusōsyápo bene bala bābō i ngamu syābo syābikígwe mwa Buku gwa Būmi ugwa Kang’osi bo u lwālo lwa kisu lukāligwa.”

⁸⁷ Unko uswe tukētésye ikyene. Bala ukukindapo panini. Lilino, lilino une ngusubila uswe tuli pa lya 12.

*Kangi i mbembe kalongo isi ugwe gwāsibwéne syo
banyafyale kalongo, aba bakāmbilila i kitangalala*

nakimo mpaka na lino; loli bikwambilila a maka ukuya banyafyále isala yimoyene ni kinyamana.

Aba bisa kuyaga na minogono gamogene, kangi bisakupa a maka gâbo nu bwamaka pa kinyamana.

Kangi aba bisakupelaga u bwîte na Kang'osi, kangi u Kang'osi isakubaponjolága abéne: kabuno umwene yo Ntwa gwa ntwa, kangi Mwalafyále gwa banyafyále: kangi abene aba bali nu mwene biku—biku kôleligwa, a basaligwa, kangi basubilígwá.

Kangi umwene alinkuyoba kwa une, A misi aga ugwe ugabwene, apa u ndogwe itugesye, bo bandu, . . . ifilundilo, . . . ifikolo, kangi indimi.

. . . i mbembe kalongo isi ugwe gwâsibwéne pa kinyamana, isi sisakumbenga u ndogwe, . . .

⁸⁸ Kêtésya kila lilino, i “mbembe kalongo,” isi, ifitangalala kalongo ifi. Muketile, ifyo fyo filifyosa fikugwila nkati, iki abalagili-abagâsi aba bali. Kêtésya i njila iyi abalagili-bagâsi bikwigemesyâko. Ngimba ko kugu ikyene kikwigemesyâko? Itolo—itolo mbula une u ndagili-ungâsi uyu atikwigemesya ku kikomyunisti. Muketile? Kangi abene bisa (fiki?) kumbéngá “u ndogwe,” u nkikulu, i kipanga. Loli fiki? Kêtésya iki kisakubombaga ikyene.

. . . aba bisakumbéngá u ndogwe, kangi bisakumpelaga umwene mbongotolígwé kangi ngelebuno, kangi bisakulya u mbili gwâke, nukummókyá umwene nu moto.

⁸⁹ Abene bisakupufulaniaga i kindu kila ukusokapo pa mäpu, itolo mûmo une nsinsimikisyé mûmo fikuti une nîmíle apa. Uswe itolo twâli na kabalilo ukwega ikimanyisyó kila pala ikyá kipanga kila, nukukindisyá ikyene mu Lisimbo, kûkó Ilyene lyâtile, likubala, “A banyafyále bosa aba nkîsu, na bosa abafundi-bâsitima, na bosa, bikukúta, kabuno u Babuloni unkulumba âgéné nu buyweluke bwâke mu sala yimoyene.” Isala yimoyene, akabalilo kâke kâlisile! Kangi, o, mûmo Ilyene lyâyobile, “Sangalukâga, umwe mwe bikemo, kangi mwesa umwe basololi bikemo, kabuno Kyala apyânikísye i lilopa lya bikemo na bakundwe bînu pa mwene.” Muketile, uko ko kutalusya. Naloli, kikomyunisti kikukina mulamula mfiboko fya Kyala. Itolo bo yu Mwalafyále Nebukadinezara alinkukina mulamula mfiboko, ukwisa ukwega a baYuda bala, akabalilo kâko abene bâsôkilepo! . . . ? . . .

⁹⁰ Kangi ubutulwanongwa bubâgíle bulinkümilísyá ukubolesya, imbeyu ingolofu yibagíle ukusyala nkati mula kangi imbeyu yibagíle ukumilisyá ububôle, kangi ukubola kangi ukubola mpaka ukufuma pa kabalilo iyene yikumalika. Iyene yikufika ku buyo, panongwa yakuti abamâma na batâta bâbo bâlitugesye lulo pabutasi bwa uswe, kangi mu njila yila,

mpaka kakayapo nakamo aka kalekígwe kwa uswe. Kangi umwe mumenye iki Yeso ãyobíle? Linga Umwene akātumwíle i mbombo ukuya mbím̄ba, ãngali pakayapo nu mbili nagumo gupõkígwe.

⁹¹ Ngimba umwe mubagíle ukukéta? Ngimba umwe mubagíle ukukéta nongwa ya fiki uswe tulinafyo ifi (une ndikwanda i nongwa mma.) aba Arthur Godfrey, kangi aligwesa, umwe mumenye, muketile, kangi aba Elvis Presley, kangi—kangi imisana pási, aba ovololo, ni nywili sikusulukila pási pa mmilo gyâbo, kangi bosa aba, injila abatubwa bikubombela? Ngimba fiki kikubomba ikyene? Ngimba fiki ikyene? Panongwa yakuti ikyene kikwisa ukufuma ku kipâmbó kya bandu aba-bâlîko, abasígwána. Nakimo kisyele! O, abene bisakwima mmwanya nukwimba, “Pabupipipo, Kyala gwângu, kwa Ugwe,” bo yu mfunja-mbange Ernie na bosa bala abangi bo bala, ukwimba u luko lumo lwa lwimbo, na fyosa bo ifyo. Nkundwe, ugwe umenye fiki? Ikyo, ikyo kyo naloliloli busyobi. Ena, nkulumba.

⁹² Nnyambala akaya ni mbombo nayimo nkigemo iki uyu ikubuka panja pala nu tyonga-tyonga na bagumba-gumba nu luko losa lya findu fila. Umwene akaya na kambakasya na kamokene ka mbombo kunyuma kwa apa. Ubu bo bupüti, abakôleligwe ba Kyala. Ababombeli abakôleligwe ba Kyala kumyabo ko kuno. Kangi komma ukuya gwa kuno panongwa ya luko bo ikyo. Ulo lo lutamio ni kyene umwisyugu, abene bakipelíle i kipanga ukuya kisita kukinda kubugono kumo. Kubugono kyo kinunu, ugwe kulonda ukubomba ikyo, ikyo kyo kili kwa ugwe. Loli unko une ngubule ugwe, kulipo ukukindana kwingi ukwisila ukugela...pakati pa bugono ni kipanga. Ena, nkulumba. Ugwe kulonda ukubomba i findu fila mu bugono, nukuya ni luko losa lwa sekelo na fyosa bo ifyo, ikyo kyo kili kya ugwe. Loli, nkundwe, i kipanga kikufimbilisigwa ukuya kipyagile ukufima ku kigemo injila yosa ukubuka ku lwalo. Uko ko kutalusya. Une ndikusanusya kipyagile na madirisya amapya nafyosa bo ifyo. Une ngusanusya nu luyigo lwa bubombelo-bwaiyolo, ubutumigwa-na-Kyala ubu bwisakabalaniága i kindu ukufuma ku lubafu lomo ukubuka ku lungi. Ena, nkulumba. Ukufwana ukwasya u lumuli, ulumuli lwa magesi pa kibugutila kya mayenje ukusyungutila i likungwe lya apulo. Ena, nkulumba, agene gisakubalanila akabalilo kâko u lumuli lukumulika.

⁹³ Lilino këtésya, “Abene balinago aminogono gamogene, ukupa a maka gâbo.” Une ndi pási pa ikyo lilino. “I mbembe kalongo.” Ena, lilino.

Kabuno Kyala abikile mu ndumbula syâbo ukufwanikisya u bwîgâne bwâke, (apo ugwe kubuka,) kangi ukwitikisania, kangi ukupa ifitangalala fyâbo ku kinyamana, mpaka a masyu ga Kyala gisakufwanikisigwaga.

Lilino, kangi u nkikulu uyu ugwe gwālimbwene ko kala akāya akakulumba, aka kikulagila pamwanua bosa abanyafyāle ba kīsu.

⁹⁴ Lilino, kukayapo ukulongigwa nakumo ukwa kuguta ukusyunguti, uswe tumenye ikyo kyo bufyukilo bwa Katolika. Kukayapo ukulondigwa nakumo ukwa aligwesa... Une—une ngwitika ikyo itolo ukuya nkafu bo une ngwitika ukuti une nāmbilile u Mbepo Mwikemo. Une ngwitika ikyo itolo būbo une ngwitikila ukuti une ne Nkristi īmile apa umwisyugu, ukuti u kilingo-bufyuke bwa kiKatolika bula bo ki—ki... A Kaya ka Vatican ko—ko kāya aka kītugesye pa twāmba tuhano-natubili. I kilingo-bufyuke bwa kipanga kila kyo kinyamana iki kyāli, iki kikaya. Umwene yo Babuloni. Ikyene kyo kilikyosa kibonesigwe itolo katikati, itolo nubupelelesye injila yosa ukukinda mMasimbo. Ikyene kyo kipanga kya Katolika.

⁹⁵ Lilino, lilino iyi yo fundo yinu yakuswigisya. Umwe mukuti, “Ena, ugwe utikundika une, Nkundwe Branham.” Loli unko une itolo ngulālūsyé ugwe i kindu kimo. Unko uswe kulakula kunyuma lilino ku linandi lya 5.

*Kangi pamwanya pa ntu gwāke pāli... pāsimbīgwe,
GWABUTÍTU, BABULONI U NKULUMBA, MAMA
GWA FYĀMWÍKO... U MAMA GWA BALÓGWE NI
FYĀMWÍKO FWA KĪSU.*

⁹⁶ Ngimba umwene āli fiki? G-w-a-m-a-l-a-y-a. Kangi umwene āli yo y-u-b-a. Fiki? Y-u-b-a. Umwene āpapíle i kindu kimo. U nna gwa banabalumiana? Ugwa balögwe! Ngimba u ndogwe yo fiki? Kindu kyakufwana bo u—bo u gwamalaya, unkikulu unsitalwiho. Ngimba fiki fyalimpelile umwene nsitalwiho? Ikimanyisyo kyāke. Umwene isyobekesyaga ukuya kipanga kya Kikristi, loli kyayabaniaga ikimayisyo ikitendekigwa-nu-mundu. Kangi apa umwene ikuyoba ukuti umwene āli... Linga umwene ali kibugutila kyākwanda, polelo fikufwana ngati filipo ifibugutila fimo fisōkile ukufuma ku mwene. Umwene āli yo yuba gwa balogwe. Ngimba uko ko kutalusya? U nna gwa balogwe. Akabagile ukuya yuba, lilino, gwa banabalumiana. Akabagile ukuya yuba gwa... Ikyene kyafimbilisigwaga ukuya yuba gwa bakikulu. Kangi, linga abene bāli bakikulu, abene bāli fipanga. Lilino unko uswe tusyaganie. Ngimba fiki fisōkile ukufuma ku...

⁹⁷ Ngimba kyo kyāli fiki ikibugutila kyākwanda? Kipanga kya Katolika. Ngimba kyāli fiki ikibugutila kya kibili? Luteri. Ngimba kyāli fiki ikibugutila kyakitatu? Zwingli. Ngimba ikyene kyālisile pāsi kwa ywani? Calvin. Kangi pala ikwisa mu Anglican, kangi u Anglican ukubuka pāsi mu Methodisti. U Methodisti, ngimba fiki u Methodisti ātwele? Ukufuma kwa ifi ikwisa Alexander Campbell. Ukufuma Alexander Campbell ikwisa John Smith. Ugwitu... Alexander Campbell yo kipanga kya Kristi; polelo, abene bāli nafyo fina pamo fihano, kipanga

kya Kristi kangi tosa tula utumini utu ma ism tukubopa panja. Polelo apa ikwisa i kipanga kya Baptisti, ikyene kyāli nafyo fingi ifyakusōkamo ifinini. Kangi ukufuma mu kipanga kya Methodisti ikwisa... ukufuma ku kipanga kya Methodisti, ikwisa, ukwākwanda ikwisa u Methodisti gwa kiWesleyan, kangi polelo abene bābongotwike kana pamo kahano kosa. Polelo abene bikwisa ku luko ulungi lwa Methodisti, kangi polelo abene bikwisa panja kangi, polelo abene bikwisa ku ba Free Methodist. Kangi—kangi polelo abene bikwisa ukufuma ku kila ukubuka ku Nazarene. Kangi ukufuma ku Nazarene ukubukuka ku Pilgrim Holiness, kangi u Pilgrim Holiness ukukindilila. Itolo utu ism utunini ukubopa panja bo lula, ukukindilila ukubopa nkyeni pási, aligwesa gwa bene banini—banini bākwandisya kunyuma kula mulamula ukusuluka pási. Kangi ngimba fiki ifi aligwesa gwa bene ābomble? Kangi ikyene kubumalikisyo kyamalikisyé mu Pentekosti.

⁹⁸ Kangi fiki ifi Pentekosti ābomble? I kindu kilakila iki unna gwābo ābomble, abene bābukile kulakula ukugomokela nu kwibātika. Kangi ngimba fiki ikyene kilinkuya? I—i kipanga-kipāgúke. Ingila mu kimo, ikindu kyakwanda, “Ngimba ikimanyisyo kyāko kyo fiki?” Miana, abene bikukupesa ugwe ni kipesa kya mino-manini, uketile, ukusyagania iki ugwe guli, iki ugwe kwitika. Kangi linga ugwe itolo utikufwana katikati na bēne, nkundwe, ugwe usōpīgwe palapala lilino. Kangi uko ko kutalusya.

⁹⁹ Kangi komma ukwinogona itolo panongwa yakuti ugwe kuyoba ugwe gwe gwa kiPentekosti ukuti ugwe uponesígwe mma. Nkundwe, pisakuyapo itolo ba bingi aba Pentekosti ukusōkápo pa nsebwe bo bābo balipo pa nsebwe, une nsisimikísyé. Muketile?

¹⁰⁰ Lilino, ifipāngánio fyōsa fila, linga ifyene itolo fyalulekile ulusayo lwa Pentekosti lubukege lwene, kooma ukulupāngánia ulwene, itolo ukukyunga ulwene mbukundwe nukundeka u Mbepo Mwikemo. U Mbepo Mwikemo ikupagula. Ananiya na Safira alīngile mula akabalilo kamo, balinkuyoba *kyakuti-ni-kyakuti*; kangi u Mbepo Mwikemo alinkuti, “Nongwa ya fiki ugwe uyobíle ubutungulu?”

¹⁰¹ Loli uswe tukuyoba, “Lilino, uyo yo Nkundwe Jones, komma ugwe ukuyoba nakimo ikinyali ikya mwene lilino, umwene yo mupi unnunu ukukinda-bosa uswe tulinabo nkipanga. Une mmenye umwene alinágwe u Mbepo Mwikemo; une nālimpilike umwene ikuyoba mu ndimi, kangi une numbwenemo umwene ikuywega mwa Mbepo.” Ikyo kikaya na kamo ukukinda ukoneléla i mbānge pa kipapa kya ng’ombe ikyumu. Muketile? Ni kindu nakimo ukubomba ni kyene. Kyala naloli ikuyoba. Umwene alinako ukuyoba kali umwwene ali pamo akaya. Naloliloli. Loli uswe twākyēgile ikyene ku kipanga-kipāgúke kyitu. “Ena, uswe tumbayila namabala umwene ukufuma

mu—ukufuma mu Assemblies, aba Oneness bikummwambilila umwene pala. Aba Oneness bikumpimba umwene pa kabalilo, kangi polelo abene bikumbaya amabala umwene panja. Panongwa yakuti, abene bālimpimbile umwene ukukilania kula, kangi aba Jesus Only bikumpimba umwene pala. Jesus Only bikumpimba umwene pa kabalilo, kangi i kindu ikyakukonga bikunsala umwene yo church of God, bikunsala umwene. Aba Church of God of Prophecy bikunsala umwene, kangi aba bugute bwa Tomlinson bikummwaga umwene.” O, mwe! Nkundwe, linga uswe tuli kifuki ulumalisya fyosa! Ikyo kyo mu Pentekosti, uluyigo ulu lwākindága. Kangi lilino abene bali na ba Blue Flame, kangi abene bali na bipúta mafuta, kangi i—kangi i lilopa mu kísyo. Kangi, o, kisa, une ngamanya kúko abene babükíle lilino.

¹⁰² Itolo ikindu kimokyene, ikyo kyo kindy kyosa kisile ukuya kibóle. Ngimba ugwe umenye ukuti i Bāngéli lyāyobile ikyene kisakwisaga ukuya kibóle? Ngimba umwe mumenye i—i Bāngéli likuyoba isya lisiku ili, likuyaga apa, akabalilo kāko syope i figemo fya Ntwa fisakuyaga fiswíle na matési? Kangi alinkuti, “Ywani Une mbagile ukumanyisyu ikimanyisyo? Ywani Une mbagile ukupela ukumbilikísya Une? Kabuno i fündo yikufibilisígwa ukuya pa fündo, yili pa fündo, pa lükíndi pa lükíndi.” Ywani Umwene abagíle ukumanyisyu ikimanyisyo? Bala aba ba babugéle ukufuma ku libele, u yuba. Muketile?

¹⁰³ Lilino, akayapo—akayapo u nkikulu, unkikulu umbwapufu nkäya aka loli uyu ābagíle ukupápá u mwanundindwana u mfünde. Umwene yo akabalilo kāko umwene ikupápígwá, lilino, kangi umwene abagile ukubuka kanunu. Loli linga umwe mutikukétesya, isya nna gwâke áli gwa bupélígwá bula, u ndindwana yula, kalwele-na-kamo ukufuma mwa kalongo, isakubombelaga itolo katikati bo yu mäma gwâke ikubõmbéla. Lilino, umwe mumenye uko ko kutalusya. Kangi u nkikulu unkangale ikukwendesya i nyuma ya bufumuka bunyáli, abagile ukupápá u ndindwana unnini. Umwene abagile ukuya gwafyinja kalongo-na-fihano-na-kimo mbukusi, itolo mwifyusi kangi gwalwiho bo liluba lililyosa, loli, linga umwene ikusyala lulalula. Loli, ikindu kya kyene kyo kyakuti, umwene ikubuka kulakula kunyuma nu kubombéla bo yu mäma gwâke.

¹⁰⁴ Lilino, i kipanga kya Katolika kyâli yo gwâkwânda u ndogwe unkangale uyu atupwike ni fimanyisyo ifi itendekile yümwéne, inyiho, isi i Bāngéli lyāyobíle, “Umwene afumile ku imibwina imisitapási kangi isakubükága ukugomokela ku bupyuto.” Ili Bāngéli lyāyobíle ikyo. Lilino, linga abene bikumanyisyu ikyo, ikyene kyo kisobi. Ikyene kyo kisobi, ukufwana ni Lisyu lya Kyala. Kangi polelo apa kikwisa i kipanga kya Methodisti, iki kyápápígwé ukufuma ku mwene, u ndindwana ummogi unkeke, loli ngimba umwene ābombile fiki? Umwene alinkusanuka itolo kunyuma ukusyungutila nukubomba i findu filafila

ifi u māma gwāke ābombíle. Ikukyitikisya ikilundilo kyāke ukufwala i bundu. Ikubitikisya abene ukukwesa i ngambo. Ukubitikisya abene ukwendendeka nukubōmbéla itolo mūmo abene bikubombéla. Kikayapo nakimo iki kikuyobigwapo ikya ikyene. U nnini ugwayiyolo u ntími unsita-kupya kunyuma kula, i kigemo kunyuma kula, ikutíla umwene isakubopaga kisita mfwalo ilisiku limo, pamo u luselo lwa mabisküti.

¹⁰⁵ Unko une mbābúle umwe, nkundwe, une kinunupo ndumbilíle i Nongwainunu, nukulya ifisyesye nu kunwa a misi ga amanyali, nukuyoba u Bwanaloli ukufwana ni kyene. Linga aligwesa ugwa kilundilo kyāngu āsumwíke mmwanya nukusōka panja, une ngubabülága abene u Bwanaloli bwa ikyene. Ena, naloli.

¹⁰⁶ Ngimba kitamisyé fiki? O, iyene yo tikiti ya bulyelo. “Ena, ugwe umenye, une ne ntími gwa kipanga ikinywamu ukukinda fyosa nkaya aka.” Umwe ba Baptisti na ba Methodisti mukupilikila a basololi ababutungulu. Lilino, ikyo kyo kikafu, loli kilikyosa iki kikumanyisya ukukindana ni Bāngéli ili kyo nsololi gwabutungulu. Une ndikupāsyá mumo kiyilíle ikyene ukupuputigwa, ikyene kyo busololi ubusyobi. Uko ko kutalusya.

¹⁰⁷ “O, kilikyosa kili kanunu pene pāpo ugwe uli ni ngamu yako pa buku.” Ugwe ubagile ukusimbígwá i ngamu yāko mwa babūku kalongo na babilí. Linga iyene yikaya pa Büku gwa Bümi, ugwe utagigwe! Ugwe ukabagile ukuya nnunu fiyo, ugwe ubagile ukuya itolo bo nsubiligwa kangi mwifyusi kangi gwālwiho mūmo ugwe ubagíle ukuya, ikyo kitisakuya ni kindu kimokyene ikyakubomba ni ikyene.

¹⁰⁸ Esau āli kibili-kosa yo miana uyu Yakōbe āli, akabalilo kāki ikyene kikwisa ukuya nnyambala, ukupakikisya u gwise unkangale umfwamaso na filifyosa ifingi. Kangi Yakōbe āli yo nnini ugwasóni ikusyungutila mwa epuloni gwa nna gwāke, u ndumiana unnini ugwayiyolo ugwkakikulu. Loli Kyala alinkuti, “Une nunganíle Yakōbe kangi nunkāníle Esau,” bo balumiana bosa-babili bakapāpígwá. Baroma 8 ikuyoba lulo. Uko ko katikati kutalusya.

¹⁰⁹ Kyala ikumanya iki kili mwa mundu. Kangi Umwene ikumanya iki kili nkipanga, mópe. Uswe tukuya nu bumi ukwisila mu Nkati gwa Bümi, u Nkati gwa Lisyu lya Kyala. Lilino, iyo yo nongwa iyi uswe tukāya kipanga-kipágúke.

¹¹⁰ Lilino une ngulonda ukubapa umwe akangi akanini... . Une ngulonda ukubápa umwe ikibonesyo kinini une nāsimbile pamo apa. “U nkulumba...” Lilino mu Busetuli, mu 19:2. Une nāngw’alíle i kindukimo pamo apa. Une ngulonda ukukéta nukukibona iki ikyene kili lilino.

*Kabuno bo bwanaloli kangi bugolofu bo bulungi:
kabuno umwene alongíle u ndongwe unkulumba, uyu
naloli ānyasyaga i kisu nu bulogwe bwāke, kangi*

abombíle *agomokisye pa lilopa lya bāmbombo bāke pa kiboko kyānkikulu.* (Uko ko kumalika kya kipanga kya Katolika.)

¹¹¹ Lilino, uswe kangi tukulonda umwe ukukētésya, pôpe apa, ukuti i kipanga-kipâgûke—ukuti i kipanga-kipâgûke kyôpe kikwaganisígwa mMasimbo apa, ukuti i...Kangi i Bângéle litikuyobamo siku isya kipanga-kipâgûke. I kipanga-kipâgûke kikufumila mu kipanga kya Katolika. Umwene yo yuba gwakwanda gwa kipanga-kipâgûke, kangi i kipanga-kipâgûke kilikyosa kisökile kulakula ukusuluka pási. Lilino, iki kikuyaga itolo kitite panini. Ikyene kikuyaga panini kititepo akabalilo kosa, muketile. Loli une—une ngulonda umwe ukukéta ukuti i fipanga-fipâgûke fikâli fipâpígwé pamo ukupakigwa na Kyala. Ikyene kyâpakigwé nu móhési.

¹¹² I Kipanga kya Kyala kyo ki...Uswe tukaya batapukane, u mbili gosa gumogwene yo uswe; u lusûbilo lumolwene ni kimanyisyo, bamobene mu bupi. Ikyo kyo Kipanga kya Kyala gwabumi. Kisitakupasya isya iki abene, i findu fiâ, uswe tuli bamo palikimo! Uko ko kutalusya. Kali umwene gwa kiMethodisti pamo kiBaptisti, nkundwe, linga umwene apâpígwé kabubili kangi ísusígwé na Mbepo Mwikemo, umwene yo nkundwe gwângu. Uswe tukwenda i kibéga ku kibéga. Kutalusya. Ena, nkulumba. Kitikupela u kukindana nakumo.

¹¹³ Môse. Utubalilo tumo une ngukelengania nukuyoba, “Ugwe umenye i kipambo kila ikya baPentekosti bûmilísi, Nkundwe Branham, nongwa ya fiki ugwe siku kubukamo panja ni kipambo bo kila?” Umwene mumenye fiki? Môse âbakêtile pa bâna ba Israeli. Umwene akêtâga panja ukufuma pi dirisyâ lilalila ili Farao âkêtelâga ngapo. Farao âbabonâga abene ukuya kipambo kya bakanya-ndipa, loli Môse âbabonâga panja pa bene ukuya basâlígwa ba Kyala. Umwene âménye abene bâli nu lufingo. Nongwa ya fiki? Umwene âménye ikyene ukwisila mu Lisyu. Kangi ukwisila mu lwitiko...Ni kilundi kyâke pa kikota, ukuya Farao, ni kisu kyôsa kilambaléle ku malundi gâke, itugesye pala nukôna u bwâlwa nkanwa kâke, kangi abakîkûlu abamogi ukumpúta umwene, ukuya mwalafyale, pamo umwalafyale-ungâsi, pamo u mwalafyale gwa kîsu-kyosa, unkeke Môse, gwa fyinja malongo mana mbukusi, âli nakyo nkiboko kyâke. Umwene âketile pa kipambo kya bakanya-ndipa kila, loli umwene âmenye umwene âli yumo mwa bêne. Aleluya! Ikyo kyo ikyene. Umwene âménye umwene âli yumo mwa bêne. Kangi nu lwitiko, lwene, umwene âsalíle!

¹¹⁴ Aligwesa ikufimbilisigwa ukutendeka ulusalô. Ugwe kufimbilisigwa ukusala ulusalô. Ugwe kubombaga ulusalô lilino. Ugwe kusalaga u lusâlo ndubunju. Ugwe kubukaga ukutendeka u kusala kilabo nkilo, linga ugwe kuya nu bûmi. Ugwe kufimbilisigwa ukusala akabalilo kamo. Nkundwe, akabalilo akatali aka kakindile une nâsalíle. I Bângéli ili lyâli yo

dikisyonali gwāngu. Ili Bāngéli ili lyāli Būku lyangu lya Būmi. Ili Bāngéli ili lyāli Lisyu lya Kyala. Ili Bāngéli lyo ili une nguyíla nu būmi. Ili Bāngéli ili lyo une ngwimapo.

¹¹⁵ Polelo, Mōse āketága panja pa bāna ba Israeli. Kangi akāyobíle kwene umwene ukuti, “O, abene bo bandu abanunu. Une ngaya nako nakamo akākulwana na bēne. O, umma, une ngabagíla ukuyoba i lisyu limolyene ukulwana na bēne.” Umo momúmo a bandu bīngi bikubōmbéla umwisyugu. “O, aba kiPentekosti bala kangi a bandu bala aba bali na Mbepo Mwikemo, kangi a bandu bala aba bikwitika mu bubumbulusyo Bwamwakyala, o, une—une—une ngaya nayo nakimo ikyakulwana ni kyene.” Loli ikyo akāli Mōse mma. Umwene ātagíle Igupto nukuya yumo mwa bēne. Umwene ābukíle panja nkati mwa bakundwe bāke. Umwene āli yumo mwa bēne.

¹¹⁶ Nkundwe, uko ko kūko une ngwegaga injila yangu. Une ngwegaga i njila na ba Ntwa abafuyulígwé abanini, linga ikyene kyo kiswile pa kiboko, kilikyosa ikyene kili. Abene bali nu lufingo, kangi une ngusibona i ngamu syābo mwa Būku gwa Būmi gwa Kang'osi. Abene bo bakundwe bangu. Uko ko kutalusya. Sála u lusaló Iwāko kangi ima na bēne. Batalúsye pamo basóbi, ima pala mulimosa. Linga abene basóbi, batula abene ku butalusye. Kutalusya. Ugwe utikubapela abene ukuya banunupo ukwisila kukubābáya na mabala. Muketile, ukugela ukubakwaba abene panja.

¹¹⁷ Charlie, mumo abene bāybóbile isya Nkundwe Allen, ukufwana nu moto abene...i lilopa mmaboko. Une nātile, “Siku, siku nālintagilémó une u A. A. Allen.” Une ndinkuti, “Linga une nābagíle ukulumbilíla bo A. A. Allen, une āngáli ndikuyamo siku nu bubombelo bwa bubumbulusyo.” Lilino, akabalilo kako ikyene kikwisa ku kukanikana pa lilopa ukuya buketi bwakuti uli na Mbepo Mwikemo, mmaboko gāko, une nisakukānikána na ikyo. Loli akabalilo kāko ikyene kikwisa ku bukundwe, umwene yo nkundwe gwāngu. Une ngwima kibega ku kibega nu mwene mbwite. Uko ko kutalusya. Linga umwene nsobi, une ngugelaga ukuntúla umwene. Kangi linga umwene akaya nsobi, linga une ndi nsobi, une ngulonda umwene ukundúla une. Kangi iyo njila iyi uswe tukwéndéla—tukwéndéla palikimo. Lilino kétésya apa.

...umwene āli *GWAKUBUTITU, BABULONI...U
MĀMA GWA BALOGWE...*

¹¹⁸ Lilino ngimba umwe mukukéta mūmo i kipanga umwisyugu, binangu, mubagíle umwe ukukéta mūmo i fipāngá umwisyugu itolo fikwitugasya mu njila yiliyosa abene bikulonda ukwitugasyila? “Nubupelelesye kili kanunu mosa, kindililaga itolo nkyeni,” ngulube yikulya i ngulube, ukupasya umma. “Fiki, bukayapo nu bubibi nabumo mu kubomba ikyo. Fiki, ugwe itolo kugela ukuya gwaiyolo.” Lilino kétésya i kimanyisyo kyābo.

Lilino une ngulonda... Lilino kêtésya. Ako ko kasumu kâbo. Ngimba umwe mukukéta, ukuti ifyinja finandi ifi fikindilepo, ukuti i kipanga kya Katolika bâli bo bëne aba bítikisigwága ukubuka ku kubonekesyo mafilimu? I kipanga kya Methodisti bakâbagile ukwinogona isya kindu bo ikyo. Fyôsa fila i fipanga-fipâgúke, “Umma! Ikyo kyo mbombo sya möhési.” Une nguswiga iki kyabonike. Ena, nkulumba.

¹¹⁹ Kangi umwe mumenye, ugwe gwâbagile ukubëga bala abakéke abalindwana ba kiKatolika, abene bikwisa panja nu utu utunini... (Lilino, mwe bambo ba umwe balumiana baiyolo mwe bakusi bo une ndi.)... bikwisa panja kangi kêtésya iki ikinini ikindu kûko abene bâli na ba butali-mmafundu. Ù miana yula, une ngusakikisyà, ali mu gehena, ikilo iki. Une ngamanya. Une ngaya ndongi gwâke mma. Loli akabalilo kâko umwene ãtendíke akâkwindwa akanini akakinyanyasi akimbo aka katelemwikemo panja pa rediyo, kisita kupimigwa, ukuti, “Nienga ‘syene, balindwana, nienga ‘syene; nienga ‘syene pâsi nukunângísya aginu amafundo amamogi.” Balinga bikuyikumbukila yila akabalilo kâko yila yâsôkile akawanda, i fyinja ifi fikindile? Kula kwâli kutelemuka kwâkwânda palapala pala. Uko ko kutalusya. Kangi akabalilo kâko abene bâlimmwagile u mwinitu uyu ukufuma ku Texas, nukubëga bala abakikulu panja pala nukubombéla imyenda gwankati ukubapela abene banokege ngati abene bâli kindu kimo iki abene bakâli, ni findu bo ifyo, nukubaleka babukege itolo nu bwabuke ni kyene. Kangi lilino ngimba fiki kyâbombe ikyene? Ikyene kyâbukile ku kwâfûla mula. Ugwe go mbépo.

¹²⁰ U nnyambala ãyobâga, i lisiku limo. Umwene alinkuti, “Une ngamanya iki une ngubombaga. Une ndinayo unnunu, undumiana ugwanaloli-ndumbula, kangi u ndumiana yula ikufika ukuti umwene ikwega iki umwene ikubikapo amaboko gâke.”

Une ndinkuti, “Nongwa ya fiki?”

“Umwene ikwenda nu nhiyi.”

¹²¹ Ugwe kwendendeka ukusungutila nu mundu yumo uyu yo nhiyi, ugwe kwisakuyaga nhiyi gwimwene. U mâma gwângu unkangale gwakuKentucky alisibile ukuyoba, “Ugwe kulambalala ni mbwa iyi yili ni mbani, ugwe kwisakusumukaga ni mbani, nugwe.” Ugwe kwëga u—ugwe kwëga u nkikulu uyu aka nnunu, kangi ukumwitikisyà... u ndindwana, nukumbika umwene unkikulu palikio nu—nu ndumiana unnunu umwifyusi, kangi i kindu kyâkwânda umwe mumenye umwene yo mbibi bo kambwa. Kisanusye ikyene itolo imbafu syôsya-sibili. Ugwe kumanyigwa na binâko. Ipâgûla gwimwene! “Sokamo ukufuma nkati mwa bene,” lyâybôle i Bângéli, “yaga umwe bîpâgûle!” Uko ko kutalusya.

¹²² Linga i fipanga-fipágúke fyābo fikugōmokéla ku bubóle bo ulo bo ukubítikýsa abandu bābo... Ena, apa i lisiku limo, mu kipanga ikinywamu ikinunu ikya Baptisti, abene bafimbilisigwaga ukusáta. Abagíle ukulumbilila itolo amaminiti malongo mabili, u nnyambala yula ābagíle, 'nongwa yakuti u ntími afimbilisigwaga ukukwesa. I kilundilo kyōsa kilinkubuka panja. Bōsa ba abēne balinkwima panja pala mu lukindi lwa kukwésa, nukugomokela kangi, ntími na bōsa ba abēne. Une nābukíle ku kipanga kya Congregationalist, pala unnyambala īmíle, unselekesye unnywamu untali afwele, īmíle pala, alinkuti, īgemekisyé ku kigemo bo *ulu*, ikuyoba isya luko lumo lwa liluba umwene alyāgíle pamwanya pa kāmba. Ikyo kyo kufwana kyosa kyālipo ku kyene, nukugomokela kunyuma panja. Kangi i nyōbe syāke syāli yelo ni lyōsi lya ngāmbo. Ena. Kangi ukuyoba isya kuti a bakikulu, ukuti unnyambala yula ayaga pakukina... Ngimba lo lukinonki ulwa kiJeremani ulu abene bikukina na kila, fingi fiyo ugwe—ugwe kubombela na makadi, umwe mumenye? Áli... O, une ninogonaga ukuti une ngukumbukilága ikyene. Pinochle, abene bābükága ukuya nu lukino lwa pinochle. Une ngwinogona ikyo ko katalusya. Ena, ikyene ko kūko ugwe kubombela. Ikye kyo kyābwila ukukina a makadi. U lukino lwa pinochle, mu lwālo lwa nyumba! Mwe, bununu! Uko ko kūko u lwālo lwāke luli. Yo nongwa! Fiki abene bikubomba ikyo? Kangi polelo ukuywega isya kipanga kya Katolika panja apa ku buyo bwa Rotary ubu nukukina u lötári. Fiki, umwe ba Protestantí muli itolo bābíbi bo mūmo abene bayílile, polelo ngimba fiki uswe tubagile ukuyobapo pa kyene? Indeko yikabagila ukuköléla u ketulo "mbabufo." Naloliloli umma. Umwe mukubomba ikyo, polelo mukuyoba, "Ena, une ne mPresbeteri. Une ne mMethodisti." Ugwe ukaya kamo mpaka ugwe upāpigwe kabubili. Uko ko katalusya. Kangi akabalilokāko ugwe kubomba ikyo, umwe mumenye, kilipo kimo nkati mwa ugwe kikukubúla ugwe i findu fila fisobi, kangi ugwe kwisakusōka panja pa ikyene itolo ukuya nsisimikisyi bo ugwe uli nkeke. Ugwe umenye ikyo kyo Bwanaloli. Naloliloli. Ena, nkulumba. I kindu kila kikubuka mula mu ikyo. Nongwa ya fiki?

... U MĀMA GWA BALÓGWÉ ...

¹²³ Limo lya masiku aga, u māma unkangale ikuyobaga, "Ugwe umenye fiki? Mulimosa, lüki, uswe twesa tufwene." Kangi ugwe umenye iki ikyene kili pala? U Kwibungania kwa Fipanga bikubükága ukwibüngánia palikimo mūmo abene bāyílile lilino. Kangi umwe mumenye iki kisakuboneka ku kabugutila kanini bo aka? Ugwe kwisa kuhomba panongwa ya kyēne, balumiana. Uko ko katikati katalusya.

¹²⁴ Loli komma ukupasya, u Kang'osi isakumponjola umwene. Kabuno Umwene yo Ntwa gwa ntwa, kangi Mwalafyále gwa banyafyále, kangi Kyala isakubukaga kukulongosya i Kipanga Kyāke, mbuyo bwa kipanga-kipágúke. Umwene isakōnaga a

Mafuta ga golidi aga Mbepo Mwikemo pa Kipanga kila. Nkundwe, u Moto gwisakugwa ukufuma ku Mwanya, kangi i fika ni fiswigo fisakuboneka pa buyo, mumo ugwe ukakētāmo siku pabutasi. Ena, nkulumba. "Ulutende mma, katimo kanini, ubwene bo bwigane bwa Tāta gwinu isakubapaga umwene i Kitangalala." Ena, nkulumba. "Umwene uyu ikwifufulila mpaka bumalikisyō!" Apo umwe mukubúka. Umilisya itolo pásí pa nsebwe. Umilisya untu gwāko kubwa ku Kalvari. Ili Bāngéli litalwísyé. Komma ukupasya.

¹²⁵ Lilino kētésya. Tulipo tumo mwa tusumo abene bali nato. Simo mwa nyiho isi abene bali nasyo. Uswe tubagile itolo ukukindilila. Ikindu kyākwanda ugwe umenye, ikyene kilinkōnekéla nkati mfipanga fya Protestant. Polelo abakikulu ba kiKatolika bikwanda uku... Fiki, ikyene kikāli kibībi ukufwala utubundi utunini, pene pāpo abene bābūkāga ku kipanga nukufwala aka tambala kanini pamwanya pa mutu gwābo. U luko lumo lwa lwiho, "Komma ukulya i nyama yiliyosa pa Kihano." Kangi, o, kugu ugwe kwagamo siku ukufwala i kitambala pa ntu gwāko ukwīngīla nkipanga? Une ngulonda ugwe unnangisye i Lisimbo. Ubwene bo busololi ubusyobi. Ngimba ko kūgu nkipanga ugwe kufimbilisigwa ukufwala i kitili nkipanga? Akabalilo kāko ugwe kufwala i kitili pa ntu gwāko, ugwe kumfuya Kristi, kutalusya; banyambala, une nguyobelapo. Bakikulu, umwe muli nakyo ikyakwikinga, lolí une nguya namatata na aligwesa ukunnangisya une pāpo ikyene kyo kitili pamo i kitambala. Ikyene kyo nywili syinu! Kangi umwe musēngile syōsa mosa. Lilino bule isya isyo? O, abene bikuyoba, "Ikyo kyo bubombelo ubukúlu." Linga ikyene kyo kili, ihyene lyo i Bāngéli! Kangi i Lisyu lyo Kyala lyo litalusye.

¹²⁶ Nguyoba apa, pakaya patali'mma, isya nkikulu uyu ālyosisyé amalundi ga Yeso, kangi alinkwega i nywili syāke, umwe mumenye, kangi—kangi ukusyula ihyene ni syene. Une ndinkuti, "Injila yene u nkikulu abagile ukubomba isyo, ko kwima untu gwāke pásí ukusyaga inywili isyakufwana pásí pala ukusuka amalundi Gāke, nukusyula nasyo." Uko ko kutalusya. O, ikyene kyo, ikyene kyo kikosyasoni ukukéta i njila i... Apa, akabalilo kamatalala, ukwenda ukusyungutila ni fijasi ifipapate ifinini bo lula, kangi imibili gyābo igwabwasi gikubonesya.

¹²⁷ Lilino bikuyoba, "Nongwa ya fiki ukubasáka abakikulu?" Umwe mukulondigwa ukusākigwapo.

¹²⁸ Kang umwe banyambala aba mukubītikisyá abakikulu binu ukubomba ikyo, nkundwe, une—une ngamanya ikyākwinogona isya ugwe. Lilino, uko ko kutalusya.

¹²⁹ Kangi umwe batimi, une ndikusakikisyá ukuti umwen muli apa. Loli linga ugwe kumbona u miana, umwe mumbúle umwene ukwisa, mbūla, āgáne na une. Muketile? Linga umwene ali nu luyindiko ulwingipo pa Kristi ukukinda ukukyitikisyá ikilundilo kyāke ukulekigwa itolo na kila kisita... Lilino

umwene... Abene babāgíle ukubomba ikyene pala kunyuma ku mwene, loli linga umwene atikubābúla abene isya ikyene, umwene akaya ntumigwa umfwane gwa Yeso Kristi. Ikyo kyo katikati kutalusya. Umwene akafikapo ukuya gwambombo gwa Kristi. U gwambombo gwa Kristi abagisenie ukuya nsitalutende linga panongwa yakuti ikyo kikufuma mu i Bāngéli. Naloliloli. Loli pala abene bali, abene bikusōka panja kangi abene bikubomba ikyene pôpe.

¹³⁰ Kangi polelo, i kindu kyâkwanda umwe mumenye, aba Protestant balinkufimbilisígwa ukukipimba ikyene. Umwe baMethodisti banunu, kangi umwe baBaptisti, kangi umwe baPresbeteri, pamo Nazarene, Pilgrim Holiness, kangi mwesa ba umwe, i kindu kilakila, ukusōka palapala panja, bahano-nayumo gwa yumoywene, kangi sinda gwa dazeni ugwa kīngi. Apo umwe muli, “Māma gwa balógwe.” I kipanga-kipágúke kyinu, “Pene pâpo abene bâlyândile ku likulumba, ko kukindana kuki ikyene kikupela?” Muketile? Kikupela ukukindana kunywamu fiyo. Ikyene kikâlyandilémo siku, i Likulumba *lila*. Kibagile ukwanda ku likulumba lyinu pási apa, loli komma Limo lila kumwanya Kula. Kikwégála kûko ugwe ufumileko. Ikyo kyo kyabwananaloli.

¹³¹ Lilino, une ndikwinogona uswe tuli na kabalilo ukwega ikingi iki, lumo une kinunupo nkileke kiyenge kya kulubunju. Umma ndaga, unko uswe itolo twêge iki ikinini ikipimba kimo. Uswe tulinakyó, apa, “u losyo mmisi.” Uswe nuswe tuli nako “ukumanyila-ngâníla,” kangi, o, i findu fingi. Polelo unko uswe itolo twêge iki, ikinini iki, kamo akâpímba ka “bakikulu balumbili,” nukwëga kimo iki.

¹³² Lilino, nkikulu ndumbilili, une ndikulónda ukufulásya ubwipilíke bwâko, loli une ngulónda ukukubüla ugwe i kindukimo. Ugwe ukuya nako nakapátu na kamokene aka Lisimbo, nakamo mwi Bāngeli. Ena, une mmenye kûko ugwe kubukáko, kangi une ngâtéle ni finu fyosa, ena, “Knagi abînu abânabalumiana na bânabalindwana bisakusôlolága.” Lilino, linga u ntimi gwinu akamánya iki i ngamu “kusolola” yikusanusya, umwene—umwene akamánya nakimo. Umwene akaya ni mbombo fiyo kunyuma kwa kigemo, ukukubula ugwe ukuya ndumbilili. Muketile? Nongwa yakuti ikyene, naloliloli, ikyene kikemelígwe ukufuma ku Bwandilo ukubuka ku Busetuli. Lilino unko une ngunângisyé ugwe iki, muketile.

¹³³ Lilino une ngulonda umwe ukusanuka na nine ku Timoti Gwakwanda 2:11. Sanuka itolo ukukilania kuno kangi uswe tukusyaganiaga lilino, kangi uswe tukukyagaga kila apa, kangi, u Imbombo 2 gwînû. Ena. Kangi itolo—itolo pilikisyá apa iki i Lisimbo likufimbilisígwa ukuyoba isya kimanyisyó iki.

¹³⁴ Lilino, yumo âlyumilísyé ukuyoba, “Ena, Nkundwa Branham, ugwe gwe itolo ugwayi yolo u mbenga bakikulu.” Une ngaya mma u mbenga bakikulu. Une ne... Une itolo

ngakigana ukukéta abakikulu bikugela ukwēga u buyo ubu abene bakayamo.

Umwe mukukumbukila ku Howard Shipyard apa, bumo mwa buyo bwa sitima ubu bulipo pa Kisōko Ohio? Abene balinkubika u nkikulu ukulagila ikyene. Keta iki kibôníke.

Abene bāmpéle u nkikulu u bwābúke ukusala. Kēta iki kibôníke.

¹³⁵ Unko une mbabúle umwe itolo lilino. Kisita itolo ukubapuyula abakikulu. Une ngulonda abanyāmbála ukupilikisyá umwe muli mula pa iki. Loli unko une mbabule umwe, nkundwe. I kisu iki kyo kikolo kya nkikulu. Une ngusisimikisyaga ikyo ukwīsila kwa umwe, ukwīsila mu Lisimbo, ukwīsila na kalikosa aka ugwe kulonda ukusisimikisyilamo. Iki ikyo... Ngimba kyo fiki iki kikyboneka pa hela yitu? U nkikulu. Ngimba ko kugu kūko umwene ikwāgígwa? Mu Busetuli, apa, umwe mukunkētágá umwene. Umwene yo mbalilo kalongo-na-fitatu, kangi, filifyosa ifi umwene ālyāndile; i ndondwa kalongo-na-fitatu, i sulula kalongo-na-itatu, ifisu-fikabígwa kalongo-na-fitatu. Kalongo-na-fitatu, kilikyosa kyāli kalongo-na-fitatu, ukwanda nu kwanda itolo. Umwene ikuboneka muntu gwa 13 ugwa Busetuli. U nkikulu, kalongo-na-fitatu!

¹³⁶ Kangi mu 1933, akabalilo kako u Ntwa... Akabalilo kākō uswe twāli ni ngomano ukukilania apa kūko i kipanga kya Kristi kila kīmíle lilino, akaiyolo akāya ka Masonic, i mboniboni ya Ntwa yālísile kwa une apa kangi yasakikisyé ukuti, "Germany ikutupukaga mmwanya nukubíka lula u Lukindi Maginot kula." Mwebingi ba umwe mukukumbukila ikyene. Kangi mūmo abene bikuyaga mosa basyungutilígwé nkati mula, kangi aba kiMerika bikuyaga nubutikigwe ubukulumba palapala pala pa lukindi lula. Kangi yópe yāyobíle iki kisakubonekágá, kangi isya Roosevelt ni findu fila, mūmo umwene ikubombelaga ulusasanio nukuponjola u bulagili bwa kina. Nubupelelesye, itolo katikati injila yīyo ikyene kyisile ukuyako. Kango kópe yāyobile ukuti amagali gikūmilisyága ukukindilila ukuya bo lifumbi, mpaka masiku ga bumalikosyo isyene sisakuyaga itolo mbubumbe bwa lifumbi. Kangi une ndinkuti, "Ikyene kisakubonekágá ukuti amagali gala gatisakwendelaga ikyakupopotoléla. Ikyene kikuyaga ikindukimo ikingi kikwēnsya isyene." Agene go magali gala abene bikutwala panja lululu lilino, ukulagilíla pabutali, kuli buponesyo. Kutalusya. Ugwe utisa kuya ubagíle ukwingila nkati nkāya... Polelo, ukusyungutila mamailosi malongo-mabili, ugwe ubagile ukubuka amamailosi malongo mabili. Ugwe ukabagíla ukutika i ligali ilingi, 'nongwa yakuti ikyene kyo kulagilíla pabutali. Muketile, ikyene kisakuyaga bo lula, kangi lululu lilino. Kangi une ndinkuti, "Kumbukilaga, mu lisiku lila, bo ubumalikisyó bukāli ukwisa, bo akabalilo ka bumalikisyó bukāli ukwisa, u nkikulu yula... Lilino,

umwe mwesa kikyungaga iki kisimbígwe pási. Kwisakuyako u nkulumba, unkikulu gwamaka ikutupuka, lumo ukuya Presidenti, pamo undagili-ungási, pamo yumo unkulumba unkikulu gwamwaka mu United States. Kangi umwene isakwibilaga, pási pa luhaho lwa bakikulu. Lilino, umwe kumbukilaga, ikyo kyo ISI SYO IKUTI U NTWA.” Muketile?

¹³⁷ Kangi umwene yo nsobi. Kangi ngimba ikyene kipéle i njila ku fiki? Unko une mbábúle umwe. Yaga bamwambepo. Unko... Iguka mosa. Kéta. Nongwa ya fiki ikyene kikubomba ikyo? Ukkukipa i kipanga kya Katolika ukwingililamo. Muketile? Umwe mukubípúta i ndondwa sya senema isi kangí fyósa ifi ifingi ifindu ifikíndáne panja apa. Mukumbukila u bulumbilili ubu une nälumbilile? Margie, ugwe kukumbukila ulwene, ifyinja iyolo, pa—ubwite pa United States, ukusambukila i sikali ya kiMerika. Kangi mūmo fikuti une nâyobíle umwene ápimbíle mu Paris ukufuma pâpo uswe twabapokile abene kwisilya kula ukufuma ku bakikulu, ubwâlwa kangi akabalilo akakulumba. Kangi umwene ámulíke mulamula mu Hollywood. Lilino, mbuyo bwa uswe ukutuma ku Paris ukwâkwegá ifyakwégeléla, abene bikutuma kuno ukwâkwegá abakwégeléla. Ngimba ikyene kyâbombe fiki? Ikyene kyâlyégile... Uswe tukâbâgile ukubítikísya a bânu binu ukubuka ku kubonekesyo ma filimu, loli umwene ísile mulumula mu televizioni, endile palapala panja nukubwâpúla i kindu kyôsa, ukumbopesya umwene panja. Kangi apa uswe tuli umwisyugu, bôsa abalindwana abanini na balumiana, bôsa bikugana u luko lumo ulwa bakina pa televizioni aba. Ngimba ikyene kyo fiki? Ikyene ko kupela i njila. Nduumiana, unkikulu umfumuke-nububibi yumoywene abagile ukutuma abandu bingipo ku gehena ukukinda fyosa ifilabu fya kachasyu ugwe ubagile ukubika nkaya. Uko ko kutalusya. Kêtésya umwene ikubuka mu lukindi ni myenda gyâke gyôsa afûlile pási, ndikupasya u nnyamba yo ywani, linga umwene yo nnyambala nkafu nnunu, akabalilo kâko umwene ikukéta ku nkikulu umwene ikufimbilisigwa ukuya nakyo i kindukimo ukukilania pa mwene. Lilino yaga itolo gwabwanalolindumbula. Une ndikupasya mma...

¹³⁸ Une ndinagwe u Mbepo Mwikemo ku fyinja. Ugwe ukabagíla ukukéta ku nkikulu kangi umwene afwéle mwâsinda... Une—une ngupimba akapingika kanini mwigali lyangu, bingi ba umwe mukabwene akene. U mundu yumo âybóbile kwa une, “Ngimba ugwe gwe nKatolika?” Ngimba po pokí pápo aba Katolika balyégilemo siku u lusalo pa kipingika? I kipingika kikusanusya “Nkristi.”

¹³⁹ Bala abanini abaiyolo ba Mwikemo Cecilia ni findu kyo kimanyilo kya Katolika. Uswe tutikwitika mu findu bo fila. Uswe tukwitika mwa Kristi. Abene bali nu luko losa ulwa bandu abafwe abene bikubíputa. Ikyene kyo bubumbe ubwapamwanya

ubwa bwiputamisyuka. Ikyene kyo kyosa ikyene kili, ukwipúta abafwe. Kikayako i kindu bo ikyo, umma.

¹⁴⁰ Une nälindalusísyu mpüti. Une ndinkuti, “Nongwa yafiki, polelo, linga . . . Peteri äli yo päpa gwâkwânda?”

Umwene alinkuti, “Uko ko kutalusya.”

¹⁴¹ Une ndinkuti, “Polelo nongwa ya fiki Peteri ikuyoba, ‘Akayapo u mwimilili pakati pa Kyála nu mundu loli yu Nnyambala Kristi Yeso?’ Kangi umwe mubapela abakikulu bafwe maelifu mahano, ni filifyösa ifingi, umwe mubapelíle abene bimilili. Lilo fiki fibonike?” Pala ugwe uli. Abene bakaya nalyo ilyakwamula ku kila. Uko ko kutalusya.

¹⁴² Lilino fimo mwa kimanyisyo fyäbo, ikimanyisyo fyäbo ifyäbutungúlu, loli i kipambo kya basololi abäbutungúlu aba kiProtestanti bísile mula nukumanyisyo ikyo, kangi umwe bandu ba kiProtestanti mukumila ikyene. Uko ko katikati kutalusya. Fipanga-fipágúke ni fifwani fya nyosyo, kangi imbatiko ingindane ni findu ifi umwe mukukindamo, ifi fyo naloliloli fikaya Fyalisimbo mma. Ilyene likulwana ni kyene, mu Lisimbo, loli umwe mukukibombela pási ku kyene. Ubwene bo bwanaloli.

¹⁴³ Lilino pilikisyu ku iki isya bakikulu balumbilili. Umma ndaga. Timoti Gwakwanda, une ngulonda u Timoti Gwakwanda 2:11. Lilino pilikisyu iki Ilyene likuyoba apa.

Unko abakikulu binu bamanyilege nkemyemye nu kupilikila kôsa.

Loli une ndikwitikisyu u nkikulu ukumanyisya, pamo ukupoka ubulagili pa nnyambala, loli ukuya nkemyemye.

¹⁴⁴ Une ngaya ninongwa pakubika ikyene nkati mula. Une ndininongwa panongwa ya kubâbûla umwe ikyene kili nkati mula. Muketile? Muketile?

Unko abakikulu binu ukumanyila nkemyemye kangi ukuya mu kupilikila kôsa. (Linga ugwe siku gwabükilémo mu kipanga kya Orthodox nukubakêtésya abene, muketile. Muketile?)

Loli une ndikwitikisyu u nkikulu ukumanyisya, pamo ukupoka ubulagili (ukuya ntími, diakoni, pamo kilikyosa bo ikyo) *pamwanya pa nnyambala*, muketile, *ukupoka ubulagili pamwanya pa nnyambala, loli ukuya mu kimyemye.*

Kabuno Adamu äbumbigwe akâkwânda, kangi polelo Eva.

¹⁴⁵ Ngimba umwe mumenye? Lilino pilikisyu, bakikulu. Umwe mwe banunu, bagolofu bakikulu Bakristi yomwe kindu ikununu ukukinda-fyosa iki Kyala äbagile ukumpa u nnyambala, pamo Umwene ängáli ämpéle umwene i kindukimo ikikindáne.

Ena, nkulumba. Muketile? U nkikulu akālimo nukuyamo mu fiipeliga fyākubwandilo. U nkikulu akapelígwe kitendeke kya Kyala mma. Umwene yo kitendeke-kinandi kya nnyambala. Kyala ātendike u unnyambala, bosa unnyambala nu nkikulu. Kangi Umwene alinkubapāgulania abene. Kangi ukufuma pápo u nnyambala ālitugésye pa kisu nukuffípa i ngamu ifinyamana, kangi ālitugésye apa pa kabalilo katali, Umwene alinkwéga u lubafu ukufuma mu lubafu lwa Adam, ukuya kitendeke-kinandi, nukutendeka u nkikulu ku kyene. “Adam ābumbígwe tasi, kangi polelo Eva.” Lilino kētesya.

Kangi Adam akāsyobígwe mma, loli u nkikulu ukuya nsyōbígwe āli mbutulwanongwa.

¹⁴⁶ Kyala alinkwega u nnyambala. U mōhési alinkwéga u nkikulu. Kéta ku kyene, itolo ukutalula nkisyo, kyo fiki kikubomba ikyene lilino. Kéta ku ikyanaloliloli Kipanga kya Kyala, kikuyobaga, “Yeso!” U ndwananakristi isakuyoba, “Maria!” Kētésya imbepo sila. Muketile? Pala isyene sili. “Uluponio Maria, māma gwa Kyala, usayígwe yo ugwe pakati pa bakikulu, kangi twipulaga uswe twe bōnángi lilino, na kabalilo ka bufwe bwitu. Ameni. Maria, iputa!” O, mwe, bununu! Muketile, apo umwe mukubuka, “nkikulu,” ikimanyisyo kya mōhési. Kristi, i kyombo kya Iwiputo, kangi yu Mwene! Apo umwe muli. Apo umwe muli.

¹⁴⁷ “Adam yo ābumbígwe akākwanda, kangi polelo Eva.” Adam akāsyobígwe mma. Kangi bulebule umwe mubagíle ukuya nu ntími nkikulu, diakoni? Adam akāsyobígwe mma, loli u nkikulu āsyōbígwe. Umwene unkikulu āli naloliloli... Umwene akālinogwine umwene āli nsobi, loli umwene āli. “U nkikulu ukuya nsyōbígwe āli mbutulwanongwa.” Panongwa yakuti, umwene, akabalilo kōsa yila i—i fwa yikubuka pási pa lukindi, u nkikulu ātendíke iyene. Akabalilo kosa a kāna kākutága, u nkikulu ātendíke ikyene. Akabalilo kosa u mundu yumo āfwile, u nkikulu ātendíke ikyene. Imbuha yiliyosa, u nkikulu ātendíke iyene. Kilikyosa, kangi u bufwe, u nkikulu ātendíke ubwene. Kilikyosa iki kisobi, u nkikulu ātendíke ikyene. Kangi polelo ukumbika umwene ntú gwa kipanga, ntími, o, bishopu utubalilo tumo. Isoni pa mwene.

¹⁴⁸ Lilino unko une nsanusye umwe mu iki, ikingi, itolo mu miniti yimo. Muketile? Lilino unko uswe tusanukile kwa Bakorinti Bakwanda 14:32 kula, nukukéta iki Pauli ikuyoba kubwa kuno, kangi polelo uswe tukubukaga kulakula ukukilania ku tumo utwakongelelapo, itolo mu miniti. Kangi polelo uswe tutikulonda ukubakyunga umwe pabutali fiyo mma, ukuti umwe muyege bakatale fiyo ndubunju mpaka umwe ukutoligwa ukugomokela. Umma ndaga. Une ngulonda ukubala. Balinga aba bikwitika ukuti Pauli āli mmanyisi umpakigwe? Lilino, kumbukilaga, Pauli āsimbile iki kwa Timoti kópe. Muketile? Ikyo, lilino, Bakorinti Bakwanda 14:32. Lilino unko

uswe twandeko mulamula nkati muno, kangi ukwanda ukubala apa, 14:34, une ngusubíla.

Unko abakikulu binu bokyungege kimyemye mfipanga: . . .

¹⁴⁹ Ngimba umwe mupilike iki umwene ayobile?

Unko abakikulu binu bokyungege kimyemye mfipanga: kabuno ikyene kitikwitikisigwa ku bëne ukuyoba; loli abene balagililígwe ukuya pásí pa lupilikilo, . . .

¹⁵⁰ Ngimba mukuyaga nu kubala kwa palubafu pa ikyo? Linga ugwe guli, kindililaga ni kyene kunyuma kangi kéta linga ikyene kitikwéga Bwandilo 3:16. Akabalilo kāko Kyala alimbulile Eva, panongwa yakuti umwene ápilikile ku liyoka mbuyo bwa ndume gwâke, ukuti umwene unnyambala isakulagilaga pamwanya pa mwene unkikulu amasiku gôsa ga bumi bwâke. Ngimba u nkikulu abagile ukwisa bulebule nukulagila pamwanya pa nnyambala, ukuya ntími pamo diakoni, akabalilo kāko i Bângéli lyâybôle unko umwene unkikulu ayege “lupilikilo,” itolo mûmo ukwene kwâyilile ku bwandilo? Akabalilo kāko Umwene. . . Kyala—Kyala akabagila ukusanuka. Ugwe ukabagíle ukupela i Lisyu liyobe i kindu kimo *apa* kangi ikindu kingi kubwa *kuno*. Ilyene litikubomba ikyene. Ikyene kyo kindu kilakila akabalilo kosa.

¹⁵¹ Polelo, mu bwandilo, kula ko kúko, bo iki kikâli kikamatika, linga une ngulwâga u lusako, une ngulonda ukugolosya mosa inongwa yila ya *Bwegi Nu Kusôka* panongwa ya umwe. Une ngabombamo siku nkipanga iki mpaka nalino. Loli kêtésya ulwitikano lubili ulu. Yumo ikuyoba umwene unkikulu abagile ukwegigwa; uyungi âyobile abene bakabagila ukwega; kangi yumo uyu ikuyoba *iki, kila*, pamo i *kingi*. Itolo gûlila i miniti nukukéta iki i Bângéli likuyoba, akabalilo kâko uswe tukufika ku kila. Muketile? Umma ndaga. Lilino kêtésya apa.

Unko abakikulu binu bakyungege kimyemye mfipanga: . . . ikyene kitikwitikisigwa ku bene ukuyoba; loli abene balagililígwe ukuya pásí pa lupilikilo, na mûmo lukuyobéla ululagilo.

¹⁵² Polelo, mu Lwitano Ulukúlu, abene bakâlitikisígwe ukuyoba, 'nongwa yakuti Pauli âyobile apa abene bakâli. Ngimba ikyo kyo kutalusya? “Unko abakikulu binu bakyungege kimyemye. Ulwene lo lupilikilo.” Lilino ligá umwe mwisakusanulilaga ukubala kwalubafu apa, ikyene kikubegelaga umwene kunyuma ku Bwandilo 3:16. Muketile? Umma ndaga. “Pásí, ukuya pásí pa lulagilo.”

Kangi linga abene . . . bikumanyila akandu kalikosa, unko abâbo . . . balalusye—balalusye abalume bâbo . . . nkaya: kabuno ikyene kyo kyasoni ukuti u nkikulu ukuyoba nkipanga.

Fiki? . . .

¹⁵³ Lilino kéta ku bungw'ale bwa lilalusyo mu lililyosa lya ma Bāngéli ginu, pa kila, "Fiki?" Ngimba kyalimpélile u Pauli ukuyoba ikyo kangí ukukibombela ikyene bo ulo? Lilino, linga ugwe kwisakugagámo siku amakalata aga a Bakorinti bāsimbíle kwa Pauli. Lilino, ugwe ubagile ukugaga agene mu bununu bulibosa u bukyungila-mabuku, muketile, aga a Bakorinti bāsimbíle kwa Pauli. Abene bāsimbíle nukumbula umwene, ukufuma abakikulu aba bābo bāpindwíke... Abene bāli nu-nu kyala-gwakikikulu kula kula, ākoleligwága "Diana." Kangí umwene āli gwa mu Efesi, yópe. Kangí a Bakorinti bīputágá kilakila, 'nongwa yakuti ukwene kwa kwipúta kwabápánja. Kangí abene bālyagile ilyalabwe mu ngunda ilisiku limo, lyene lyāboníke mbubumbe bwa nkikulu. Abene balinkuti, "Kyala yo nkikulu, kangí umwene āgwisisye ikifwani kyäke kwa uswe." Kangí i tempeli yábo yáli kubutali ukukinda i tempeli ya Solomoni, abene bāyobíle, abafundasyambukulu. O, iyene yáli sangalabwe, sipakígwé nkati ba golidi; kükó, i tempeli ya Solomu yätendekígwé nkati na golidi. Muketile? Kangí yáli kubutali ukukinda iyene. Kangí kila, polelo, linga Kyala ali u-u nkikulu, fiki, naloli, umwe abagile ukuya na bapüti abakikulu. Naloli, linga Kyala yo nkikulu, polelo u nkikulu ndumbilili ntalusye. Loli, Kyala yo Nnyambala. Ili Bāngéli lyāyobíle Umwene āli Nnyambala, kangí Umwene yo Nnyambala. Muketile? Kangí linga Kyala āli Nnyambala, polelo ikyene kibagile ukuya nnyambala.

Lilino këtésya apa, "Fiki?"

¹⁵⁴ Lilino, bamó mwa bala abaputi bakikulu, akabalilo kāko abene bāpindwíke ukufuma ku bwapánja ukwisa Nkikristi, abene binogonaga abene babágile ukumilisyá imbombo yábo ukuya balumbilili, itolo ukwisa mulamula ukukilania. Linga abene bālumbililaga kula pala isya Diana, abene bikukilania kuno nukulumbillila isya Kristi.

¹⁵⁵ Umwene alinkuti, "Fiki? Lyalísile i Lisyu lya Kyala panja ukufuma kwa umwe? pamó lyálisile ilyene kwa umwe mwibene?"

Linga u nnyambala aligwesa ikwinogona mwene ukuya nsololi, pamó gwamwambepo (atikufimbilisigwa nukuya nsololi; itolo u nnyambala umwinogona-mwambepo), unko umwene itikisyé ukuti i findu ifi une ngusimba kwa umwe syo ngomélésyo sya Ntwa. (Umwe mukwitika ikyo?)

Loli linga umwene, linga aligwesa yo nsitakumanya, itolo ndeke umwene ayege nsitakumanya.

¹⁵⁶ Lilino, ikyo kyo itolo kikafu bo mümo une mmanyile ukukibika ikyene. Muketile? Umwene alinkuti, "Linga u

nnyambala yo nnyambala gwamwambepo, pamo nsololi, umwene isakwitikisya ukuti iki une ngusimba apa syo Ngomélésyo sya Ntwa.” Loli alinkuti, “Linga umwene—linga umwene ikuyaga nsitakumanya, itolo ndeke umwene ayege nsitakumanya.” Muketile? Ikyene kyo kindu kyene iki ugwe ubagile ukubomba. Linga abene bikulonda ukubuka nkyeni ku kyene, ugwe itolo ubagisenie ukubaleka abene babükége, ‘nongwa yakuti umwene ākibwéne ikyene kikwánda kula.

¹⁵⁷ Kangi u nkikulu yumo ālimbulile une, alinkuti, “O, Pauli āli itolo kibenga-bakikulu gwaiyolo.”

¹⁵⁸ Umwene akali kibenga-bakikulu mma. Umwe mumenye, Pauli āli ntumigwa, kangi ku Kipanga kya Bāpánja. Kéta apa. Ngimba umwe mumenye u Pauli... Balinga aba bikwitika ikyo kyo iki Pauli ālumbilile? Ngimba kyo ikyo iki umwene—umwene āyobile apa? Kangi Pauli āyobile...

¹⁵⁹ Ugwe kuyoba, “Ena, gūlila i miniti lilino, Nkundwe Branham. Itolo i miniti! Lilino, u bishopu gwitu ikuyoba ikyo kyo kili kanunu. U ndagili gwa-fyosa, aba Assemblies, bikuti ikyene kyo kyosa kinunu. U bishopu gwa Oneness ikuti ikyene kyo kyosa kinunu.”

¹⁶⁰ Une ndikupasya iki abene bikuyoba. Ikyene kyo kyabutungulu! Kangi une mbabūlile umwe uswe tukukimatikaga iki nubbukafu. Kangi abasololi ababutungulu bikuyobaga lulo. Kabuno i Bāngéli lyāyobíle, “Linga u nnyambala aligwesa ikwinogona mwene ukuya gwamwambepo, pamo nsololi, unko umwene itikisyé ukuti iki une nguyoba syo Ngomélésyo sya Ntwa.” Kangi linga u mbepo gwākē atikubikila u buketi ni Lisyu lila, umwene yo nsololi ugwaputungulu, ukwanda itolo. Une kinunupo nje kibenga-bakikulu nukukinda ligana-bakikulu, ukubuka ku findu ifyo bo ifyo, ukufilekeléla i findu ifyo bo ifyo mu Kipanga kya Kyala, ukukanikana ni nyiho sya Kyala. Kangi Pauli āyobile... Ega a Bagalatia 1:8. Pauli āyobile, “Linga u Gwandumi yumo ukufuma ku Mwanya abagile ukulumbilila i nongwainunu iyingi yiliyosa ukukinda yila iyi une ndumbilile kwa umwe, ndeke umwene agunigwége.” Lilino ngimba kyo fiki ifi umwene mukubombaga ukufwana na Ikyo?

¹⁶¹ Lilino ugwe kuyoba, “Bule isya pala Ilyene lyāyobile, ‘Abīnu bānabalumiana na bānabalindwana bisakusolola,’ mwa Yoweli, kangi—kangi pala Peteri ālyandisyé pa Lisiku lyā Pentekosti?” Uko ko katikati kutalusya.

¹⁶² Ngimba mumenye, mu Lwitikano Ulukulu, ukuti injila yene, kangi injila yene lilino, ukuti aligwesa abagile ukwisa mu lwitikano, ukwisila, ni... Abraham āli yo yuyo āpepigwe u lufingo, kangi i—i kimyatiko kya lufingo kyāli kwisila mu bubütigwa. Balinga bakimenye ikyo? Yula āli Kyala ikusisisimikisya.

¹⁶³ Bo u nkundwe gwa kiBaptisti, umwene alinkuti, “Nkundwe Branham, fiki, uswe baBaptisti twāmbilile u Mbepo Mwikemo.”

Une ndinkuti, “Ngimba umwe mwālyāmbilile ndili Ikyene?”

Alinkuti, “Isala uswe tukwitikaga.”

¹⁶⁴ Une ndinkuti, “Pauli ātili, ‘Ngimba umwe mwambilile u Mbepo Mwikemo ukufuma mūmo umwe mwālitíke?’” Muketile? Une ndinkuti, “Lilino, umwe baBaptisti isaga mukabe fimo ifya Kila, kangi uswe twisakuyobaga ubuponesigwe bwa Syepwa na umwe.” Une ndinkuti, “Loli, ena, ngimba ugwe kukyāga kūgu Ikyene bo ikyo?” Muketile?

¹⁶⁵ Umwene ātile, “Ngimba umwe mwambilile Ikyene *ukufuma pāpo umwe mwītíkege?*” Abene bāli bitiki, nukuya nu kulaleta nu buhobofu na filifyosa ifingi. Abene bākāli bakālyāmbilile u Mbepo Mwikemo mma. Pauli āyobile abene bakālyambilile umwene. Muketile? “Ngimba umwe mwāmbilile u Mbepo Mwikemo ukufuma pāpo umwe mwālitíke?”

Abene balinkuti, “Uswe tukamanya mma kali aliko yumo u Mbepo Mwikemo.”

Alinkuti, “Polelo ngimba umwe mwālyōsígwe bulebule?”

¹⁶⁶ Abene balinkuti, “Uswe tosígwe.” Loli, nubusyobi, muketile. Polelo umwene alinkufimbilisigwa ukōsigwa ukwandisya, kangi. Umma ndaga.

¹⁶⁷ Lilino kētésya iki lilino, ukuti abakikulu abalumbilili aba, akabalilo kāko abene bikwisa mula, abene binogonaga ukuti bikwegaga u lusako lwābo. Loli ikyene naloliloli kitikwitkisigwa na Kyala ukubomba lulo. Kangi unko... itolo pa kabalilo uswe tuli palapala pa kimanyisyo iki apa, abakikulu uyu, muketile. Kangi ikyene, lilino, umwene āyobile, “Linga alipo unnyambala aligwesa pakati paminyinu, uyu gwamwambepo, pamo nsololi, unko umwene itikísye ukuti iki une ngusimba kyo Ngomélésyo sya Ntwa. Loli linga umwene yo nsitakumanya, itolo ndeka umwene ayege nsitakumanya.” Kangi iyo yo nongwa i...kipanga iki kitikwima nukupaka abakikulu abalumbilili, abadiakoni abakikulu, pamo kalikosa ukuti u nnikulu ukubomba ukuya mbombo ya kipanga, yo panongwa yakuti i Lisimbo lilambalele apa kangi ilyene lili pabwelu.

¹⁶⁸ Lilino, i Bāngéli naloli lyāyobile, “A bānabalumiana na bānabalindwana binu bisakusololaga.” Lilino, ngimba fiki ifi i lisyu *kusolola* likusanusya? Kētésya ilyene mosa. Ikyene kyo “ukuyoba ikindukimo, pasi pa bupakigwe,” pamo “ukuyobelangānila ikindukimo.” Ilyene lyo lisyu lyāpabili.

¹⁶⁹ Itolo bo *kukemesigwa* likusanusya ukuya “nsukigwe, kangi ukubikigwa pa lubafu ku kabombo.” Muketile? Pamo, ilyene lyo lisyu lyāpabili, ukusanusya ukukinda ikindu kimokyene, bo mumo uswe tuli nago mingi aga lyene n’Kisungu apa.

¹⁷⁰ Bo mūmo, uswe twābagile ukuyoba i lisyu “bolodi.” Ena, ngimba fiki iki *bolodi* libagile ukusanusya? Ugwe kuyoba, “Ena, umwene ikusanusya umwene āhombile abandu ba mu *bolodi* lyāke.” “Umma, umwe akabombilemo siku. Umwene āsanusyaga umwene *āpigise* u bwina.” “Umma, umwene akābomblēmo. Umwene āsanusyága umwene *alinkatesye* umwene.” Pamo, umwe muketile, itolo i lisyu, umwe mukufimbilisigwa ukumanya iki umwe mukuyobelapo. Muketile?

¹⁷¹ Kangi iyo yo njila ikyene kili ni lisyu ilyāpabili ili, kūko, “A bānabalumiana na bānabalindwana bisakusololaga.” Lilino, injila yene iyi Kyala . . .

¹⁷² Um’Baptisti uyu alinkuti, “Ena, uswe twāmbilile u Mbepo Mwikemo.” Une ndinkuti . . . “Polelo akabalilo kāko uswe twalitiké ikyene.” Une ndinkuti . . . Lilino, muketile, umwene alinkuti, “Kyala ampéle Abraham i . . .” Alinkuti, “Abraham ālimmwitiké Kyala.” Iyo yo njila umwene ābikile ikyene. Umwene alinkuti, “Abraham ālitiké Kyala kang ikyene kyaliyimikíwe ku mwene ukuya bugolofu.” Balinga bamenye ikyo kyo bwanaloli? Lilino kētésya mūmo—mūmo kiyilile kipepe Sētāno ukukwingisyamo ikyo pa nkundwe. Muketile, itolo kipepe. Lilino, ikyo kyo Lisimbo.

¹⁷³ Nkundwe, une ngukubula ugwe, mu iki pamwanya apa, ugwe ubagisenie ukuya mpakigwe bo ugwe kwingila iki. Ugwe kufimbilisigwa ukwingila mbuyo bwa kusofu nukwipúta. Abandu bikuyoba, “Nongwa ya fiki ugwe utikusōka panja ukubabona abandu?” Nkundwe, linga ugwe kuyobaga ku bandu pamo, ukubamanyisa abene, ugwe kinunupo usyale pagwimwene, nu Kyala, ku kabalilo, bo ukāli ukwingila i kigemo kila. Naloliloli, muketile, ‘nongwa yakuti Sētāno yo nkому, nkamu fiyo.

¹⁷⁴ Umwene āyobile lilino, kētésya, umwene āyobile, “Abraham ālitiké Kyala, kang ikyene kyaliyimikíwe ku mwene ukuya bugolofu.” Uko ko kutalusya. Umwene āyobile, “Lilino, ngimba kyo fiki ikingipo Abrahama abagile ukubomba loli kukwitika?”

Une ndinkuti, “Ikyo kyo kyosa iki umwene ābagile ukubomba.”

¹⁷⁵ Umwene alinkuti, “Ngimba fyo fingipo bulebule ugwe ubagile ukubomba pamo aligwesa uyungi abagile ukubomba loli kukwitika?”

¹⁷⁶ Une ndinkuti, “Ikyo kyo kyōsa iki uswe tubagile ukubomba. Loli kéta, nkundwe, polelo Kyala alinkusayana, pamo alwitikisye u lwitikó lwa Abraham. Umwene ampéle umwene ikimyati kilo, ikimanyilo kya kubutigwa, ukuya kimyati kilo kya lwitikano. Muketile? Umwene ampele umwene. Umwene alinkuti, ‘Lilino, Abraham, Une nisakulwitikaga u lwitikó lwāko, polelo Une nguyaga pakukupa ugwe ikimanyilo lilino ukuti Une ngwambilile ugwe.’”

¹⁷⁷ Polelo Umwene alinkumbūta Abraham, kangi kila kyāli kimyatikilo kya Lwītikáno. Kangi lilino mu lisiku ili...Lilino, u nkikulu akabāgile ukuya mu Lwītikáno lula; mwene u nkikulu umwegi. Londesya, bakābagile ukubūta u nkikulu; polelo, abene bafimbilisigwaga ukwisa mula, polelo umwene nu ndume gwāke bali yumoywene. Abene balekile ukuya babili; abene bali yumo. Balinga bamenye ikyo? Lisimbo likuyoba lula. Polelo, umwene ukuya mwegi, polelo umwene—umwene bayaga yumo. Kangi kindililaga pási apa kangi kéta ukukilania apa mwa Timoti, āyobíle i kindu kilakila, alinkuti, “Lilino palema iki umwene isakupokigwaga mu mbāpo, linga umwene ikukindilila mu lwitiko nu bugolofu nu mabyebye gôsa.”

¹⁷⁸ Lilino, loli, polelo, ukubūtigwa kwa Lwītikáno Ulukūlu lwāli mu mbili, loli mu Lwītikáno Ulupya ulu, Yoweli āyobíle, “Une nisakōnelelágá u Mbepo Gwāngu pa mbili guligosa, kangi a bānabalumiana na bānabalindwana binu bisakusololágá.” Lilino, i lisyu *kusolola* litikusanusya ukumanyisyá. U *kusolola* ikusanusya pamo uku “ukuyoba ikyakukubonekela, pási pa bupakigwe,” pamo “ukuyobel-a-ngāníla ikindukimo iki kyitendekisyé ukuboneka.” Kangi uswe tumenye ukuti bālipo abasololi-bakikikulu mu Lwītikáno Ulukūlu. Abene bakābagile ukuyoba pabwelu nkiyumba, ukuyoba pabwelu mu kipanga, nkilundilo, ukuya mmmanyisi. Loli umwene, Anna, kangi bingi ba abene mu tempeli, abene bāli basololi-bakikikulu, kangi abene bāli...Miriam āli nsololi-gwakikikulu, pamo i kindukimo bo ikyo. Umwene āli nu Mbepo pa mwene, ikyo kyo kyabwanaloli, loli umwene āli ni fyakupinga fyāke ifya buyo. Abakikulu babāgile ukuya basololi-bakikikulu umwisyugu, naloliloli; loli komma abamanyisi, na fyosa bo ifyo, kunyuma kwa kigemo apa. Ugwe kubomba, ugwe kutendeka—ugwe kutendeka i Bāngéli ukwikanikana Lyène. Ili Bāngéli likabāgíla ukuyoba ikindu kimo *apa*, kangi ikindu ikingi kubwa *kuno*. Ilyene likufimbilisigwa ukuyoba i kindu kilakila akabalilo kosa kisita apo Ilyene likaya Lisyu lya Kyala. Muketile? Polelo, “A bānabalumiana binu kangi bānabalindwana bisakusololágá,” ikusanusya ukuti abene pamo bisa “kuyobel-a-ngāníla” pamo “ukubikila-ubukéti.” Lilino, umwe mukikétesye ikyo mosa, kangi umwe ega i dikisyonale ya i Bāngéli nukukéta linga ikyo kikaya kitalusye. “A bānabalumiana binu kangi bānabalindwana bisakusololágá.”

¹⁷⁹ Lilino, i Bāngéli lyópe likuyoba isya nkikulu uyu āliyēgíle mwene, polelo, pamo ūyobelágá ukuti umwene...Iki kyābagile ukubomba kubilikosa ni kipanga kya Katolika, kangi kyabombaga kope ni...ni kimanyisyó iki uswe tukuyobaga ngapo lilino. Unko uswe tusanukile ku Buku gwa—gwa Busetuli, kangi unko uswe tumwage u—u ntu gwa 2 kangi ilinandi lya 20, itolo akabalilo kākō uswe tuli papapa apa kifuki kwa kyene, ukuti umwe mubagile ukukétesya apa kangi itolo ukukéta mūmo kiyilíle ubusētáno ikindu kila kibagile ukuya, isya kuyoba mu

masiku ilyabumalikisyo ili iki kisakubonekaga, mumo fikuti ifi...iki u nkikulu uyu isakuyaga. Kumbukilaga, i kipanga kya Katolika yo nkikulu. Uswe tubalile itolo ikyene, bule uswe? Pilikisyu ku iki lilino, mūmo Ilyene likuyoba. Busetule 2:20, "Lilino palema iki..." Umwene ikuyoba ku kipanga kya Tiratira iki, muketile, "Lilino palema iki..." Iki kyo kipanga kya ngulilo-yapakati pala, kyābūkile ukukinda mu Ngulilo sya Ngīsi.

Lilino palema iki *Une ndinafyo i findu finandi ukulwana na ugwe, panongwa yakuti ugwe kundeka u nkikulu yula Yezebeli, uyu ikwikoléla mwene nsololigwakikikulu, ukumanyisya kangi...ukuponjola abambombo bangu kangi ukusulwa ubulogwe, kangi ukulya i findu ifibikigwa ku fiswani.* (Muketile?)

¹⁸⁰ Lilino, linga ugwe ukētesesyémo siku, kētésya i ngulilo sya kipanga isi, polelo uswe twisakwigalaga. Polelo ndubunju uswe twisakupimbaga ifindu ifingi ifi. Kētésya. Mu...Pási pa—pa ifikolekelo fya bakāndulo fya golidi ifya kitembe kya kiYuda, nkati, mwa nkati gwakibonekesyo na fyosa bo ifyo, fyalipo ifikolekesyo fya bākandulo ifya golidi. Mwesa ba umwe mumenye ikyo. Muketile? Silipo i ngulilo sya kipanga ihano-na-sibili. Kila kikuyoba isya ngulilo sya kipanga ihano-na-sibili, u lumuli. Lilino linga ugwe kukētésya mu Busetuli 1, uswe tukumwaga Yeso imile mu ngulilo sya fipanga fihano-na-fibili, ifikolekelo fyākandulo fyāgolidi, akabalilo kāko umwene āsanwíke nukunkéta Yumo umfwane Mwanundumiana gwa mundu, imile, afwéle na mūmo ikyene kyāli. Ikyene kyāli u Nsingiligwa imile mu fikolekelo fyākandulo fikwābígwe panja.

¹⁸¹ Lilino, u Lwitikáno Ulukūlu, abene begaga i...i kandulo yimoyene, kangi ukukōsyu ikyene, ukwega i kandulo iyingi nukukōsyu ukufuma ku yimo yila, ukukōsyu ukufuma ku yimo yila, yimo ukufuma ku yimo iyingi, bo lula, mpaka abene batendíke fyosa ifikolekelo fyākandulo fihano-na-fibili.

¹⁸² Linga ugwe kukētesyága, ku bwandilo, akabalilo kāko Kyala ikwanda ukubombela na baYuda, kangi abene babükile ukukinda mu ngulilo iyagolidi. Kangi polelo i ngulilo iyangisi ukukinda-syosa iya kubombela kwa baYuda, Kyala āli na baYuda, kwāli mu bulagili bwa Ahab. Kangi linga umwe mukukētésyága, ukubala ingulilo sya fipanga sila kula, Umwene ikwisa itolo ukugomokela ku yene kangi. Umwene āyobíle, lilino, "Ifindu ifinandi ifi fikindile," kangi ātile...Lilino, mulamula mu Ngulilo ya Ngīsi, ifyinja elifu na sinda-gwa-elife pala, pamo pa kabalilo ka Ahab, ikyakwanda, kangi abaYuda. Inguli ya ngīsi ukukinda-syosa abene bālinayo, akabalilo kāko Ahab alyēgile Yezebeli kangi ātwele ukwipúta ifiwani mu Israeli, nukupela abandu bosa ukwipúta kunyuma kwa Ahab... ukukonga u kyala gwa Yezebeli. Umwen mukukumbukila, abene bālyēgile, ukubikapo amayengo, kangi ukubongotola ifigemo

fya Kyala. Kangi Elisha ākōlile panja, umwene āli “yuyo mwene,” kangi Kyala āli nabo bamia bahano-na-babili aba bakafugamémo siku ilifundo lyābo kwa Baalim mpaka na lino. Umwe mukukumbukila ikyo? Ikyo ko luko lula ulwa Kipanga kisaligwa kila ikwisa panja. Kēta kula? Kēta mūmo ikyene kili?

¹⁸³ Lilino, mu kipanga iki, linga umwe mwisakukētésyaga i kipanga kyākwánda, i kipanga kyākwánda, i kipanga kya Efesi, kyāli kipanga ikikulumba. Umwene āyobíle, “Umwe muli nu lumuli, loli.” Kangi linga ugwe kukētésya, i kipanga kilikyosa, ikyene kyāndága ukusima, ukusima, ukusima, mpaka ikyene kyafikile mu Tiratira. Polelo, ifyinja elifu na sinda wa elifu. Polelo Umwene alinkusōka ku lubafu ulungi, “Kangi umwe muli nako akamuli kanini. Bikapo amaka aka umwe muli nako, musulwe i kikolekelo kya kandulo kyīko kingasōsigwapo.” Kangi ikyene kilinkwisa nkyene pási ku ngulilo ya kipanga kya Filadelphiya, kangi polelo mu ngulilo ya kipanga kya Laodikiya.

¹⁸⁴ Lilino, apa po bulipo u bumogi. O, mwe! Une itolo nkiganile iki, Nkundwe Smith. Muketile, kēta ku iki. Lilino, mu ngulilo ya kipanga *iyyi*, bo uswe tukindilemo... Lilino kētésya iki. Ingulilo ya kipanga yākwánda yāli ku Efesi, ingulilo ya kipanga kya Efesi. Lilino, yiliyosa ya ngulilo sila isya fipanga, mpaka ikyene kyafikile ku fyinjaliflu na sinda gwa elifu, linga umwe mwisakukētésya... Bala ikyene lilino akabalilo kāko umwe mukufika ku kāya ikilo iki, linga umwe muli nako akabalilo, pamo ndubunju bunju, bo mukāli ukwisa ku kipanga, pa ntu gwa 1, 2, kangi 3 ugwa Busetuli. Umwe mwisakusyagania, yiliyosa ya ngulilo sila isya fipanga, Umwene āyobíle, “Umwe muli nutumaka tunini, kangi umwe mukakana i Ngamu Yangu,” mpaka Umwe āfikíle ku fyinjaliflu na sinda gwa elifu ifi ifya Tiratira, i Ngulilo ya Ngisi. Polelo Umwene alinkusōkela ku lubafu ulungi, nukuti:

... umwe muli nayo *i ngamu yakuti* umwe muli bumi,
loli umwe mwe *bafwe*.

¹⁸⁵ Kangi isi, nasimo isya ngulilo sya fipanga isi, kila pamo i ngulilo ya kipanga kya Filadelfia, nasiku ukuti syāpimbile i Ngamu yila kangi mma. Nasiku syāyagíle i Ngamu, ‘nongwa yakuti ulwene lwasimile mkabalilo aka. Lilino, o, mūmo uswe tubagile ukukilambalika kila pa fila ifimanyisyo ifyabutungulu lilino, mulamula mula pala, ukubanangisya umwe ikyene yo māma, kipanga kya Katolika, u māma gwa kyosa ya ikyene, mūmo umwene yo “māma, gwakubutitu, Babuloni.” Kangi ikyo kyo, kēta, i ngulilo ya kipanga apa akabalilo kāko umwene āsokíle panja, umwene āli nakalumuli kanini, polelo umwene alinkubuka ukuya nsime, nsime, kangi polelo umwene ikwisa mu kibugutila kunyuma kuno, ifyinja elifu na sinda gwa elifu ifi. Kangi umwene isaga panja lilino, komma ukuya Kipanga kya Ntwa Yeso Kristi, loli ukuya kipanga kya Katolika. Ngimba u Luteri asökíle panja ukuya fiki? Ukuya kipanga kya Luteri.

Ngimba abaBaptisti basōkile panja ukuya fiki? Ukuya kipanga kya Baptisti. Komma i Ngamu Yāke, komma i Ngamu Yāke; i ngamu iyingi, “umwe muli nayo i ngamu.” “Kabuno yikayapo i ngamu iyingi yipigwe pásí pa ku Mwanya kūkō umwe mubagile ukupokigwa, yene yi Ngamu ya Yeso Kristi.” “Umwe muli nayo i ngamu ukuti umwe muli bumi, loli umwe muli bafwe,” ikyo kyo ni kipanga-kipāgúke kila.

¹⁸⁶ “O, une ne gwa Presbeteri,” kangi ugwe uli mfwe! “O, une ne gwa Baptisti,” kangi mfwe! Ugwe uli mumi pene papo ugwe kwisa kuya mumi mwa Kristi Yeso. Uko ko kutalusya. Inyosyo sinu isyabutungulu, amisi, ulosyo ulyabutungulu; ukunyafila, ukōna, mbuyo bwa kuyubika; ukubombela “Tata, Mwanundumiana, kangi Mbepo Mwikemo,” mbuyo bwa mu Ngamu ya Ntwa Yeso Kristi. I findu fyosa ifyabusyobi fila fikusula itolo pásí, i Bāngéli likuyoba, fikufwana fikonekela nkati mu kyene itolo nu bukafu mumo ikyene kibagile. Kangi apa uswe tukwitikisa mulamula ndubafu na bene, “Ena, i kipanga kyangu kikwitika Ilyene injila *iysi*.” Loli i Bāngéli likuyoba *Iki*. Muketile? Komma i findu bo ifyo. Kikayako i kindu bo ikyo.

¹⁸⁷ Kangi bukayako u buyo mwi Bāngéli apa abene basōsyaga panja ululimi lwābo siku nukulya u Ukaristia ubwikemo, kangi u mpūti anwaga u bwalwa nukukikōlélá ikyene Mbepo Mwikemo. Nasiku mwi Bāngéli apa abene baponiaga ifiboko nukupa ikiboko ikililo ikyabwinake, nukukikōlélá ikyene Mbepo Mwikemo. Nasiku apa yumo āsumwike mmwanya nukuyoba, “Lilino une ne mwitiki,” nukwambilila u Mbepo Mwikemo. Linga ikyene kyāli lulo, *iysi* yo njila u Imbombo 2 yūla āngali ikubalila, “Kangi akabalilo kāko i Lisiku lyā Pentekosti lyālisíle nubwisusye, ukusuluka pa nsebwe alinkwisa u mpūti gwa kiRoma, kangi umwene alinayo kolala asyumbutusigwe. Umwene ikwenda pala, alinkuti, ‘Mwesa ba umwe sosya ululimi lwinu lilino kangi ilya u Ukaristia ubwikemo, ubulilanisa bwakwanda.’” Ngimba iyo āngali yili njila yimo iya kubala Imbombo 2?

¹⁸⁸ Ena, umwe baProtestanti muli babibi numwe. Ukwisa kunyuma kula nukuyoba, “Lilino uswe tukwenda kuli umwe baMethodisti; ukubabika abene pa kiboko ikililo, pamo, ukubapa abene ikiboko ikililo ikyabulilanisi, ni myesi mihano nagumo igya kugelana.” Ngimba ko kūgu umwe mwābalilé ikyo mu Imbombo 2? Muketile? Ngimba kūgu umwe mukukyaga ikyo? Muketile?

¹⁸⁹ Ilyene lyātīle, “Akabalilo kako abene bāli ndwitikisanio lumo, mu bwitikisanio bumó!” Pala nasiku pakalisilepo u bishopu nayumo nukubomba *iki*, kangi pala nasiku pakalisilemo nu mpūti nayumo nukubomba *iki*. “Loli pala palinkwisa a kogo ukufuma ku Mwanya ukuya bo u mbelo ugwanaka umbopabopa, kangi Ikyene kilinkwisisya i nyumba yosa mūmo

abene balitugesye.” Iyo yo njila abene balyāmbilíle Ikyene, ena, nkulumba, ukuya mbelo uwabubopabopa uwamaka gukwisa ukufuma ku Lwimiko. Komma pamwanya pa nsebwe pamo ukufuma ku kipanga-kipāgúke kimo.

... umwe mulinayo *i ngamu ukuti* umwe muli bumi,
loli umwe mwe *bafwe*.

¹⁹⁰ Muketile, ifimanyisyo ni fipanga-fipāgúke fyinu fipingile Kyala kubutali bo ulo, mpaka, “Uswe tukwitika *iki*, kangi uswe tukwitika amasiku ga fiswigo gakindile.” Umwene yo nsololi ugabutungulu ikuyoba ikyo. Umwene yo nsololi gwabutungulu uyu ikubabula umwe, ukuti, “Ugwe ubagile ukuponia ikiboko nukwambilila u Mbepo Mwikemo.” Umwene yo nsololi gwabutungulu uyu ikukubula ugwe, “Ugwe kwambilila u Mbepo Mwikemo akabalilo kāko ugwe kwitika.” Umwene yo nsololi gwabutungutulu uyu ikukubula ugwe, “Ugwe ubagisenie ukonelelígwa nukunyafilígwya mbuyo bwa kwibisywa.” Umwene yo nsololi gwabutungulu uyu ikukubula ugwe “ukuya mōsigwe mu ngamu ya Tāta, Mwanundumiana, kangi Mbepo Mwikemo,” akabalilo kāko likayapo nalimo i Lisimbo kuli ikyene mwi Bāngéle. Uko ko katalusya. Likayapo nalimo i Lisimbo mwi Bāngéli likukubula ugwe ukuti gössigwe, kūko yumo aligwesa alyōsigwémó siku, mwene mu Ngamu ya Yeso Kristi. Bene, abafundigwa ba Yohani; kangi abene bafimbilisigwe ukwisa, ukōsigwa kangi, mu Ngamu ya Ntwa Yeso Kristi, ukummwaga u Mbepo Mwikemo. Uko ko katalusya. Lilino, ikyo kyo kikaya kimanyisyo kya Jesus Only. I nkimenye i kimanyisyo kya Jesus Only. Ikyo kikaya ikyene mma. Ikyo kyo itolo Kimanyisyo kya i Bāngéli. Uko ko katalusya.

¹⁹¹ Loli pala abene bali. Ngimba ugwe kubombaga fiki ni kyene? Pala alipo unna gwako. Pala po alopo unna gwa fimanyisyo fila.

¹⁹² Lilino, ugwe kéta kulakula ukugomokela ku i Bāngéli nukumbula une pāpo yumo aligwesa anyāfiligwémó siku. Methodisti, Presbeteri, Katolika, mbula une kūko u mundu yumoywene anyāfiligwémó siku, mwi Bāngéli. Mbula une kūko yumoywene alyōneligwémó siku, mwi Bāngéli, ku buswe bwa butulwanongwa. Yoba ikyene. Ngimba umwe mubagile ukukyaga ikyene? Linga ugwe kupāga, isa kwa une, kangi une ngwendaga pási pa lukindi ulu ni kimanyilo pa nyuma yangu, nukuyoba, “U nsololi gwabutungulu! Une nsobile.” Pamo, umwe pāga pa buyo bumobwene mwi Bāngéli lyosa kūko aligwesa alyōsigwémó siku mu ngamu ya Tāta, Mwanundumiana, kangi u Mbepo Mwikemo, i njila iyi lwele pa kalongo ba umwe mōsigwe. Nyagile une i Lisimbo limolyene kūko yumo aligwesa alyōseligwémó mu njila yila, kangi une nisakubika ikimanyilo pa nyuma yangu, “nsololi gwabutungulu,” kangi ukwenda pasi pa nsebwe ni kyene bo *ulu*. Kangi nnangisya une kūko yumo aligwesa alyōsigwémó, Nkipanga ikipyá, uyu akāfimbilisigwe ukwisa nukōsigwa kabili, mu... komma mu ngamu ya “Yeso”

mwene umma, loli mu Ngamu ya Ntwa Yeso Kristi. Uko ko kutalusya. Muketile linga ubo bo bukaya bwanaloli.

¹⁹³ Kangi, apa, ngimba kyo fiki ikyene? Umwene āli yo māma gwa balogwe. Ngimba fiki fyālimpelile umwene ndogwe? Ngimba fiki kyālimpelile umwene gwamalaya? Ikimanyisyo kyāke! Ngimba fiki fyābapelile abene ukuya ndongwe? Ikimanyisyo kyāke!

¹⁹⁴ Kangi iyo yo nongwa tutikwitisyana ni fipanga-fipāgúke fyābo nu lwiho lwābo. Uswe tukwitugasya bīfyúsi ni Bāngéli ili. Une ngamanya ukuti umwe mukwitugasya Ilyene kanunu bulebule, loli umwe mumanyisigwe Ilyene, mulimosa. Kutalusya. Ikyo kyo kile kwa umwe. Une ngabagila ukubapela umwe ukwitugasya Ilyene. Une mbagile itolo ukubabūla umwe iki kyo Bwanalo. Iyo yo nogwa uswe tukaya kipanga-kipāgúke. Une ndiku—ndiku londa ukwibwapula twibene ukubuka mu findu bo ifyo, ukufimbilisigwa ukwingilamo ku luko lumo lwa lwiho. Une kinunu nege i njila na baywelulígwé aba Ntwa abanandi. Une kinunupo nsyale nswepu kangi mwikemo pankyeni pa Lisu na Kyala, kangi ikwima pala nukuyoba, “Likayapo i lilopa lyá mundu nayumo mmyenda gyangu.” Iyo yo nongwa uswe tukusyala pa Branham Tabernacle. Iyo yo nongwa uswe tukaya ba Assemblies. Iyo yo nongwa uswe tukaya ba Oneness. Iyo yo nongwa uswe tukaya ba Jesus Only. Iyo yo nongwa uswe tukaya ba Methodisti. Iyo yo nongwa uswe tukaya ba Baptisti. Itolo a—a katembe akanini apa. Uswe tukaya nakyo nakimo ikipanga-kipāgúke na panandi. Uswe twe bābúke, mwa Kristi. Iyo yo nongwa uswe tukusyala mumo uswe tukubombela. Kangi Kyala atusayile uswe, Kyala ikututula uswe.

¹⁹⁵ Lilino, uswe tubagile ukubabūla umwe nongwa ya fiki uswe tukwe umugonesyo, uswe tukubabūla umwe nongwa ya fiki uswe tukwega ukusukana-malundi, nongwa ya fiki uswe tutikubitikisa abandu bitu ukulya uwene linga uswe tumenyé abene bali mbonangi. Iyo yo nongwa, imilungu mibili pamo mitatu igi gisyo gyākindága, une nabukaga ukufuma kuli membala yumo ukubuka ku yungi, kūkō umwe mwayaga nu kumana kunini ukusyungutila, kópe. Ukubuka ukusyungutila, yumo akāyobaga ku nnine, kangi ukukilania u nnine pa nswebwe kangi ukusyumbutusya untu gwāko. Isoni pa ugwe, gwe unwile ikikopo ikisayigwa ikyá Kyala iki, ikigemo kipa apa, kangi kikōlile umwe bakundwe na bakalumbu, kangi polelo ukwisa pa telefoni nu kuyoyoba isya yumo nu nnine. Ugwe ukuya gwakufwana ukukōleligwa Nkristi akabalilo kāko ugwe njila yila. Kutalusya. Ugwe yaga kubutali ni telefoni sila; linga ugwe ukabagila ukuyoba innunu isya mundu yumo, komma ukuyoba na panandi. Kumbukilaga, Kyala ikukukolaga ugwe ni nongwa. Akabalilo kosa aka u luko lwa mbepo yila luli mwa ugwe, ugwe umenye ugwe ukaya ntalusye na Kyala. Linga ugwe utikwipilika . . .

¹⁹⁶ Linga u mundu ali mbusobi, buka ku mwene kangi kasayanege. Linga umwe mukutoligwa ukusayana, ega u mundu yumo na ugwe. Kisita kuswiga Kyala akabagila ukufunda i Kipanga Kyâke, 'nongwa yakuti ugwe utikubomba ikyene kanunu. Mbuyo bwakubuka pa foni nukuyobaga isya yumo uyu, iki kyâbonike pa buyo, kangi utubugutila utinini na fyosa bo ifyo, ukusyungutila bo lulo. Mbuyo bwa kubomba ikyo, nongwa ya fiki ugwe utikubomba iki i Bângéli likuyoba? Linga u nkundwe yumo âponjoligwe mu busobi, buka ku mwene nukukéta linga ugwe ukabagila ukusayana nu mwene. "Ena, lilino, umwene ambombile une!" Une ndikupasya iki umwene âbombíle, buka ku mwene mulimosa! Ilyene likâyobíle kuli umwene ukwisa kwa ugwe. Ugwe ubuke ku mwene linga umwene yo nsobi. Ugwe kuyoba, "Ena, umwene âli mbusobi. Umwene ikufimbilisigwa ukwisa kwa une." Ikyo kikaya iki i Bângéli lyâybobile. Ili Bângéli lyâybobile kuli ugwe ukubuka ku mwene. Linga umwene yo nsobi, ugwe kubuka ku mwene.

¹⁹⁷ Kangi polelo linga umwene atisakukupilikya ugwe, polelo ega umundu yumo na ugwe, ukuya nketi.

¹⁹⁸ Kangi polelo linga umwene atisakumpilikya u nketi, polelo yoba, "Lilino une ngukwegelaga ku ntími gwâko." Polelo ugwe kumbula umwene, utigi, "Une nguya pakukibula ikyene ku kipanga, kangi mu masiku malongo matatu ukufuma lilino, linga umwe bakundwe mukâta kila... U nkundwe uyu apa itendekisye ukusayana. Ugwe utisakubomba ikyene. Kangi linga ugwe utisakufwanisya ikyene mmasiku malongo matatu, polelo ngimba fiki fikubonekaga? Ugwe ukaya yumo gwa uswe kangi mma."

¹⁹⁹ Ili Bângéli lyâybobile, "Linga umwene atisakupilikya i kipanga, polelo ndeke umwene ayege kwa umwe bo gwapanja kangi nsonga-songo." Umwe muketile, akabalilo kosa aka u nkundwe ali pâsi pa luponesyo lwa kipanga, i Lilopa lya Kristi likuponesya umwene. Iyo yo nongwa uswe tutikukyega ikipanga ukwenda mumo ikyene kikubombela. Lilino, katalusya, *Iki* kyo Kimanyisyo kya baBap-...ikya kipanga kya Baptisti, pamo i Branham Tabernacle apa, linga ugwe kubombaga ikyene. Muketile, fiki ukabagila...

²⁰⁰ Ugwe kufika kuno, tutigi, mwa kwegelela, abanyambala babili, tutigi Leo na une. Ngimba ugwe kunyagailaga une...: Kangi une nguti, "Ena, umwene—umwene ânyônangile une." Ikyo kitikupela ukukindana nakumo. Une ngufimbilisigwa ukubuka ku mwene. Ena, umwene yo mbakasya gwa kipanga iki. Umwene—umwene isile ukuya Nkristi. Umwene ikulya umugonesyo apa pa kigemo na une. Kangi uswe tôsigwe mu Ngamu ya Ntwa Yeso. Twendile nubugolofu, ukuya bakundwe, pankyeni pa yumo nu nnine, polelo ikindukimo kikuboneka.

²⁰¹ Ikyene akaya yo nnyambala yula. Malongo-mahano-nama mwa mia yumo aga kabalilo umwene yo möhési isili pakati

pa bandu. Ikyene kikaya bandu mma. Umwene yo mōhési. Kangi akabalilo kosa ugwe kundeka u mōhési ikubomba ikyo, ugwe kumfulasya u nkamugo. Uko ko kutalusya.

²⁰² Ena, i kindukimo kisobile nu Leo na une; unko uswe tukafwanisya ikyene mosa. Kangi linga ugwe kukéta kilipo ikindukimo, iyene yo mbombo yāko ukwisa kwa uswe, kangi nukuyoba, "Mwebabili balumiana umwe isa kuno nukuya palikimo. Uswe tukukigolosyaga i kindu iki mosa." Lilino, polelo, linga umwene ukwisa kula, kangi kula kwisa ukusyagania, polelo, apa uswe tuli. Une nguyoba, "Ena, ikindu kyākwanda, linga uswe—uswe tukabagila ukwitikisania, polelo ugwe kwisa ku kipanga bo ulo."

²⁰³ Kangi polelo a—a kabalilo kosa ugwe utikubombapo nakamo pa kyene, loli, i Lilopa lya Yeso Kristi likutuponesya twe babili uswe. Muketile? Loli pala kila—kila ikya kansa ikyaiyolo kikwandaga u kansa uyungi, kangi u kansa yula ikwandaga u kansa u kansa uyungi, kangi ikindu kyosa kikuyaga kibine, mosa, i kipanga kyosa. Polelo ugwe kufika ku buyo bumo ugwe kwingila nkipanga, kangi itolo ukuya kutalale, ugwe kufimbilisiga ukuya nu ndindilakipanga ukwisa ukubongotola ututalala mosa, bo ikulundilo kikāli ukwingila. Lilino, umwe mumenyé ukuti ikyo ko kutalisya. Kangi kutale! Yumo ikwitugasya ukusyungutila, umwe mumenyé, kangi itolo atikuyoba nakimo. "Ena, uswe twalisibile ukuya bamwambepo." Ena, ngimba fiki fyabonike? Umwe naloli mwabopaga kanunu, ngimba kyatamisyé fiki? Muketile, ubutulwanongwa bukutapulania umwe. Kangi Kyala isakukukōлага ugwe ni nongwa pa kyene, bakundwe. Lilino une ngugolosya ikindu iki mosa.

²⁰⁴ Nakimo kisobile na une, nakimo kisobile na Leo; umwene yo mōhési isile pakati pa uswe. Uko ko kutalusya. Golosyaga ikindu kila mosa. Buka ku mwene. Polelo linga umwene atisakupilika, pamo une ndisakupilika, kali iyene yo njila nki ikyene kili, polelo kibūla ikyene ku kipanga. Linga umwene atikwisa ukusayana ku kipanga kila mmasiku malongo matatu, polelo umwene asōkilepo ukufuma pási pa buponesyo bwa Yeso. Uswe tukuntaga umwene. Ikyo kyo katikati kutalusya. Polelo kētésya iki kikuboneka pa buyo. Ndeke Kyala abombe ulufundo polelo. Ugwe usosisyépo amaboko gāko. Ugwe ubombole ikinunu fiyo iki ugwe gwābagile. Polelo ndeke Kyala ayege nu mwene pakayabo akanini; Umwene isakunsanusya umwene kula kwa mōhési. Umwene isakwisaga akabalilo kala. Linga umwene atikubomba, u būmi bwake bukuyaga bupime bunini itolo.

²⁰⁵ Umwe mukukumbukila mwi Bāngéli, kūko āliko u nkundwe yu akālondaga ukusayana na Kyala? Balinga bikukumbukila inongwa yila? Umwene itugasyaga nu nna gwakummwaga, kangi abene balinkutoligwa ukungolosya umwene. Pauli alinkuti, "Nsanusilaga umwene kwa mōhési, ku bonangike."

Umwene mukyage pala, mu Bakorinti Gwakibili, umwene alinkugolosigwa.

²⁰⁶ Une ndinagwe u nkundwe, u mwinangu unnunu, une ngulonda apa ukunkoléla i ngamu yake, unkundwe undumbilili. Kangi u nkundwe undumbilili uyu, i ngamu yake yo Nkundwe Rasmussen. Mwe bingi ba umwe balumbilili mwitugesye apa, ikilo iki, i ngamu yake yi pa makalatasi ginu. Yo yula gwapakati-pafipanga ikufuma ku Chicago. Kangi kéta. Umwene āli nu ndumiana, ndumbilili, kangi umwene ābukile nu kwegana nu ndindwana gwa Kikatolika, nukwanda u bumi bwâke bo ulo. Kangi abene babükága pakubomba *iki*, *kila*, kangi *ikingi*, kangi—kangi fiki fyosa; alinkwisa mu lutamio lomo. Kangi u gwîse alinkubuka ku mwene, alinkuti, “Lilino këta, mwanangu, ngimba ugwe kubukaga ukwisayana?”

Alinkuti, “Tata . . .”

Umwene alinkukiköléla i kipanga ikipambo kya bikemo-babunguluka, u tâta gwâke. Umwene alinkuti, “Lilino, këta, ngimba ugwe kubukaga ukugolosya i kindu kila ni kipanga iki?”

²⁰⁷ Umwene alinkuti, “Lilino, tâta, ugwe gwe tâta gwangu, kangi une ndikulonda ukuya mu lutamio lulilosa na ugwe.” Umma ndaga.

²⁰⁸ Umwene alinkubuka nukwakwega yumo mwa ba diakoni nukusuluka ku nyumba yâke. Alinkuti—alinkuti, “Wesley, une ngulonda ukuyoba kwa ugwe.” Alinkuti, “Ngimba ugwe kubukaga ukugolosya i kindu iki ni kipanga?” Kangi umwene ikumpa umwene ukwamuka-kubili ukupimba bo lûlo. Alinkuti, “Kumbukilaga, Wesley, une ne ntími gwa kipanga. Une ne guso gwako, loli une nguyaga pakubomba iki Kyala ikuyoba mbömbw. Une ngukupako ugwe amasiku malongo matatu ukugolosya ikyo ni kipanga, kisita apa uswe tukukagaga ugwe ukufuma ku Kuyapo kwa Kyala. Ugwe gwe mwanundumiana gwangu mwene; uyo yo Mpoki gwangu.” Alinkuti, “Une nguganile ugwe. Kangi ugwe umenye une nguganile ugwe, Wesley. Une mbagile ukufwa papapa lilino panongwa ya ugwe. Loli ugwe kufimbilisigwa ukwisa nukatalusya ni Lisyu lyâ Kyala. Muketile?” Umwene alinkuti, “Une ne ntími. Une ne ntíimi gwa ntímo gula. Linga ugwe gwe mwâna gwangu, pamo kali ugwe gwe ywani, ugwe kufimbilisigwa ukugolokwa ni Lisyu lyâ Kyala. Linga ugwe utikubomba ikyene, polelo une ndikufwana mma ukuya ntíimi Gwâke.”

²⁰⁹ Ndumiana, uyo yo ntími. Uyo yo nnyambala. Ngimba mutikwinogona bo ulo? Uyu yo nnyambala. Umwene ālimbulile u ndumiana kila. “Kangi amfulesye umwene,” umwene alinkuti. Loli alinkuti, “Fiki? Ngimba yo ywani uyu ugwe kunsulumaniaga, u mundu, pamo kunsumaniaga u Mpoki gwâko? Polelo,” umwene alinkuti, “polelo uswe tulinkukindilila

nkyeni.” Kangi alinkuti, “Umwene alinkutoligwa ukubomba ikyene. Kangi uswe . . . Une ndinkukibūla i kipanga.”

²¹⁰ Umwene alinkuti, “U mwanundumiana gwangu mwene, Wesley, umwene ikukāna ukumbilika une, mu nongwa iyi. Umwene ikukāna ukupilika u diakoni. Kangi ugwe gwe nketi gwa iki, Nkundwe *Gwakuti-na-gwakuti?*”

“Ena, une ndi.”

“Umma ndaga. Pa sala ya lwele, pa Ndungu ugu gukwisa, imilungu mina ukufuma lilino, linga umwene akagolosya kila ni kipanga iki, uswe tukusanusyaga Wesley, u mwanundumiana gwangu, kula kwa mōhési, ku bonangike bwa mbili. I Lilopa Lyāke, i Lilopa lya . . . ilya Yeso Kristi, kangi i kipanga iki, fitikumponesya umwene kangi mma.”

²¹¹ Kangi ikilo kila kikwisa. Imile pa kigemo, alinkuti, “Umwene alinago amaminiti mabili gasyele.” Akabalilo kalinkufika. Umwene alinkuti, “Lilino, ukuya mwanundumiana gwāngu, Wesley Rasmussen . . . alinkuyoba ku kilundilo iki, kwa Ugwe, Kyala Mwenemaka: Uswe tubombile fyosa ifi uswe tubagile ukubomba, ukufwana na Masyu Gāko nu bulagili bwa Gwāko—Gwāko Mwanundumiana, u Mpki gwitu, atulekile uswe. Uswe lilino, une ngusanusyila u ndumiana gwangu, ni kipanga iki na une, kula kwa mō . . . ku mōhési, ku bonangike gwa mbili, ukuti u moyo gwā gubagile ukupokigwa.” Ifyo fyo fyōsa ifi fyāyobigwe. Nafimo fyābonike, ku ndungu pamo mibili, lumo u mwesi pamo mibili.

²¹² Ikilo kimo, ugwaiyolo Wesley alinkwega ububine. Kangi akabalilo kāko umwene āli mbine, umwene alinkumilisya ukuya mbine. Umwene alinkunköléla dokotala. U dokotala alinkwisa pala nukunkētésya umwene. Umwene āli ni sekema ya mia yumo na fihano. Umwene alinkutoligwa ukukyaga ikifukwa kuli ikyene. Itolo ukumilisya ukuya mbinepo. Dokotala alalinkuti, “Ndumiana, une ngamanya iki kyabonike kwa ugwe.” Umwene akāmenye ikyakubomba. Alinkuti, “Uswe tukunkölélaga ummang’anyi.” Abene balinkunköléla u mmang’anyi, kangi u mmang’anyi alinkwisa mula. Abene balinkumwegela umwene kula ku kipatala, ukumpima umwene, kilikyosa ikingi. Kangi alinkuti, “Une itolo ngabagila ukubula ugwe. Undumiana uyu itolo—itolo ikuboneka gwabufwe.” Unkasi gwāke imile pala, ikukúta, filifyosa bo lula. Kangi a bāna bimile ukusyungutila pa kitala na paliposa bo lula. Umwene alinkuti, “Umwene ikubūka. Popapo.” Alinkuti, “Ubukung’usyo bwa ndumbula kangi ubutuyo, ikyene kyo itolo kikubuka pási akabalilo kōsa.”

²¹³ Umwene alinkuti, “Nköléla tāta.” O, ena. Iyo yo njila ya kubombela ikyene. Ikyo kyo ikyene. “Nköléla tāta.” Kangi u tāta gwāke alinkubopela panja pala ku kipatala, nakalinga naloli, ukunkēta umwene. Umwene alinkuti, “Tāta, une ngabagila lilino, loli Kyala ikupilika a masyu gāngu. Une ngugolosyaga

kilikyosa. Une ngugolosyaga ikyene. Ena, une ngubombaga.” Ena, nkulumba, nkundwe. Palapala ubutüyo bwāke bukwanda ukwisa ukugomokela ukwābwíla.

²¹⁴ Kangi u Ndungu ugu gwakongaga, umwene āli pamwanya pankyen'i pa kipanga. Umwene alinkuti, “Une ndulile inongwa pankyen'i pa Kyala, mu kuyapo kwa kipanga iki. Une nakānile ukupilika amasyu ga ntími. Une—une nakānile ukumpilika u diakoni apa.” Kangi alinkuti, “Une ngusuma i kipanga iki ukuhobokéla une panongwa ya bubibi ubu une mbōmbíle no lula” Alinkuti, “Kyala akyungile u bumi bwangu.” Une ngubabūla umwe, umwene āgolwike kanunu. Ena. Ikyo kyo iki ugwe kufimbilisigwa ukubomba, muketile. Muketile? Ugwe, linga ugwe itolo kubombaga ikyene injila ya Kyala! Muketile?

²¹⁵ Lilino, muketile, mūmo uswe tukubombéla, uswe tukuya nu lukomano lwa balongosi, kangu uswe tukuyoba, “Ena, lilino, ngimba uswe tukyunge...” Une ndikuyoba i kipanga iki, lōli une ngusanusya uswe bandu ba kiProtestant. Uswe tukuya nu lukomano lwa balongosi, kangi, “Ngimba umwe mukwinogona fiki isya Jones? Ngimba umwe mukwinogona fiki uswe tubagile ukubomba nu mwene? Une ngwinogona umwene abagile ukubapela aba Methodisti u membala unnunupo ukukinda muno ikubombela uswe.” Apo po umwe muli. Ikyo, ikyo kyo kisobi. Iyo yo nongwa uswe tutikulondigwa ukukonga i nyiho syābo. Kangi u bishopu yumo, uswe tukufimbilisigwa ukunköléla umwene (aligwesa-yumo...fiki kyo, umwe mukunköléla umwene? unnyambala gwa kiyabo mu kipanga kya Pentekosti iki? “presbita gwa kiyabo”)—ukunköléla umwene mula ukukéta akayilo ka nnyambala uyu.

²¹⁶ Ili Bāngéli likutubūla uswe ikyakubomba. Iyo yo nongwa uswe tutikwangala ni fipanga-fipāgúke fyābo. Uswe tukwitugaşa bābuke ukufuma ku kindu kila. Ameni. Mukakalala nanine, bule umwe? Komma umwe ukubomba ikyene. Umma ndaga. Une lumo nguyaga na malalusyo amanunu abasisya kilabo nkilo. Loli, ena, uko ko kutalusya. Muketile? Kumbukilaga. Manya...

²¹⁷ Une nguyoba iki lilino. Umwe bandu aba muli apa ukufuma ku fipanga fipāgúke ifikindanekindane, ikipaguko kyako, kangi, nkundwe, une ndikuyoba ukuti ugwe ukaya Nkristi. Une ndikuyoba i kipanga-kipāgúke kynu kikaya maelifu ga Bakristi abaganigwe nkati mula. Une ngugela ukuyoba i nongwa iyi uswe tukaya kipanga-kipāgúke. Nongwa yakuti, une itolo ngabagila ukwimila kila. Umma, nkulumba. I naloli ngabagila. Abene bikugela ukubabūla umwe ikyakubomba. Linga Kyala alingölile une kukulumbilila i Nongwainunu, polelo une ngulumbilila Iyene injila iyi Kyala ikumbulíla une ukubomba ikyene. Ikyo kyo itolo katikati, mu njila ikyene kisimbígwé muno mwi Bāngéli ili. Ndikwigolósya mma na Iki, polelo ikyene kyo... Kyala isakündongaga une panongwa ya kyene. Lōli linga une—

linga une—linga une ngumbona kambwe ikwisa, pamo undugu ikwisa, kangi une ngutoligwa ukubasoka abene, polelo Kyala isakundalusyaga une. Loli linga une ngubasoka umwe, polelo ikyene kili kwa umwe polelo. Muketile?

²¹⁸ Kumbukilaga, “Kula mmasiku gābumalikísyo, ukuti utubalilo utubibí twisa kwisa, abanyambala bisakuya bagana bibéne, abakwítufya, abakwibikámo, abamahelu.” Muketile, bamahelu, “O, bala ikipambo kya batoyofu. Amasiku ga fiswigo gakindile. Kikayako ikindu bo ikyo.” Umwene yo gwaiyolo nsololi gwabutungulu. “Lilino, uswe tumenye ukuti abakikulu bitu balinako itolo ukwinogona ukunywamu bo abanyambala bitu.” Une ndikukana ikyo na panandi, lōli i Bāngéli lyāyobíle ukunkuynga umwene unkukikulu panja pa kigemo. Ikyo kyo—ikyo kyo kinunu nukufwana kwa une, muketile. Uko ko kutalusya. Umma ndaga. Muketile?

Kangi bātīle, “Ena, lilino, ifipanga-fipágúke fytu, uswe tulinabo itolo ba bingi abandu abanunu mūmo umwe mulinabo kula ku kitembe.” Une ndikuyoba ikyo na panandi, lōli i Bāngéli likukemela ifipanga-fipágúke. Uko ko kutalusya. Kangi, polelo, une ndikuyoba umwe mukaya na bandu abanunu nkipanga mwinu. Ikyo kyo kinunu. Abene bo bandu banunu. Bamo mwa bandu banunu ukukinda bosa, une ngwagana nabo mu fyosa fya ifyene, Bakatolika na bosa ukukinda. Bosa ba abene, une ngwagana na bandu banunu.

²¹⁹ Lilino, injila iyi uswe tukutwalilaga iki lilino, binangu, linga u Ntwa ikwitikisya, mu ifyakufunda ifi fifyo fikwisa, lumo... . Une ngubalekaga umwe mumanye kilabo ndubunju ukuti pamo uswe tukufimbilisigwaga ukubomba kilabo pamüsi pamo mma, muketile, ukukisösyä ikyene panja. Inongwa uswe tukugela ukubomba ikyene, une ngulonda ukukitwala ikyene pa buyo bumobwene lilino. Lilino, linga ugwe kulonda ukuntwala yumo na ugwe, ugwe nubupeleseye kwambilígwaa ukubomba ikyo. Loli kumbukilaga lilino, komma—komma ukubuka kubutali mma nukugela itolo ukwaga ubusobi. Ugwe isaga kuno... . Une itolo nguyoba ku kilundilo kyangu—kyangu, umwe muketile. Une ndikumanyisya iki panja pa kilundilo kyangu apa, 'nongwa yakuti iyo yo mbombo ya nnyambala uyungi. Iyo, umwene yo ntími gwa ntímo gula. Kangi—kangi une ne itolo i... [Ubuyo busitakandu pa tepi—Nsimbi.]

²²⁰ Kulakula kunyuma ku Bwandilo, umwe mukukwabaga ikyene mulamula ukukinda, nukukéta kükö ikyene kili. Lilino uswe tukugomokela ku Bwandilo, ukusyagania nongwa ya fiki u mwána unsigwana yula akingilaga nkilundilo kya Ntwa ku ngulilo kalongo-na-sina. Mūmo ikyene kikwega... . Ikkyo kyayaga ifyinja bamia bana ukuti ubutulwanonga bula ukusökámo. Mūmo uswe tukusyaganiaga mūmo fikuti u—u buniongafu bwa bapapi bukuyatilaga ku bâna na bâna, mūmo kila kyalyândíle mu Bwandilo, na fyosa bo ifyo.

²²¹ Kangi umwe...polelo umwe mwisakukéta mūmo kila, buka injila yosa ukugomokéla, ukuti Kyala, bo ulwalo lwa kisu lukāligwa, bo i atomu yimoyene likapufukámo siku, kunyuma kula bo kukāliko ni bwe lya lumuli siku lisile mu kuyapo, Kyala āmenye ikipeligwa kyosa na kilikyosa iki kikuyangámo siku pa kisu. Ngimba alipo yumo muno...Ugwe ukábágile ukulingania i lisyu liliku, nukukibongotola ikyene pási nukuyoba ukuti i lisyu lya “nsitampaka” likusanusya. Itolo bo kusanusila i kamera ku—ku busitampaka. Itolo, ikyene kyo itolo ukufuma kula ukukindilila, ikyo kyo kyosa. Muketile? Nsitampaka! Kangi uswe tukabagila, mu minogono ga mpaka, siku ukupilikisya iki a Minogono amasitampaka gābagíle ukupápa. Muketile, uswe tukabagila ukubomba ikyo. Ugwe, ugwe ukabagila ukubomba ikyene. Muketile? Loli linga ugwe itolo kwisa kukétésya, kölelela mwa Mbepo, ugwe ubagile ukwipilika ikyene kubutali kula. Kangi—kangi ukugomokela muno mu Lisimbo kangi ugwe kwisakukétaga lilino, muketile, kubutali bo u lwalo lwa kisu lukāligwamo siku.

²²² Lilino, ili Bāngéli lyāyobile ukuti Yeso Kristi āli yo Kang'osi gwa Kyala. Lilino pilikisya kifuki fiyo, ukuti, linga mwa bambo mwa umwe mutikuyaga muno kilabo, ukukipilika ikyene kikumalisya mosa. Ili Bāngéli lyāyobile ukuti Yeso Kristi āli yo Kang'osi gwa Kyala, abūtígwe ukufuma ku lwālo lwa kīsi. Ngimba ikyo ko kutalusya? Ngimba ndili Umwene abūtígwe? Ukufuma ku lwālo. Ikyo kyo kīsu, linga ikyene kitendekigwe ukufuma ku kipambo kya ma atomu amabongotoligwe, gakwābígwe ukufuma ku lisuba kwīsílya, bo ikyene kyāli kila. Polelo, bo kukāli ukuyako i atomu libongotwikemo siku ukufuma ku lisuba, linga iki kyāli ibwe ilibongotoke ukufuma ku lisuba, iki kyabāgile ukuya u mia yumo gwa ma biliyoní trillioní trillioní trillioní ga fynja kunyuma bo kukāli nukuyako i libwe lya mmwanya limolyene, Kristi āgogígwe. Akabalilo kaka aminogona ga Kyala amakulumba gikusengama pa kindu kimokyene, ikyene kyo kyombo kimalisigwe. Akabalilo kāko Kyala āyobíle, “Unko kula kuyeko,” ikyene kimalisigwe pitasi. Linga ikyene kikwega ifyinja mia yumo gwa bilioni fikukinda, ikyene kitalile kimalisigwe ukufuma itolo pápo Umwene āyobíle ikyene. “Kangi akabalilo kāko u Kang'osi āgogígwe ukufuma ku lwālo lwa kīsu,” i Bāngéli lilalila, u Mbepo yulayula āsimbile nukuyoba, “Ingamu syitu syābikígwe mwa Būku gwa Būmi gwa Kang'osi bo ulwālo lwa kīsi lukāligwa.”

²²³ Polelo u nnyambala uyu āsimbile ulwimbo, “Yilipo I Ngamu Imbya Yisimbígwé Mu Lwimiko,” ugwe gwáli nu bwigane bununu, lōli umwene akāligwamasimbo. Muketile? Ingamu yila yāsimbígwe pasi mu Lwimiko akabalilo kāko i kīsu...akabalilo kāko bo i kīsu kikandamo siku. Akabalilo kāko u Kang'osi āgogígwe, i ngamu syitu syābikígwe pa Būku gwa Būmi gwa Kang'osi.

²²⁴ Unko—unko une itolo mbegele umwe limolyene i Lisimbo ilinini. Ngimba mukūmulisyága i miniti yimoyene itolo? Ilyene itolo likwisa mulinogono lyangu lilino. Une ngwinogona une mbagile ukusanukile kulakula ku lyene. Une ngaya nsisimikisyi. Kangi une nsulumenie ukubakyunga umwe ubutali ubu, lōli une mbabulíle umwene ikyene kikuyaga pakati pa kilo; ikyene kikaya kibibi fiyo mma. Loli une—une itolo ngulonda u—u kwega ili, itolo limo i Lisimbo ku ikyo.

Sanuka na nñé lilino kwa Buku gwa Baroma, kangi une ngulonda umwe ukubala ili na une. Lilino, unko uswe tukéte, Baroma, linga une mbagile ukulyága ilyene, itolo ukufwana papapa apa. Lilino unko uswe tumwage Baroma 8, kangi—kangi unko uswe twānde linandi 28 ilya ntu gwa 8 ugwa Baroma. Kangi une ngulonda umwe itolo ukubala ilyene nubwípúte na une lilino. Pilika apa itolo iki Kyala áyobíle lilino.

Kangi uswe tumenye ukuti ifindu fyosa fikubombela palikimo ku bununu ku bene aba banganile Kyala, ku bene aba bali...bakōleligwe ukufwana nu bwigane bwāke.

Ku bene umwene naloli abamanyilenganila, . . .

²²⁵ Ikyo kikupa ugwe . . . Ngimba mubagile ukubala na une? “Ku mwene . . .”

Ku bene umwene naloli amanyilenganila, umwene kangi naloli ābikile-nganila (umma ndaga) ukuya bisibilege ku kifwani kya Mwanundumiana gwāke, ukuti umwene abagile ukuya yo mpapigwa-gwākwanda pakati pa bakundwe bingi.

Ukongelelápó bābō umwene ābikile-ngāníla, bala umwene bope ākōlile: kangi bābō umwene ākōlile, bala umwene abagolwisye: kangi bābō umwene āgolwisye, bala umwene bope ālīmike.

²²⁶ Ukuftuma ku lwālo lwa kīsu! Akabalilo kāko Kyala āketíle pásí . . . Lilino, Kyala atikwendesya i mbombo Yāke, nukuyoba, “Ena, lilino, Une nguyaga pa . . . O, ngimba fiki ifi tukubombaga lilino?” Muketile? Kikayako nakimo . . .

²²⁷ Kumbukilaga, ubusitabugolofu, ubutulwanongwa, bo bugolofu buniongasígwe. U mōhési akabagila ukupela. Ngimba aligwesa, bosa, bikupilikisyi ikyo? Ikyo kyo Kimanyisyo kya kipanga iki. U mōhési akabagila ukupela. Umwene abagile ukuniongasya iki Kyala apelíle. Lilino, ubuniongasye kokuti fiki? Apa, umwe mwesa mukuboneka ngati bakusi, kifuki. Pilika ku iki. Uswe twe bandu bēgi. Kangi umwe banyambala begi kangi umwe bakikulu begi mubagile ukwitugasya palikimo ukuya ndume nu nkasi, kangi bala abakikulu bali itolo bafwane abene bakálímo siku . . . Abene bo bafunde, akabalilo kosa ugwe kwitugasya nu ndume gwāko. Uko ko kutalusya. Lilino, ikyo kyo kyitikisígwe kangi kyalulagilo, kangi ikyene kyo kinunu

mosa. Ikyene kyitikisígwe na Kyala ukubomba bo ulo. Unkikulu uyungi abagíle ukubomba ukugonana kulakula ukwa nkasi gwāko; yumo mwa abene, ugwe uli ngolofu mbuketelo bwa Kyala; kangi ukugonana kulakula ku nkikulu uyungi, ugwe kutāgígwa pankyen i pa Kyala, ku bufwe. Ngimba ikyene kyo fiki? Ubugolofu ukuniongasígwa, muketile, ubugolofu ukuniongasígwa. Lilino, u mōhési akabagíla ukupéla, loli umwene ikuniongasya iki Kyala atalíle apelíle.

²²⁸ Ngimba ubusyobi bo fiki? Bo bwanaloli buniongasígwe. Umdu yumo alinkuti, “O, kéta, apene pálí pa Mpyagílo nkilo, isala ya buhano-na-buna, ena, Bill Branham áli mu Jeffersonville,” katalusya. “Ali pásí ku kilabu kya Antz, agálíle,” u butungulu. Ngimba ikyene kyáli fiki? Une náli mu Jeffersonvill. Ubo bo bwanaloli. Ubwene bwáli bugolofu ukuniongasígwa ku butungulu. Muketile iki une ngusanusya? Muketile, ubusyobi bukuniongasya ubwanaloli. Ikyene kyo kindukimo iki kyáyobíle kúko une naliko. Lilino, linga ikyene kyátíle, “Ku kipanga, ikulumbilila,” katalusya. Ubo bo bugolofu. Umwene áyobile u bwanaloli. “Ku kilabu, ikunwa,” u butungulu. Kiniongasígwe; muketile, bwanaloli buniongasigwe. Muketile iki une ngusanusya? Ubuniongafu bosa bo bugolofu buniongasígwe.

²²⁹ Bufwe, ngimba ubwene bo fiki? Bumi, bunióngásigwe. Ububine? Ubukafu, bunyásigwe. Ugwe ubagisenie ukuya nnyambala u nnunu, ugwanamaka. Umma ndaga. Linga ugwe uli mbine, ngimba ikyene kyo fiki? Ubukafu bwáko ubu bunióngásigwe. Muketile? Ikyo kyo kyosa kilipo ku kyene. Ngimba ikyene kyo fiki? Ugwe gwáli nkikulu unkeke, ummogi; kangi nnyambala gwamaka, mmogi. Lilino ugwe kuya namanginya, ukwisa ukuya nkangale. Ngimba ikyene kyo fiki? Bumi, bunióngásigwe, muketile, bukwisa palapala ukugomokela ukusyungutila kangi. Muketile? Kangi ubwene bugomokíle. Yisayigwége i Ngamu ya Ntwa! Kyala afingile ukugomosya uwene kangi. Kangi itolo ukuya kisisimikisyi mūmo ikyene—mūmo ikyene kiyílífé (uswe tumenyé ikyene kili apa), polelo itolo ukuya kisisimikisyó mūmo ikyene kiyílífé, Kyala ikugugomosyaka uwene kangi. Umwene áfingíle kangi ayigáníke Umwene ikubombaga ikyene. Ikyo kyo iki kikupa ikyene.

²³⁰ Lilino, bulebule, ngimba lo luko lwa bandu ulu uswe tukufimbilisígwa ukuya? Lilino kétésya mūmo i findu ifi fikubonekéla. Lilino, bala abene Umwene ámanyíle-ngáníla, Umwene ákolíle; bala abene Umwene ákolíle, Umwene ágolwisye bala. Ndili? Bo u lwálo lwa kisu lukálígwa, bo i kisu kikályandilémó siku. Lilino, linga uswe twábágile ukwega i Lisimbo ili kangi naloliloli ukugolosya ilyene, uswe twabágile ukwega isala pa lyene, loli uswe—uswe tutikulonda ukubomba ikyo. Loli bosa ubuniongafu ubu apa, bo bugolofu

buniongāsígwe ukubuka ku buniongafu. Ikyo kyo iki u mōhési ikubomba.

Lilino, akabalilo kāko ugwe kwisa ku ngulilo ya kwilónga, kangi ugwe umenye iki kisobi kangi ikitalusye, ugwe kufimbilisigwa ukupinduka ukufuma ku busobi bwāko. Panongwa yakuti, ugwe upāpígwé mu mbibi, ubumbigwe mbutulanongwa, ukwisa nkisu iki ukuyoba ubusyobi. Polelo ugwe gwe—ugwe gwe naloliloli upāpígwé ukuya kinyonyo kya kugonana, kangi polelo ugwe kufimbilisigwa ukupāpigwa akabubili, ukuti gwambilile u Bupāpigwe ubupya, ukuti gwingile ku Mwanya. Panongwa yakuti, u luko ulu ulwa bupāpigwe ubu ugwe ulinabo apa... .

²³¹ Kéta kūko aba Jehovah Witness bikuyaga kubutali fiyo basobi apa, ukwinogona ukuti u Bupāpigwe ubupya bo busyuke bwa mbili? Umwe muketile, ikyene kikābagile ukuya. Muketile? Ikyene kibagisenie ukuya kindukimo... .

²³² Ugwe, ugwe guli mu fwasi ya kabalilo. Kangi i kindu kyene iki kili Kyasyepwa kyo kindukimo iki kikālī nu bwandilo pamo kikaya nu bumalikisyo. Kilikyosa i Kyaswepwa kikālimo siku nu bwandilo, pamo ikyene kitisakuyamo siku nu bumalikisyo. Muketile? Polelo linga ugwe uli kiyabo kya Kyala, u Mbepo uyu ali mwa ugwe akālímō siku nu bwandilo pamo ikyene kitisakuyamo siku nu bumalikisyo, kangi ugwe gwe Gwasyepwa nu Mbepo uyu ali mwa ugwe. Muketile? Bo u—u—u lugano lwa Agapao, polelo ikyene kikwisila pási ku lugano lwa phileo, kangi polelo pási ku lugano lwa kunyonwa. Ulwene lukumilisa ukubuka ukukīndilíla pási kangi ukukīndilíla pási, ukuniongasya ukukīndilíla pási mpaka ikyene kikufika ukuya kibunganie kya bufuluganio bumobwene. Ena, i njila yene, Yeso alísíle pási i lifykile lilalila, pási apa ukupimba mmwanya nukwega ukugomokesya kangi ku bubumbe ubwapamwanya ukukinda, ukufuma ku bubumbe ubwapasi ukukinda; ukufuma ku bufwe ukubuka ku Būmi, ukufuma ku bubine ukubuka ku bukafu, ukufuma ku buniongafu ukubuka ku bugolofu. Muketile? Umwene ālinkwisa ukuya ukufuma pa Mwanya ukukinda ukubuka pási ukukinda, ukuti Umwene abagíle ukutwala ikyapási ukukinda ukubuka pa Mwanya ukukinda. Umwene alinkuya une ukuti une mbagíle, mu lipyana Lyake, ukuya Umwene, u mwingilakilingo ugwa Kikota mu Lwimiko. Muketile iki une ngusanusya? I findu ifyo.

Lilino kéta. Kubutali kunyuma bo i kīsu iki kikāndako mu ma atomu kunyuma kula, bo Kyala āketile iki kyayaga pakuboneka pa buyo, palapala pala Umwene akubwene ugwe, Umwene alimbwene une, Umwene ayibwene imbani yiliyosa, imbwele yiliyosa, ikyula kiikyosa, imbwele inandi yiliyosa. Kilikyosa kyayaga pakuyamo siku pa kīsu, Umwene akibwene ikyene palapala pala. Naloli, Umwene ābombíle.

²³³ Lilino, Umwene akāyobilémo siku, “Une nisakutuma u Mwanundumiana Gwāngu pási nukundeka Umwene afwe, kangi lumo u mundu yumo isakuyaga ni kisa pa Mwene. Kangi ikyene kisakuyaga nongwa ya kupelakisa, lumo pamo yumo abagíle ukupokigwa.”

²³⁴ Umwene āmanyile-ngāníla yūyo ikupokigwága! Ena, nkulumba. Umwene ātíle, “Esau Une numbēngíle, kangi Yākóbó Une nungāníle,” bo akāli yumo gwa bene alimo siku nu lusako ukusisimikisyá iki abene bāli, panongwa yakuti Umwene āménye iki abene bāli. Umwene āménye. Umwene aménye fyosa. Umwene āménye iki ugwe kubombaga, bo ukāli ugwe ukupāpígwa, pamo bo i kīsu kikwánda.

²³⁵ Lilino kéta. Mumo umwe mumanyile, une—une—une ne nnyambala gwa ndusu. Une—une nsiganile i ndusu. Kangi u nkikulu yumo mu Texas, une ngusubila ikye yo Texas, ālindwalíle une i Swift yimo, i Swift ya mabili-malongo-mabili. Une akabalilo kosa nalondaga yimo bo yila. Une nälondaga ukuyipima iyene. Iyene yo ya maka fiyo iyakutusulila akandusu akanini. Iyene yo ya fipolopolo malongo-mabili-na-fibili, i kipolopolo kya seke malongo-mana-na-lwele. Kangi ugwe ubagíle ukubíkámó mula ni kiboko. Lilino, abakuyitendeka bikuti, “Komma ukubomba ikyene; kibibi fiyo.” Loli ugwe ubagíle ukupangania i kipolopolo kila ku mafiti maelifu mahano pa seköndi, kangi pópe ukuyikoleléla mbuyo bwake. Amafiti maelifu mahano pa sekondi, iyo yo mailo yimo pa seköndi. Mmasyu agangi, u kapula itugesye, amayadi bamia babili. Ugwe kutusulila u kapula, kukéta amayoya gikupululuka bo indusu yikāli ukukutika ugwe. Muketile? Yila, loli ugwe kwega iyene, ikiyabo ikipapate kya kapiki kakusokosolela mmino, kangi ukufika mu bufu bwa ndusu bwako, kangi ukōneléla u bwingi *bula* ukongelelápo nkati mula, itolo ukufwana ukuti ugwe gwābagíle ukukóla iyene pa kapiki ka mmino; kangi ugwe kutusulila ku ngulube yitugesye ku bumalikisyó bwa kiyumba iki apa, umwene ikwitugasyaga itolo nukukéta ugwe. Ngimba kitamisyé fiki? Ikipolopolo kikupufuka, ikyene kikubuka mwanakalinga fiyo, kisita-... Kangi ugwe ubagíle ukubika ikikíngó pakati pa apa na pala, kangi ugwe nasiku utisakulibonamo ni lyosi ilinini likugwa pa kikingo kila. Ilyene likusanukila kunyuma itolo; komma ku—ku lyoto, amalyoto ga butéke, loli iyene yikubuka pabutalipo ukukinda pala. Ikyene kikugomokela ku ma asidi agababwandilo igi gikupela kopara na lēdi uyu ali nkati mula. Ikyene kikugomokela kunyuma bo ikyene kyāli ifyinja i billioni mia yumo ifyaiyolo. Lilino, apa kalipo akapolopolo kanini, i seke malongo-mana-na-lwele aga kipolopolo une ngôlile nkiboko kyangu, kangi i seköndi iyi yikukóngá akene kasanwiķe ukugomokela ku iki akene kāli ifyinja mia elifu-elifu yumo ifyaiyolo. Kangi linga i kīsu kyābagíle lumo ukwima ifyinja ifingi mia elifu-elifu, ikyene kikuyaga kigomokela kipolopolo kangi, kyābagíle

ukugomokela palapala kunyuma, kabuni ikyene kyābagíle ukubumba mulamula mwa kopara.

²³⁶ Lilino keta iki Kyala ābombile, kangi polelo ugwe kunganaga Umwene. Polelo ugwe kubukaga ku kāya, kangi ndubunju ugwe kugonaga mwakukābila panini. Kangi—kangi ugwe—ugwe kwisakunganaga Umwene ukukinda mosa siku. Lilino, Kyala yo Njengesi. Balinga bamenye ikyo? Umwene yo Njengi. Umma ndaga. Pilikisya fiyo kifuki. Lilino, Kyala kunyuma kula, pamo, abene bikuyoba... Lilino uswe tukuyaga pakwega i fundo ya gwasyambukulu ya ikyene. Kyala, ifyinja billioni mia yumo ifyaiyolo, bo Umwene ayaga pakupela i kīsu, ena, Umwene ālyandiléko itolo. Lilino, Umwene āli... Umwene alinkuyaga i fundo mminogono Gāke.

²³⁷ Lilino ugwe kuyoba, “Linga Umwene yo nkulumba bo lula, Nkundwe Branham, bulebule Umwene ālitikisyémo siku u mōhési ukupela ubutulwanongwa?” Ena, Umwene āménye, bo akāli u mōhési akapeligwámo siku, ukuti umwene ikuyaga mōhési. Lwimiko! Lilino une ngwipilika ubwipúti. O, mwe! Umwene āménye, bo akāli mōhési akapeligwámo, ukuti umwene ikuyaga mōhési. Lilino ugwe kulalusya, “Fiki ifya ifyo?” Ugwe kuyoba, “Nongwa ya fiki Umwene alinkummwitikisya ukuya mōhési?” Ukuti Umwene abagile ukusisimikisígwe ukuya Kyala. Iyo yo nongwa Umwene ābombile ikyene. “Nongwa ya fiki bwaliko ubuniongafu siku? Nongwa ya fiki?”

²³⁸ Kyātalíle kyo kiliku, u Mpoki pamo umonangi? Kyātalíle kyo kiliku? U Mpoki. Kyātalíle kyo kiliku, u Mbumbulusi pamo u mundu umbine? Nongwa ya fiki pala pálitikisígwe ukuyapo u monangi? Panongwa yakuti ifyakumbagilila ifya Mwene yo Mpoki. Linga kukāliko siku u monángi, Umwene āngali akamanyigwamo siku ukuya Mpoki. Aleluya! Umwene abagile ukupela i findu fyosa ukwisa ukusyungutila ku lwimiko Lwake. “Ngimba u mmatangeko abagile ukuyoba ku... Pamo, ngimba i ndeko yibagile ukuyoba ku mbumbandeko, ‘Ugwe umbumble une ulu?’” Ywani ali pa kipotelo? Ywani ali nu mfu? Mmaboko ga ywani uwene gulimo? Pauli āyobíle, “O, nnyambala nttoyofu, ngimba Umwene akāyobíle Umwene āfyusísye Farao ku bwigane bwake bulabula?” Naloliloli. Umwene āménye iki kikuyaga kiliku. Kangi Umwene alitikisyé kuyengeko ubutulwanongwa, ukuti Umwene abagile ukuya Mpoki. Umwene ālitikisyé kuyeko u bubine, ukuti Umwene abagile ukuya Mbumbulusyi. Umwene ālitikisyé kuyeko ulubengo, ukuti Umwene abagile ukuya Lugano. Naloli, Umwene ābombile. Umwene yo Kyala, kangi ifyo fyo fyakumbagilila Fyāke. Kangi Umwene ikufimbilisigwa ukuya ni kindukimo ikyakubonesya ifyakumbagilila Fyāke.

²³⁹ Ngimba angali umwe mukumanya bulebule ukuti kwaliko siku pakilo, angali mukumanya bulebule kwāliko siku kalikosa? Linga ukwene kwa mosa pamusi, ngimba umwe angali

mukumanya bulebule kwálímo siku pakilo? Kiliko i kilo, ukuti ikyene kibagile ukusisimikisiya pamusi. Naloli, apo ikyo. Ameni. Umwe muketile isi Umwene ãbombe?

²⁴⁰ Loli akabalilo kâko Umwene ãli kunyuma kula, bo ulwâlo lwa kîsu lukâlígwa, bo Umwene akâli akega ilisuba lyaiyolo ili kangi Umwene âlyendísye ilyene ukusyungutila i ndondwa yaiyolo iyi iyi uswe tulimo nu bumi lilino, i kîsu iki, kangi Umwene ukukibûmba ikyene ukwanda apa kifuki ni lisuba, nukukilambalika ikyene ukusyungutila i suba. Ukuti, *apa* lyo lisuba. Umwene alinkukibûmba ikyene pa lubafu *ulu*, nukundeka umwene ipayíke pala ku fyinja billioni mia yumo. Ngimba Umwene ãtendekâga fiki? Imbepo simo. Umwene ãgutile ukusyungutila u lubafu *ulu*, Umwene atendike ikindukimo ikingi. Ngimba Umwene ãtendekâga fiki pala? U potashi yumo. Umwene alinkwenda ukusyungutila injila *iyi*, kangi ngimba Umwene ãbombâga fiki apa? ãtendekâga u kalasumu yumo. Ngimba Umwene ãbombâga fiki? Umwene ãtendekâga ugwe na une. Ngimba Umwene ãbombaga fiki? Ukufwana nu njengesi ikulambalika fyosa ifya kibili-kifuki-fina fyâke kangi ifya kibili-kifuki-lwele fyâke, amalata gâke, i mbafu syâke, umwene ãménye itolo inyumba ilinga umwene ayaga pakujenga. Kangi uswe tutendekigwe ukufuma ku tumbakasya kalongo-na-tuhano-na-tutatu utwa kîsu, kangi Umwene ãtutendekâga twesa uswe, kangi ukutulambalika uswe panja pala bo ikîsu kikisámo siku mula. Kangi Umwene... Kyâbagile ukula bo lifumbi pa kabalo kala; une ngamanya iki ikyene kyâli. Ngimba nongwa ya fiki Umwene atendakaga aba golidi, na kopara, ba mkugwa, na misi, na fyosa ifindu fila? Umwene yo Njengesi. Umwene abagile... U Njengi, Umwene âlambaliké kilikyosa panja pala, ali nafyo filifyosa fitumulígwé nukubumbigwa. Akabalilo kâko Umwene ãtendekisye fyosa, ikyene kyâli itolo ikinywamu ikikulumba ubupufuke bwa butêke. Umwene alinkuleka ifitêke ifyaiyolo ukûbatila pamwanya pala ku fyinja mia elifu-elifu yumo, ukupela u kalasumu yumo. Ngimba ikyo kyo fiki? Ikyene kyo kiyabo kya ugwe.

²⁴¹ Kangi polelo, bo ukwene kuliko akapatu kamokene aka bûmi pa kîsu, imibili gyâke gyâlambalele apa. Aleluya! Bo ilitondobya lya bubundale likisamo siki pa kîsu, uswe twâlambaleli apa. Akabalilo kâko Adam endaga ukusyungutila u ngunda gwa Edeni, une nâlambalele apa. Amen. Ena, nkulumba. O, lwiniko! Akabalilo kâko aba Kerubi, i ndondwa syakulubunju syalimbile palikimo, kangi abânabalumiana ba Kyala balalatile ku buhofu, une nâlambaléle apa itolo ukugûlila umwago gwa bûmi ukwisa. Une nâli apa. Umwene âlindendîke une apa, ali nu mbili gwangu gulâmbaléle apa. Ena, nkulumba. Linga ikyene kikâli, ngimba ikyene kyâfumile kugu? Huu? Ngimba ikyene kiyafikile bulebule apa? Kyala ãli nakyo ikyene kilâmbaléle apa. Kyala ãtendike ikyene. Uswe tutendekigwe ukufuma ku tumbakasya kalongo-

na-tuhano-na-kamo: petroleum, potash, nu lumuli lwa mfwasi, kangi fiki-ifingi. Muketile, uswe twālambaléle apa.

²⁴² Polelo fiki fyābombígwe? Polelo Kyala alinkuyoba kwa Mbepo Mwikemo, uswe tukwegaga itolo mu kibumbe kya kifwanikisyo, “Lilino Ugwe buka panja, kangi Ugwe buka kukatendeka u lugano ku kīsu kila. Panongwa yakuti, Une ne lugano, kangi Ugwe gwe kyombo kya Une, polelo lilino Ugwe buka katendeke u lugano ku kīsu.” Kangi u nnywamu Mbepo Mwikemo, uswe tukwinogona, ikusōka panja; itolo mu ikibumbe kyakwegeléla lilino. Ikyene kikāli lula mma. Ena, u Mbepo Mwikemo na Kyala yo yuyo-yumoywene bwigane, yulayula yuyo-yulayula bwigane, Mundu. Nswaga unu. Kangi itolo yoba Umwene āsopíle amapiko Gāke ukusyungutila i kīsu, Umwene ikwanda ukūbatila. Ngimba fiki kila kikūbatilígwá? Bo i nguku ki tukuku twāke, ukukúta, ukutendeka u lugano, “Gugu, gugu, gugu.” O!

²⁴³ “O būmi, sōka panja!” Umwene alinkukúta. Umwene alinkukelengania. “Une ngulonda ubumogi bwa kīsu iki. Sōka panja, bwelu!” U Mbepo Mwikemo i kwenda. Kangi akabalilo kāko Umwene ābombíle, une ngukéta; ikwisa, pala kikwāfula ukusuluka akāmba pisilya, pisilya ikwisa u kalasimumu yumo ikōneka pási, kangi ikwifulugania na potashi. Ngimba ikyene kikwīniemba mu fiki? “Būmi, sōka panja!” Kangi akaluba akanini ka mu Paska kakutupusya untu gwāke ukufuma pási pa libwe. “Isaga apa, Tata, keta ku ikyo.”

²⁴⁴ “Kila kakuboneka kanunu. Kindililaga itolo ukūbatila.” Umwene ālyūbatíle panja amaluba. Umwene alinkutwala panja ifimela fyosa. Umwene alinkutwala u būmi bwa finyamana. Injuni silinkupululuka ukufuma mu lufumbi. Ukukindapo akabalilo, apa ikwisa u nnyambala nu nkikulu; pamwanya ukwisa u nnyambala, kangi u nnyamba ali fyosa-fibili unnyambala nu nkikulu. Komma iki hermafrodit, lilino. Itolo, āli itolo mwa mwene, ālimo mbepo gwa kikikulu.

²⁴⁵ Akabalilo kāko ugwe kwega u nnyambala uyu yo gwakikikulu fiyo, umwene abagile ukuya kanunu mosa, apimigwe mosa kanunu mosa, loli kilipo ikindukimo ikitisobi. Kangi akabalilo kāko ugwe kwega u nkikulu, ikulonda ukutumula inywili syāke nukufwala aba ovololo, nukusōka panja pala, kangi, “Nsaya Kyala, une ngukubulaga ugwe!” Kilipo ikindukimo kitamisye. U nkikulu ali nu mbepo ugwkikikulu, kangi u nnyambala yo gwakinyambala. Uswe tumenyé ikyo. Kangi umwe mumenye ikyo. Ngimba u nkikulu ikuboneka kanunu, ikugela ukuya, ukubōmbéla bo yu nnyambala?

²⁴⁶ Fiki, une nālitugésye akabalilo kamo, une nāli nkyunga finyamana apa, kangi une nālitugésye mu bāsi kangi nābukíle kumwanya kula kangi une nāntikaga u nkikulu pa kilundi, ni kiboko kyangu, ukuyoba ku mwene, kangi une ngāmenye

ukuti umwene āli nkikulu. Umwene āfwéle kimo mwa ifi ifitili fyābakokyeléla, kangi ni mindalasi iminywamu bo *ulo*, kangi une nālitugésye kunyuma kula, kangi umwene ātubulaga ikindukimo ikingi ukufwana ni kindukimo kibōmbigwe. Umwene alinkuti, “Ugwe umenye,” kangi umwene unkikulu alinkuti, “kangi nkilo,” itolo ukuya mboneke-ligasi mūmo umwene unkikulu abāgile ukuya, ikukwesa i ngambo. Umwene unkikulu alinkuti, “Nkilo, une ngubabula umwe, u mwinitu yula alinkutelemuka, mmwanya pa mwanya pa kindu kila. Umwene unnyambala alinkuti, ‘Mwe!’ Umwene unnyambala alinkwisa ukuseleleka pási ukukinda pala.” Alinkuti, “Une ngasekamo siku fiyo mbumi bwāngu.”

²⁴⁷ Kangi une nāsekaga, umwe mumenye, bo *ulo*. Une ndinkuti, “Ndumiana, kila kyāli kimo, bule mma ikyene?” Nitūgésye pala tukuyoba bo ulo. Kangi linga umwene akāfulila i kindu kila nukusugūsyu unto gwāke, kangi umwene āli ni kikolopa pa mwanya pala, ukuti umwene āli nkikulu. Une ngālipilikémo siku ubunini mbumi bwāngu. Une—une ndinkuti, “Ngimba ugwe gwe nkikulu?”

Umwene alinkuti, “Fiki, naloliloli!”

²⁴⁸ Une ndinkuti, “Nswaga une.” Une ngāketilémo siku iki. Lilino, ikyo, ikyo kyo bwanaloli.

²⁴⁹ Une nakibwene ikimanyilo i lisiku limo, lyali kifuki ukunsangalusya une. Ikyene kyāli ni kimanyilo ikinywamu mmwanya, kyātile, “Abakikulu bitendekisyé ukufwala imyenda.” Une ndinkwinogona, “Ntufya Kyala pa ikyo.” Muketile? Loli, ngwisa ukusyagania, ikyene kyāli itolo luko lumo lwa myenda abene bātalile bātendekisyé, umwe mumenye. Une—une ndinkwinogona abene naloliloli babukaga kukufwala i myenda. Une naloliloli ninogonaga. Kilinkuti, “Abakikulu bitendekisyé ukufwala i myena.” Une ndinkuti, “Ntufya Kyala panongwa ya bene. Ikyo kyo kinunu. Ikyo, une naloli ngupalisya u Ntwa panongwa ya ikyo.” Loli, muketile, igyene gyāli itolo luko lumo lwa myenda abene batalile bātendíke, kindukimo. Kyāyaga kindukimo ikisekesye, bule ikyene, nkīsu iki? Umma ndaga.

²⁵⁰ Polelo akabalilo kāko Adam ālisilepo. Kangi akabalilo ka Adam abonekaga isyūkile, polelo Umwene ālyegile ulubafu ukufuma ku lubafu lwake nukuntendeka Eva, ikyombo-kyasinda kuli umwene. Umwene ātendíke... Umwene ālyegile u mbepo gwakikikulu panja pa Adam, nukugubika uwgwe mu nkikulu, u mbepo gwa lugano, uwakikikulu, uwakibabilisi, umololo. Kangi Umwene agulekile u mbepo gwakinyambala mwa Adam. Lilino, linga kilipo kilikyosa ikikindáne, kulipo ukuniongasya pa buyobumo. Lilino, kangi polelo abene babili bāli yumo.

²⁵¹ Kangi polelo unko uswe itolo twege akokino akanini polelo bo tukālī ukwigala. Apa ikwisa...Apa, umwene yo Adam ikwega Eva pa kiboko kangı abene bikwenda panja. Une itolo nkaganile akapango aka. Kangı abene bikwenda panja, umwe mumenye. Kangı Eva alinkuti, “O, nganigwa, ugwe kusanusya ugwe ubombile?”

“Ena, une nnikolile ikyo.”

“Loli ngimba ugwe kukikōlela fiki ikyo?”

“Ikyo kyo kikukoleligwa i falasi. A-ha.”

“Ngimba ikyo kyo fiki?”

“Iyo yo ng’ombe. A-ha.”

“Ugwe ukikōlile ikyo?”

“Ena. A-ha.”

²⁵² “Ngimba fiki iki ugwe kukikōlēla pala, bala babili bītugesye pala ni mitu gyābo palikimo?”

“Isyo syo njuni-syalugano.”

²⁵³ “O, une ngetile. Une ngetile.” Kangı ukukindilila bu lūlo. “Kangi ngimba fiki iki ukukilania apa?”

“Une ngukikōlēla ikyo, *ikyo*, kangı iki apa.”

²⁵⁴ Kangı, “O, une ngetile. Aa-haa. Ikyo kyo kimogi.” Kangı i ngalamu yikubuna. “Ngimba ugwe kukikōlēla fiki kila?”

“Iyo yo ngalamu.”

“Ngimba kyo fiki *iki*?”

“Ilibōle-linywamu.”

²⁵⁵ Kangı, o, ukufwana...“O, une ngetile.” Itolo ukufwana twana twāpūsi, umwe mumenye, kangı ukunialula mosa.

²⁵⁶ Polelo, bo akabalilo kakindilepo, umwene ikuketa ukusyungutila. Umwene alinkuti, “Nganigwa, kéta apa, i lisuba likubuka pásí. Akene ko kabalilo akákubúka ku kipanga.”

Umwene mumenye, kilipo itolo ikindukimo ukufwana na kabalilo kākō i lisuba likwingila, ugwe kulonda ukwīpúta. Linga ugwe utikubúka ku kipanga ikilo kila, ugwe kulonda ukwisa nkyumba kimo, ukubala i Bāngéli. Balinga bisibile ukubomba ikyo, ukusōkápo ukuya pa gwimwene? Muketile? Ikyene kili itolo mwa mundu ukubomba ikyo. Ugwe kufimbilisigwa ukubomba ikyo.

“Akabalilo kābuka ku kipanga.”

²⁵⁷ Lilino, abene bakāyobilémo, “Lilino, gūlila i miniti yimo, lilino, Jones ikubuka ku Assemblies, kangı uswe tukubuka ku...” Umma, ikyene kikāliko nakimo bo ikyo akabalilo kala, polelo abene itolo bābukile kula. Abene bakāli ni kipanga, ikikota ikinunu ukwitugasyápo bo ikyo. Abene itolo bābukile

mmwanya pásí pa katedulo gwa mipiki unnywamu unkulumba, nukufugama pásí.

²⁵⁸ Kangi u ingiga ya Lumuli lula lwasengamaga pala mu singi sila. Muketile? Une mbagile ukupilika a Masyu gikuyoba pásí nukuyoba, “Ngimba a bána Bāngu bïkyelíle bene pa kísu, umwisyugu, iki u Ntwa Kyala gwinu abapele umwe?”

²⁵⁹ “Ena, Ntwa, uswe twïkyelíle twibwene umwisyugu.” “Ngimba bule, nganigwa?”

²⁶⁰ “Ena. Ena, mpala, uswe tubombile.” “Ntwa, uswe naloli tukukupalisya Ugwe. Lilino une ngulambalala pásí ukugona utulo.” Muketile? Kangi umwene ikulambalika ikiboko kyake ikinywamu panja, kangi umwene unkikulu ikulambalala pásí, pa kiboko, kangi umwene unnyambala ukulambalika ilibôle ilinywamu pásí ni ngalamu pásí, kangi filifyosa pásí ukugona utulo; nulutengano fiyo.

²⁶¹ Polelo Kyala ikusuluka pásí kangi Umwene ikutwâla pásí, o, ikipamba kya Bândúmi, Gabriele, ikipeligwa Kyâke ikya ku Mwanya. Polelo abene bikwisa pásí kangi abene bikunyatuka nalolilo panandi nkati nkyumba, muketile, ukukelengania. Gabriele alinkuti, “Isaga kuno, Tâta. Isaga kuno. Kéta apa. Apa umwene alipo. Apa, apa balambalele a bána Bâko balambaléle apa.”

²⁶² Balinga muno babukilemo pa lubafu lwa kitala, bamó mwa umwe bamâma, ugwe nu tâta palikimo, nukukéta ku ndumiana unnini, u ndindwana unnini, kangi umwe itolo mukukembusania yumo nu nnine, “Atiku—atiku boneka umwene bo ugwe, injila *iyi* kangi injila *yila*?” Ngimba umwe mubombilémo ikyo? Fiki, utubalilo twingi une ngubuka nukuyoba kwa Meda, tuyobe isya Yosefu. Umwene ikuyobaga, “Bill, umwene ali nikipumi bo ugwe.”

²⁶³ “Ena. Loli, Meda, umwene ali na maso amanywamu bo ugwe.” Fiki? Umwene yo kiyabo kya kyitu ikyo-... Umwene yo kyombo kya bwitu—ikya bumobwene bwitu.

²⁶⁴ Lilino, kangi Tâta alinkuti, abagíle ukuyoba iki ukufwana na iki. Alinkuti, “Umwene mumenye...” Kangi Gabriele alinkuti, “Ugwe umenye, umwene ikuboneka itolo bo Ugwe.” Umo mo mûmo u Kyala ikubonekela; ikêtésya gwimwene. Umo mo mûmo Kyala ikubonekela. Umwene ikuboneka bo ugwe. Ugwe gwe kitupuka Kyâke. Balinga bamenye ikyo? Muketile?

²⁶⁵ Lilino kêtésya. Ngimba bo buki ububumbe bwa bûmi bwâpási ukukinda-bosa ubu uswe tuli nabo? Kyula. Ngimba bo buki ububumbe bwa bûmi bwâpamwanya ukukinda-bosa? Bundu. Naloliloli. Kangi ngimba bo buki ububumbe ubwapamwanya ukukinda-bosa? Ubwene bulunkumilisyá ukwisa ukufuma pásí fiyo, ukwisa mmwanya, ukufuma ku kyula ukubuka ku *iki* kangi ukubuka ku *iki*, kangi ukubuka ku njuni, mpaka, bo ifyo, mu bubumbe ubwapamwanyapo ubwa

būmi, mpaka ubwene bukwisa ku bubumbe ubwapamwanya ukukinda-bosa ubwene bwābagile ukwisa, polelo ubwene bwātendekigwe nkifwani kya Kyala. Syo isyo lelo. Kangi u nkikulu akātendekigwe nkifwani kya Kyala, loli nkifwani kya nnyambala. Muketile?

Lilino, lilino, pala abene bali. Kangi Kyala ikubakéta abene, ukuti, “Ena, abene bikuboneka—abene bikuboneka kanunu.”

²⁶⁶ Ngimba kila kyāli fiki, nkundwe? Abene nasiku bakafimbilisigwaga ukufwa. Kila kyāli itolo kyakukiboko kyākwanda ikya kalasiumu, i potashi yākwānda, kangi filifyosa fyālyandile bo ulo. Ngimba ikyene kikaya kimogi? Loli ubonangi bukwisa mula nukunyasya ikibonekelo. Lilino, ngimba Kyala... Ngimba Kyala ālitikisyé ikyene ikubomba fiki? Nongwa ya fiki Umwene ālitikisyé ikyene ukuya bo mūmo uswe twayobelaga pitasipo? Umwene ālitikisyé ikyene ukuti Umwene ābagile ukusisimikisyá Umwene āli yo Mpoki. Umwene ābombile ikyene. Umwene ikwitikisyá u bubine ukuboneka, ukuti Umwene ābagile ukusisimikisyá ukuti Umwene āli yo Mbumbulusi. Umwene ālitikisyé u bufwe ukuboneka, ukusisimikisyá ukuti Umwene yo Būmi. Muketile? Umwene ālitikisyé i findu fyosa ifinyali ifi ukuboneka, ukusisimikisyá ukuti Umwene yo nnunu, iki Umwene āli. Uswe twisa...

²⁶⁷ Umwe mukuyoba isya kwimba akapango ka lutabulo! Fiki, nkundwe, akabalilo kāko Yeso ikwissa, iki—iki Kipanga kisakwima kula pa lupaso lwa kīsu ki nu kwimba utupango twa lutabulo, akabalilo kāko a Bāndúmi bisakwinamisyá imitu gyābo, kisita kumanya ifi uswe tukuyobelapo. Ena, abene bakayongámo siku. Abene bakamanya ifi uswe tukindilémo. Uswe tumenye iki kikusanusya ukuya njōng nu kwāgígwa. O, tubagile ukuywega indufyo Syāke! Umwene akaya Mpoki ku bene. Abene bakālondigwémó ukupokígwá kulikosa. Umwene akāli Mbumbulusi ku bene. Umma. Lwimiko! Umwene akaya—Umwene akaya Būmi ku bene. Laloliloli umma. Abene bakālimo bafwe mu butulwanongwa ni ngilanio. Uswe twāli, kangi uswe tutendekigwe ukuya būmi. Apo uswe tulipo. Ngimba uswe tukuyobaga fiki, ni ngiga syitu panja, “O, ugwe gwe Rev. *Gwakuti-na-gwakuti*”? Umma, umma, umma, umma, umma. U lwimiko losa ku Mwene! Ikyo kyo kyene. Muketile umwe lelo. Polelo uswe twisakupanga akapango mūmo uswe tuponjolíle. Uswe twisakipilikisyaga ikyene kanunupo panandi na panandi.

²⁶⁸ Polelo, popápo mu kila mula, polelo fiki fyābonike? Ngimba Kyala itolo āyobile, “Ena, Une kifwene itolo ukuti une mbogotole u potashi na kalasiumu Gwāngu yosa. Ikyene kyo kyosa kyonangike”? Umma, umma. Umwene āménye ikyene kikuyaga i njila yila.

Lilino, lilino, linga u Mbepo Mwikemo ālindēndíke une iki une ñdi, kangi une ngulya ifyakulya nukugomokesya mu mbili gwangu, nukwiyyenga iki une ñdi lilino. Lilino,

pópe, une nātendekígwe mu bubumbe. Ikibonekelo kyosa iki Kyala ākibwéne, bo u lwālo lwa kīsu lukāligwa, kikukya, kikupalamásígwá. Muketile? Ikyene kyāsökíle ukufuma ku nkikulu, mūmo Umwene áyobíle ikyene kikubombaga; akabalilo akakonge, ikyene kikusóka panja ukufuma kwa Kyala. Ikyene kisile akabalilo kala, ukwisila mu nkikulu; ikyene kikwisa akabalilo aka, ukwisila mu Nnyambala. Muketile? Kwisa akabalilo kala, ukwisila nkinyonywo kya kugonana; ikyene kikwisa akabalilo aka ukwisila mu Lisyu iliyōbígwe lyá Kyala. Muketile?

²⁶⁹ Pala, lilino, ngimba kalikosa kabagíle ukumfulasya une? Umma, nkulumba. Kikayapo nakimo kibagíle ukumfulasya une. Pauli áyobíle, “Ifya findu na ifi filipo, i findu ifi fikwisa, ububine, u bufwe; nakimo kibagíle ukutupagúlánia uswe ukufuma ku lugano lwa Kyala ulu luli mwa Kristi.” Kikayapo ni kindu nakimo kibagíle ukutupágúla uswe.

²⁷⁰ Mūmo une mbangile akapango akanini. Une syele itolo inywili ihano kubupipi nukuya gwakipala, kubumalikisyo. Kangi une nāpesaga tula utunandi apa akabalilo kamo aka kakindilepo, unkasi gwangu alinkuti, “Billy, ugwe uli kifuki gwakipala.”

Une ndinkuti, “Loli une ngayongesya na yimo ya syēne.”

Umwene alinkuti, “Isyene sili kūgu?”

²⁷¹ Une ndinkuti, “Ngimba isyene syali kūgu bo une ngāli nganasyo isyene?” Muketile? “Kulikosa kūko isyene syáli bo une ngāli nasyo isyene.”

Lilino, kalipo akabalilo kamo, ifyinja mia yumo iyolo, inywili isi sikāli apa na panandi, loli isyene syáli panja apa mu lufumbi. Ngimba uko ko katalusya? Polelo ukufwana ifyinja malongo mahano ifi fikindilepo, isyene silinkwanda ukwisa pa ntu gwāngu. Isyene syálisíle ukufuma kūgu? Ukufuma ku lufumbi. Kangi lilino isyene sikugomokela kūko isyene syáli. Ngimba uko ko katalusya? Isyene sikāli, polelp isyene syáli, kangi lilino isyene sikaya. Ngimba ikyene kyo fiki? Ngimba kyo fiki iki kyātendíke isyene ukuya iki isyene sili? Kyala! Pala Umwene ali. Umwene ásingwíle ikibonekelo, alinkuti, “Umo momūmo Une ngulonda umwene.”

²⁷² “O Bufwe, ngimba yili kugu isufi yako? Ipumba, buli kugu ubuponjoli bwāko?” Umwe mubágíle ukunsyila une limo mwa masiku aga ukufuma apa. Une ngamanya. Loli, nkundwe, une ndisakuya mfwano. Une ngubabulaga umwe ikyo. Umma, nkulumba. O!

Uswe twisakusyuka, (Aleluya!)

Uswe twisakusyuka!

Pa lububju lwa busyuke bula,

Bo imbaso sya bufwe sibongotwike,

Uswe twisakusyuka, (Aleluya!) twisakusyuka.

Kikayapo nakimo ikyakumba une ukufuma kukusyuka. Gikayako imisyetano igwakufwana mu gehena mosa igi gibagile ukumba une ukufuma ukusyuka. Kikayako ikyakufwana nakimo nakumo ukumba une ukufuma kukusyuka. Une ndinalo u lufingo lwa Kyala. Une ndinayo u Mbepo Mwikemo. Une ndinayo Zoe, u Būmi Bwasyepwa bwa Kyala, bukutisya nkati muno. Umfimba unkangale ugu gwisile ukufuma kula, kangi Kyala anyubatile une ukufuma ku mfu. Kangi linga Umwene Yuyo anyubatile une ukufuma ku mfu...

²⁷³ Akabalilo kāko une nālisile ukuya nkusi, lilino, akabalilo kosa une ngupilika ilibangala lya kipanga, i Kindukimo kyayobaga kwa une, u ndumiana u nnini unnandi. U Gwāndūmi āyobile ukufuma ndusingi, alinkuti, “Komma ugwe nasiku ukunwa pamo ukukwēsa. Une ndinimbombo na ugwe ukubomba. Komma ukunyasya u mbili gwāko, pamo ukwendendeka ukusyungutila na bakikulu ni findu. Ugwe, Une ndinakyo kimo kuli ugwe ukubomba akabalilo kāko ugwe kuya nkusipo.”

“Ngimba Ugwe gwe ywani? Ngimba Ugwe gwe ywani?”

²⁷⁴ “Ugwe kwisa kumanya fingipo isya ikyo pankyenī.” Pakabalilo kanandi, apa Umwene ikwisa. Umwene ikwēlēla pala ku losyo. Umwene ikwināngísyā Mwene. Umwene ikwifumusyā Mwene. Umwene ikwamula. Une ngumbona Umwene imile pala, paliposa, ukusyungutila posa.

²⁷⁵ Ngimba ugwe kuyaga bulebule, linga Umwene ālindēndikē une iki une ñdi, kista kuya nu lusalo lulilosa na panandi...? Une ngāgomokile ku nyuma nukuyoba, “Lilino, Charlie Branham, ugwe mmwega Ella Harvey kangi ndwala une panja pa kīsu.” Umma, nkulumba. Une ngálímo siku nu lusalo ulwa ikyo. Kyala ābombíle ikyo.

Kangi linga Umwene ālindēndikē une iki une ñdi, kisita lusalo; ko kōngelelápō kuki, akabalilo kāko u Mbepo Mwikemo ikubūka kukūbatíla pamwanya pa une, kangi une nguyoba, “Ena, Ntwa, Ugwe gwe Mpeli gwāngu. Une nguganile Ugwe, kangi Une ngukwitikisyā Ugwe ukuya Mpoki gwāngu!” Ngimba ugwe kungolelelágá bulebule ndufumbi? Ukabagila itolo ukubomba ikyene, nkundwe. Ukabagila itolo ukubomba ikyene.

²⁷⁶ Kyala akabumbilemo siku akapatu kamokene aka kalasiumu uyu, pamo potashi, pamo kalikosa akangi, aka siku ukuya—ukuya katagigwege. “Bosa aba u Tāta āmbéle Une, bo lukayako u lwālo lwa kīsu, bisakwisa kwa Une.” Whuu! Une ngwipilika ngati njwege; nubwanaloli-ndumbula une ngwipilika. “Bosa aba u Tāta āmbéle Une bisakwisa kwa Une, kangi na yumo gwa bēne isakutagigwaga, loli Une ngwisakúsúsyā ikyene kangi mbusyuke.” Une nālimpilike Umwene ikuköléla, akabalilo kāko une nisile ku Mwene. Ngimba abene babagile bulebule ukungoleléla une ndufumbi lya kīsu?

Bakayapo abasila-mapumba abakufwana nkīsu ukupamandisye une nkisyo nu fosholo, bikukyunga une siku ndufumbi lwa kīsu. Une ngwisakusyuka i lisiku limo nukwima mu bufwane Bwāke, nsukīgwe mu Lilopa Lyāke, mbapīgwe ukufuma mwa Mbepo Gwāke! Aleluya! Yaga ni fipanga-fipāgúke fyosa umwe mukulonda; une ngwegaga Yeso. Amen!

²⁷⁷ Umundu gwa insyulansi ikwisa kwa une. Wilmer Snyder, umwinangu unnunu. Umwene alinkuti, “Billy, une ngulonda ukukugulisia ugwe u lwitikano lwa insyulansi.”

²⁷⁸ Une ndinkuti, “Une ndinayo iyene.” (Unkasi gwāngu alinkukelengania, ikufwana ikulonda ukuyoba, “Ngimba kuyobebe ubutungulu ku fiki, ndumiana?”)

Alinkuti, “Ugwe gulinayo insyulansi?”

Une ndinkuti, “Ena, nkulumba.”

Alinkuti, “Yo kampani nki ugwe uli nayo? Ngimba iyene yo fiki?”

²⁷⁹ Une ndinkuti, “Busayigwa ubusisimikisye, Yeso yo gwāngu, o, ko kugonjela-ngānila kuki ukwa Iwimiko lwa Bunyakyala! Gwakilingo gwa bupokīgwe, kyakūlīgwa kya Kyala, mpāpīgwa gwa Mbepo Gwāke, nsukīgwe mu Lilopa Lyāke.”

²⁸⁰ Umwene alinkuti, “Ikyo kyo kinunu, Billy, loli ikyene kitisakukubīka ugwe ku masyeto.”

²⁸¹ Une ndinkuti, “Ikyene kisakunsōsyága une panja.” Aleluya! Une ndikupasya isya kufika kula; ikyene ko kusakamo.

²⁸² Polelo, une ndi ni nsyulansi iyi yikumbula une, “Une nisakukutwala mmmwanya. Bosa aba Tāta āmbéle Une bo Bāngu.” Une ndikupasya iki u tāta gwāngu abombile, iki u māma gwāngu abombile, iki kalikosa kāli. “Fyosa ifi Tāta ikumba Une fisakwisaga kwa Une, kangi nayumo umundu abagile ukwisa pene papo Tāta Gwāngu ikunkwaba umwene.” Aleluya! Nongwa ya fiki Umwene ikukwaba abene? “Une nābamanyile-ngānila abene bo lukāli ulwālo lwa kīsu. Akabalilo kāko nāgogile u Kang’osi, une nāgogile Umwene nu Mwene.” Ameni. “Une nābikile-nganila i Kipanga.” Ngimba fiki filinako ukubikīgwa-ngānila? I Kipanga. Ngimba ugwe kufika bulebule mu Kipanga? “Nu Mbepo yumoywene uswe twesa tōsīgwe mu Mbili gumogwene.” Umwene āmenye, bo lukāyáko u lwālo lwa kīsu, ukuti uswe tukuyaga kula. “Kangi aba Umwene abamanyile-ngānila, Umwene akōlīle. Bala abene Umwene akōlīle, Umwene agōlwīsyē. Bala bābo Umwene agōlwīsyē, Umwene atālīle abimike.”

²⁸³ Mma Buku ga Kyala, Umwene atālīle ayōbīle Umwene ikwaganaga na une palapala pala. Gikayako imisyetano gyosa ukufuma ku gehena gibagile ukukyunga abene kulikosa ukungi loli ukukyunga abene ukufuma ukwisa kulakula kula, ‘nongwa yakuti Kyala atālīle ayōbīle lulo, kangi ikyo kikumasya ikyene.

Linga ifyinja mabilioni mia yumo bo i kīsu kikābumbūgwémo siku, i ndondwa syandubunju syālimbile palikimo kangi a bānabalumiana ba Kyala bāywiegile ku busanguluke, bo kukāliko u lwālo lwa kīsu, muketile, bo kukayako u lwāl... , kangi bala a Bāndúmi na filifyosa bāhobwíke, ukulalata isya ikyene, bo kukāliko u lwālo lwa kīsu, ngimba u mōhési ikukyungaga siku une mu lufumbi lwa kīsu? Itolo kabagíla ukubomba ikyene. Ugwe gwe kutalusya.

²⁸⁴ Unko uswe tukéte, lilino. Aka ko kabalilo ka demokrase une ndinako, ku bwa kuno. Iyo yo mamoniti malongo mabili mpaka pa sala ya kalongo na yimo. Iyo yo maminiti malongo mabili mpaka sala ya kalongo. Ngimba uko ko kutalusya, Nkundwe Wood? Uko ko kutalusya, maminiti malongo mabili mpaka sala ya kalongo. Aligwesa ahobwike?

O, une ngwipilika ngati ngwendela nkyeni,
Une ngwipilika ngati ngwendela nkyeni;
Akāya kangu Akakumwanya ko kamulike
kangi kēlu,
Kangi une ngwipilika ngati ngwendela nkyeni.

O, une ngwipilika ngati ngwendela nkyeni,
Une ngwipilika ngati ngwendela nkyeni;
Akāya kangu Akakumwanya ko kamulike
kangi kēlu,
Kangi une ngwipilika ngati ngwendela nkyeni.

²⁸⁵ Umwe musiganile inyimbo sila isyaiyolo bo isyo? Lwālisibile ukuyako lumo ulwaiyolo uswe twalisibile ukwimba ukufwana, ikindukimo ikyo, “Ipyana ni kisa fyālinyāgile une. Pala i Ndondwa ya Ndubunju yāmulike.” Ngimba lo fiki lula, Kalumbu Gertie? Unko uswe tukéte. Bulebule... Ngimba ulwene lo fiki, Nkundwe Neville? Muketile, ikindukimo, “Ipyana ni kīsa fyālinyāgile une. Pala i Ndonwa i Nyelu ni ya Ndubunju ikunangisya u Lwāke...?... ukusyungutile une.” Aa-haa. Ena. “Mu kipingika.” Tupápo uswe ulusámbo pa ulo, kalumbu, lula, *Kifuki Ni Kipingika*. Isaga pamwanya apa, Nkundwe Neville. O, une nsiganile isi. Balinga basiganile sila inyimbo ingulu imbagigwe? Umwe mubagile ukuya kosa ukunyele-nyele kwinu kwasa-kwasa umwe mukulonda. Mbapo une iki, “Kuno ko kūko ipyana ni kīsa fyālinyāgile une.” Ikyo kyo kyene. Umma ndaga, nubunyāfu lilino.

Yeso, ngyunga une kifuki ni kipingika,
Pala i Nyibuko imbalá,
Nsitantengo ku bosa, ikisoko kya bupone,
Kikōnelela ukufuma ku kyāmba Kalvari.

Nkipīngika, nkipīngika
Yaga lwimiko lwangu bwila;

Mpaka u moyo gwangu unyakiligwe
gwisakwaga
Ubutusyo pisilya pa kisoko.

²⁸⁶ [Nkundwe Branham ikung'ung'usya *Kifuki Ni Kipingika—Nsimbi.*] O, bumogi buki! Inogona ikye! Bule linga akāliko u Mpoki? Bule linga uswe tukāli nalyo i Lisyu ili? Bule linga Umwene akābakōlile umwe? Bule linga Umwene akabamányile-ngāníla umwe, kangi ugwe gwāli panja apa nkīsu kyosa ikilo iki? Ngimba umwe munganile Umwene? O, mwe! Komma ukwibwa ubulumbilili ndubunju, lilino, pa sala ya buhano-na-sina-na-sinda-gwasala.

Nkipīngíka, nkipīngíka,
Yaga lwimiko lwangu bwila;
Mpaka u moyo gwangu unyakiligwe
gwisakwaga
Ubutusyo kwisilya . . .

²⁸⁷ Lilino tupapo uswe u lusamba pa *Fwasi Ku Nyibuko*. Ulununu ulu ulwimbo lwaiyolo, “Yilipo i fwasi ku Nyibuko.” Balinga bamenye ukuti ikyene? “Fwasi, fwasi, ena, yilipo i fwasi, ku Nyibuko.” Akabalilo kāko umwe mukubomba ikyene lilino, naloliloli nikimyemye itolo fikila ukukilania, ku lubafu lwako, kangi poniania amaboko nu nkundwe yula. Umwe mumenye, yilipo i fwasi lilino kuli bosa aba Methodisti. Yiliko i fwasi kuli ba Baptisti. Yiliko ifwasi kuli ba Pentekosti. Yilipo ifwasi kuli uswe twesa lilino, ku Nyibuko. Balinga balumenye ulwimbo ulwaiyolo? O, naloli umwe mulumenye. Mwe bambo ba umwe bākabalilo-kaiyolo lilino, iki kyo kinunu, ulwimbo lwa Kentucky ulwaiyolo lilino.

Fwasi, fwasi . . .

Ponania ifiboko.

. . . ena, yilipo i fwasi,
Yilipo i fwasi ku Nyibuko kwa ugwe;
Fwasi, fwasi, ena, yilipo i fwasi,
Yilipo i fwasi pa Nyibuko kwa ugwe.
Oh, fwasi, fwasi yilipo i fwasi inyingi,
Yilipo i fwasi ku Nyibuko kwa ugwe;
O, fwasi, fwasi, ena, yilipo i fwasi,
Yilipo i fwasi pa Nyibuko kwa ugwe.

²⁸⁸ Lilino, une ndinakyo ikitwigisyo ikinini kuli umwe. Bosa ubulumbilili bwa lululu fiyo, kangi amabūku, na filifyosa, fisakuyaga pa kugulisigwa ku bumalikisyo ubungi ubwa kipanga, undungu gwa kilabo, ku ngomano; amatepi na filifyosa, na fyosa, mu bubumbe bwa fisimbigrwa finunu. Pisakuyapo i mesa kunyuma kula ku nyuma, nkimo mwa fyumba. Kangi ifisimbigrwa, ama bulumbilili aga lululu, kangi fimo mwa fisimbigrwa ifinunu ifi fibukile panja pakwanda, mu ma būku amapya, ubisimbe-kangi ubupya, fisa fyosa

ukubambikigwa, kangi mu—ku bumalikisyo bwa nyumba, i Kitatu iki kikwisa nkilo.

Kangi uswe tukugūlila a—akabalilo akanunu mwa Ntwa. Isaga, mukwīputa, lilino. Lilino, kōlēla ababine binu na bambungo, basimbile abene u kalata. Batwala abene nkati muno. Uswe twisa itolo... Kyala isakwenda itolo namaka. Kangi uswe tumenye ukuti Umwene isakubomba ikyene lilino.

²⁸⁹ Kangi lilino une mbukile kwa aligwesa uyu une nummenye, āli na kanini kandukamo. Linga kalipo kalikosa panja pa njila lilino, ugwe kumbikilaga, une mbabulile umwene akabalilo katali aka kakindile, uswe tukubukaga ukukigolosya ikyene mosa. Kangi une mmenye ukuti umwe mumenye yilipo imbepo ingindane apa ukukinda iyi yālipo. Muketile? Muketile? Uko ko kutalusya. Lilino, komma ukukyitikisyia ikyene ukusōkapo kangi mma. Une ngubalagila umwene pankyenai pa Yeso Kristi, komma ukwitikisyia ikyene kisōkepo. Syala papapa apa ni kyene, muketile, itolo kyunga kilikyosa kigolosigwege papapa pásí nukukindilila nkyeni. Umwe mwe bakundwe. Ikyene kikayamo siku nkundwe pamoo kalumbu gwākō uyu ikubomba kalikosa akasobi; iyene yo mbepo ya mōhési yikwingila nkati mula. Muketile, umwene ikwembela. Kangi itolo ipilikaga nsulumanigwe panongwa ya nkundwe pamoo u kalumbu, kangi manya ukuti umwene yo Sētāno ikwisa pakati. Linga ugwe uli nu kwipiliki kumo isya ikyene, ugwe kisōsyápo kila panja pa ugwe nakalinga-nakalinga, ugwe uketile, 'nongwa yakuti ikyene kisakukulya ugwe. Ena, ikyene kisa. Polelo, syala kubutali ni kyene. Itolo kumbukilaga.

Yilipo i fwasi, fwasi, i fwasi inyingi,

Yilipo i fwasi ku baMethodisti, i fwasi ya baBaptisti, i fwasi ya Presbeteri. Yilipo i fwasi ya bosa.

Fwasi, fwasi, ena, yilipo i fwasi,

Yilipo i fwasi pa Nyibuko kwa ugwe.

²⁹⁰ Balinga bikukumbukila ulwimbo lwitu ulwaiyolo ulwakusātila, polelo?

Ega i Ngamu ya Yesu na ugwe,

Mwana wa busulumanie ni soka;

Iyene ubuhofu nu lupembusye lisakukupaga,

Ega Iyene kulikosa ugwe kubuka.

Ngunyonywa ugwe gwābagile ukusyala na uswe, Nkundwe Jeffreys, ugwe na Kalumbu Jeffreys, kangi abalumiana pala, kangi bosa ba abene.

Kangi polelo ku Ngamu ya Yeso ukwinama,

Ukugwa palwanda pa malundi Gwake, (O, mwe!)

Mwalafyale gwa banyafyale ku Mwanya twisakumfwika ingiga Umwene,

Akabalilo kako ubulendo bwitu bumalike.

Ega i Ngamu ya Yesu na ugwe
 Ega Iyene ukuya Ngulu umwisyugu;
 O, akabalilo kāko ingelo lukwisa kifuki,
 Tuyaga i Ngamu Inyikemo yila ndwīpúto.

O, une nkiganile ikyo. Bule umwe? Inswigisye yila i Ngamu ya Yeso! Lilino, unko uswe twīme mmwanya papapa lilino, akabalilo kāko uswe tukwimba lilino. Umma ndaga.

Ega i Ngamu ya Yesu na ugwe
 Mwana wa busulumanie ni soka;
 Ikyene kikuyaga . . . ? . . .
 . . . O mumo bunyafu!
 Lusubilo lwa kisu kangi buhofu bwa
 Kumwanya;
 Ngamu imbalá, (O, i Ngamu imbalá!) O
 bunyafu buki!
 Lusubilo lwa kisu kangi buhofu bwa
 Kumwanya.

²⁹¹ Iki kyo kikindane panini lilino. Unko uswe itolo twinamisye imitu gyitu lilino, kangi, naloli kimyemye, unko uswe tufyusye mmwanya ikiboko kimokyene, nukuyoba:

Pa Ngamu ya Yesu tukwinama,
 Tukugwa bulambalale pa malundi Gake,
 Mwalafyale gwa banyafyale ku Mwanya
 bisamfwika ingiga Umwene,
 Akabalilo kako ubulendo bwitu bumalike.
 Ngamu imbalá, O bunyafu buki!
 Lusubilo lwa kisu kangi buhofu bwa
 Kumwanya;
 Ena, Ngamu imbalá, O, bobunyafu buki!
 Lusubilo lwa kisu kangi buhofu bwa
 Kumwanya.

²⁹² Nimitu gyitu ukukindilila ukwinama, uswe tukuyoba . . . [Nkundwe Branham ikung'ung'usya *Ega I Ngamu Ya Yeso Na Ugwe—Nsimbi.*]



NONGWA YA FÍKI USWE TUKÁYA KIPĀNGA-KIPĀGÚKE? KYA58-0927
(Why Are We Not A Denomination?)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Mpyagilo kunamayolo, Seputembala 27, 1958, ku Branham Tabernacle mu Jeffersonville, Indiana, U.S.A., bwiegigwe pa busimbe bwa tepi ya magneto kangi busimbige kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbige ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org